

---

JUS FEUDALE

NEAPOLITANUM, AC SICULUM.

---



MARINI GUARANI

IN UNIVERSITATE NEAPOLITANA

JURIS CIVILIS

PRIMARII PROFESSORIS

JUS FEUDALE

NEAPOLITANUM, AC SICULUM.

TOMUS II.

*Jus successorium exhibens.*



NEAPOLI MDCCXCIII.

EX TYPOGRAPHIA SIMONIANA.

*Cum publica venia.*





# INDEX TITULORUM;

Qui in primo tomo continentur.

INTRODUCTIO.

pag. 1

## LIBER II.

TIT. I. De testamentaria feudorum suc-  
cessione . 3

II. Quid baronibus in testamento li-  
ceat jure Neapolitano novis-  
simo . 20

III. De legitima feudali . 35


IV. Quatenus statuere de feudis Si-  
culi Barones in testamento pos-  
sint ex capitulo volentes . 51

V. De successione legitima secun-  
dum jus feudale commune. 79

VI. Παρασκευασίς ad successionem ab  
intestato ex jure Neapolitano,  
ac Siculo . 96

VII.

VII.	<i>De liberorum successione en ju-</i> <i>re Neapolitano, ac Siculo.</i>	104
VIII.	<i>De successione parentum.</i>	116
IX.	<i>De successione conjunctorum e</i> <i>latere .</i>	122
X.	<i>De novis privilegiis successoriis</i> <i>baronibus Neapolitanis concef-</i> <i>sis .</i>	148
XI.	<i>De privilegiis successoriis Si-</i> <i>culis baronibus concessis in ca-</i> <i>pitulo si aliquem .</i>	170
XII.	<i>De feudorum refutatione.</i>	223
XIII.	<i>De vita, &amp; militia præstan-</i> <i>da liberis natu minoribus.</i>	237

  
*Viro • Incomparabili • Francisco  
Aquinati • Caramanici • Principi • Uti-  
li • Plurimorum • Oppidorum • Domi-  
no • Ex • Familia • Inter • Illustriores  
Italiae • Domos • Nulli • Secunda • Et  
Ab • Ipsis • Comitibus • Aquinatibus  
Verustissimis • In • Regno • Neapolitano  
Dynastis • Exorta • Philosophiae • Musarum • Et • Quod • Longe • Praestabilius  
Sanctioris • Humanitatis • Alumno • Li-  
beralitate • Ferme • Regifica • Ac • Pe-  
cuniae • In • Honestissima • Quaeque  
Erogandae • Apprime • Comparato • Inge-  
nii • Acumine • Morum • Suavitate • Fi-  
de • Integritate • Constantia • Felicissi-  
mo • Ferdinando • Acceptissimo • Ex  
Siciliensium • Communi • Voto • Pro  
Rege • Siciliae • Praeesse • Iusso • At-  
que • In • Proximo • A • Principatu  
Fastigio • Quod • Difficillimum • Apud  
Ho-*

*Homines • Qui • Nec • Totam • Liber-*  
*tatem • Nec • Servitutem • Ferre • In-*  
*sueverint • Omnium • Ordinum • Plau-*  
*sum • Adepto • Marinus • Guarannus*  
*Ipsius • Amplitudini • Devotissimus • Par-*  
*tem • Hanc • Alteram • Iuris • Feu-*  
*dalis • Neapolitani • Ac • Siculi • Ob-*  
*sequii • Sui • Testificationem • In • Prae-*  
*sens • Monumentum • Virtutis • Ejus*  
*Ad • Posteror*



IN.



# INTRODUCTIO

IN FEUDALEM SUCCESSIONEM.



Uamdiu barones olim aut ad tempus , ac veluti precarii titulo , aut ad vitam usque in feudorum possessione fuerunt , ea politicam Civitatis constitutionem spectabant . Per id temporis igitur feuda ad jus tantum publicum pertinebant , neque ad feudales controversias dirimendas leges de privatorum patrimonio ferri solitas scribi oportebat . Ita ad Caroli Calvi Principatum usque lex ulla de feudis nusquam occurrit , quæ ad jus privatum referri possit . Enimvero ubi liberis , aliisque cognatis eorum successio delata fuit , atque in feudis privati etiam patrimonii rationem spectatam oportuit , ea legum quoque civili-  
*Tem. II.* A lium

lium materia cœperunt esse . Proinde privatum jus quoque scriptum , ut lites feudorum occasione inter privatos subortæ definiri possent . Quapropter in feudis rite constitutis jus aut publicum , aut privatum spectari queat . Ita jus quidem publicum in eis spectabitur , si de baronum militari servitio , aliisve juris publici articulis sit controversia . Contra jus privatum in feudis inspicietur , si de ipsorum successione , alienatione , & id. genus aliis judicium instituatur . Cum igitur feudorum respectu jus privatum frequentius in disceptationem venire soleat , hoc in libro id potissimum enucleabimus ; successionis autem feudalis argumentum ejus initium nobis erit . Exemplum tamen Triboniani sequuti feudalem successionem enarraturi primum testamentariam , deinde legitimam exequemur .

## J U S F E U D A L E

NEAPOLITANUM, AC SICULUM

L I B E R II.

T I T U L U S I.

*De testamentaria feudorum successione.*

**A** Libi advertimus , ex jure feudali  
 communi feuda generatim omnia  
 ex pacto , & providentia cenferi oportere *libr. 1. tit. 3. §. 3.* Ibidem monuimus , in feudis id genus non minus primo acquirentes , quam ipsorum liberos investitos intelligi . Proinde , ex regulis juris feudalis communis testamentaria feudorum successio prorsus ignota , neque jure ordinario quicquam in feudum baronibus in testamento licet .  
 Hinc vulgatum feudistarum carmen , *post*

#### 4 *Jus feud. Neap. ac Sic. L. II. T. I.*

*baronis obitum legis ipsius providentia; tamquam sagittam, in liberos statim transire feudum. Ejus rei illustrè extat monumentum consuet. feud. libr. I. tit. 8. Sic enim ibi collector. Si quis decesserit, liberis, vel filiabus superstitionibus, succedunt tantum filii aequaliter, vel nepotes ex filio loco patris tui, nulla dispositione defuncti super feudo manente, vel valente. Cum vero dispositionis vocabulo fideicommissum quoque contineatur, nugas agit Christianus Pesslerus, qui impensius adlaborat, ut probet, sine consensu directi domini posse baronem feudum pactitium, seu ex pacto, & providentia, quod dici solet, fideicommisso subicere in thesaur. Jenich. tom. 2. pag. 305. Igitur multo minus, quod idem pertendit, contra investituræ legem uni tantum ex liberis ex jure communi feudum antiquum prælegari potest. Eo enim inspecto, neque quicquam*

quam in feudum antiquum testatori licet, & secundum investituræ legem ad liberos æque omnes redire debet.

II. Quæ hætenus executi sumus, explorati quidem juris videri debent, si feudum sit antiquum. Difficilius tamen definire fuerit, num eadem & ad feudum novum extendi debeant, an de eo saltem primus ejus quæsitör pro arbitrio statuere possit legem in testamento dicendo, quæ investituræ advensetur. Finge exempli gratia feudum cuiquam concessum sub lege Francorum; & quod ad filium natu majorem redire oporteat, ea quidem in specie dubitari queat, an patri liceat, filium natu minorem in eo præferre. Operam autem abutuntur, qui post Camerarium ad *c. Imperialem*. pag. 96. a r. eo controversiam redigunt, an cum venia Principis id testatori liceat. Si enim id Princeps indulserit, ea facultas testa-

6 *Jus feud. Neap. ac Sic. L. II. T. I.*

tori denegari nequit , seu paternum ,  
seu avitum sit feudum ; & miror ego  
Hartmannum Pistor. in eo juris articu-  
lo tanto molimine adlaborare *libr. 2.*  
*quæst. 4. n. 23. & sequ.*

III. Species igitur ita debet effingi ,  
an scilicet primus feudi quæstor sine  
venia Principis pro arbitrio de feudo  
statuere possit , & contra investituræ  
legem illud legare filio nati minori .  
Ea de controversia in consuetudinibus  
feudalibus nil usquam occurrit , cum ,  
iis inspectis , feuda omnia de jure Lon-  
gobardorum sint , & ad liberos virilis  
sexus æque omnes redire jubeantur .  
Inde id tantum inferri queat , testato-  
rem non prohiberi feudum de jure Lon-  
gobardorum filio tantum nati majori  
legare ob præsumptum domini consen-  
sum , cujus melior conditio redditur ob  
faciliorem reversionem ad fiscum . Ita  
enim edicunt consuetudines feudales *libr.*

*De testament. feud. success. 7*

2. tit. 9. *meliozem nempe conditionem feudi facere vassallus potest: deteriozem vero sine domini voluntate facere non potest.* Id ipsum inculcat Ardizonis, & Alvarotti fragmentum apud Cujacium libr. 4. tit. 108. *Nulla juris constitutione, aut consuetudinis, ususque longævi observantia prohiberi sciscitatus invenio, vassallum arctiori lege feudum in alium, ubi libet, posse transferre.* Enimvero loca isthæc propositam controversiam non definiunt. In eo igitur legum defectu, si æquitatem spectes, deneganda non videtur ea testatori facultas. Haud absurde enim quis dicat, tacite conventum videri cum Principe, ut sine ipsius detrimento, quam velit, legem feudo a se primum quæsito quis dicat. Verum & excipere queat filius natu major, se jure per investituram quæsito excidere non oportere. Ea controversia judicio Sacri Consilii remissa per

8 *Jus feud. Neap. ac Sic. L. II. T. I.*

Principem olim adeo difficilis visa , ut augustus ille Senatus a dicenda sententia abstinuerit , ac litem compromisso finiri jusserit . Et ego igitur comperendinandum reor , eaque de re divale judicium expectandum .

IV. His ita præstitutis , aperte liquet , inspecto jure communi feudali , jus baronis in feudum cum fato mortalitatis extinguï . Perperam igitur baro aut feudalia prædia , aut eorum usumfructum in testamento legat . Ex lege enim investituræ ad proximum successorem feudum liberum redire debet . Is vero ipsis oneribus hereditariis heredes alias gravare solitis non adigitur , modo allodiali hereditate defuncti se abstinuerit . Cum tamen meliorationes in feudo factas ipsum jus feudale ad allodiale baronis heredem pertinere jubeat *consuet. feud. 2. 28. §. si vassallus* . id tantum in testamento baroni licet , ut feudalem he-



heredem ad meliorationes alteri exolvendas damnare possit. Quod ad fructus autem in feudo pendentes, ii directo domino addici debent, si ante Kalendas Martii sine feudali herede vassallus operetur; si post Martii Kalendas ad Augustum usque, pertinent ad baronis heredes *d. tit.* 28. §. *his consequenter*. Inde igitur licet inferre, cum eodem discrimine de feudi fructibus baronem testamento statuere posse. Ceterum cum utile per inutile jus civile vitari vetet, si quis in feudo, & allodio extraneum scribat heredem, saltem allodialia heres vindicare poterit.

V. Porro cum ipsius legis jussu ex jure feudali communi ad proximos cognatos deferatur feudi successio, opportune disceptari queat, an proximus feudi successor in allodialibus heres a barone scriptus bonorum separationem postulare possit, &, feudo sibi retento,  
he-

hereditatem allodiam repudiare ; ita vero æris alieni exolvendi , & reliquorum hereditariorum onerum necessitatem effugere . Hanc ipsam speciem proponit , ac definit consuetudinum feudalium collector *libr. 2. tit. 45.* Sic enim infit . *Si contigerit , vassallum sine omni prole decedere , agnatus , ad quem universa hereditas pertinet , repudiata hereditate , feudum , si paternum fuerit , retinere poterit , nec de debito hereditario aliquid feudi nomine solvere cogitur . Ubi vero filium reliquit , ipse non potest hereditatem sine beneficio repudiare ; sed aut utrumque retineat , aut utrumque repudiet , quo repudiato , ad agnatos , si paternum sit , pertinebit . Cum hoc loco convenit , quod collector addit *libr. 2. tit. 51. §. filius .* Sic enim ibi . *Filius non potest hereditatem recusare sine feudo ; propinquus autem potest .* Sed ejus differentiae rationem haud in-  
pte*

pte quis quærat. Absurdum enim videtur, agnatum quidem heredem institutum ad separationem petendam admitteri, atque, allodiali hereditate omiſſa, feudum retinere; id ipsum denegari filio, cum quo benignius videbatur agendum. Verum salva res est, & ea in re ratio juris feudalis apprime constat. Nimirum tantum in antiqua feuda, non vero in nova succedunt agnati. Ita quidem in feudum communis avi mihi succedit patruelis meus. Id igitur fictione juris non videtur a me accipere, sed a communi parente. Ita, repudiata hereditate mea, in feudum patruelis succedet, non quasi in feudum meum, sed tamquam in feudum communis avi. Proinde, omiſſa hereditate mea, feudum recte vindicat, neque debitis, atque oneribus hereditatis meæ obligabitur. Contra filius in antiquum feudum patri succedens id videtur ab ipſo

ipso patre, non ab avo cum patrueli communi capere; aliter patrueli suo præferri non posset. Igitur tamquam patris heres in feudum avitum admittitur. Proinde separare bona non potest, ac, feudo retento, hereditate patris se abstinere. Vide Cujacium *libr. 4. de feud. ad tit. 54.*

VI. Si igitur jus commune feudorum inspicias, saltem liberi cum hereditaria qualitate in feuda succedunt. Cum vero hereditas etiam sine corpore juris intellectum habeat, si præter feudum nil patri sit, is in testamento filium damnare potest, ut exempli gratia decem milia cuiquam solvat. Ea in specie filius & legatum implere debet, & qualitatem hereditariam exuere non potest, nisi feudo quoque velit excidere. Hæc diligentius perpendi velim ad rectam eorum intelligentiam, quæ de jure Neapolitano, ac Siculo infra dicturi sumus.

mus. His raptim de facultate baronis in testamento ex jure feudali communi delibatis, subjiciamus, oportet, quatenus seu moribus, seu lege scripta in Regno Neapolitano barones de feudis statuere testamento possint.

VII. Quatenus apud nos barones de feudo testari queant, decerni vix potest, nisi in antecessum definiatur, cujus qualitatis in Regno Neapolitano sint feuda. Alibi vidimus, feuda apud nos mixta esse; in ea igitur feudales heredes cum hereditaria qualitate succedere *libr. 1. tit. 3. §. 10. & sequ.* Ibidem evicisse videor, non cerebrosis doctorum commentis, sed ob politicas rationes eam feudis qualitatem ab ipsis Nortmannis fuisse inditam. Sane receptæ apud eos investituræ formulæ *tibi, & heredibus* duo inculcabant; liberis scilicet feuda deferri oportere, & ea ad liberos cum hereditaria qualitate  
re-

14 *Jus feud. Neap. ac Sic. L. II. T. I.*

redire. Utcumque id fuerit, si accuratius res perpendatur, *mixta*, quæ nos feuda appellamus, a pactitiis, seu quæ *ex pacto*, & *providentia* vocant, nil quicquam differunt. Ut enim supra ostendimus, pactitia quoque feuda hereditariam qualitatem in successore requirunt; saltem si de liberis sit controversia. Ea de re dubitari non sinunt consuetudines feudales *libr. 2. tit. 45. & 51.* Constat igitur, feudorum quidem mixtorum vocabulum novum esse, ac per doctores Neapolitanos excusum, reipsa tamen ea ipsa feuda a pactitiis non differre; feuda Neapolitana quoque a qualitate per jus commune feudis imposita non recessisse; recte etiam dici posse, ea apud nos generatim ex pacto, & providentia esse seu ob jus commune feudale in Regno receptum, seu, quod magis existimarim, quia ea de re Nortmannis Principibus ita placuerit.

Sub-

Subductis autem rationibus, id tantum consuetudines feudales inter, & receptos in Regno mores interesse putem, quod ex jure communi feudali tantum respectu filiorum hereditaria qualitas feudis inesse potest, ut constat ex locis supra productis. Conf. Henric. de Cocceii *de feud. hered. mixt. in thesaur. Jenich.* §. 32. & *sequ.* Verum qualitas isthæc feudis in Regno generatim hæret. Apud nos enim non minus liberi, quam alii feudales heredes separationem petere nequeunt, atque hereditatem defuncti debent amplecti, si feudo potiri velint. Id juris etiam in Sicilia fervari oportere, in tempore memorabimus.

VIII. Ex dictis liquet, nil quicquam interesse, num Regni Neapolitani feuda pactitia, seu ex pacto, & providentia, an mixta appellentur. Utrumque enim vocabulum eundem apud nos parit juris

ris effectum, nullo tamen cum successoris discrimine, seu ex linea laterali, seu ex liberorum sit numero. Uterque enim in feudi successionem admittitur providentia Principis, & ob pactum cum primo acquirente initum tacite latens in concessionis formula, seu exempli gratia concepta fuerit sub verbis *tibi, & heredibus*, seu *tibi, & filiis*, seu sub Andegavensibus excuso carmine *tibi, & heredibus ex corpore*, in quam sane sententiam omnes ordinariæ investituræ recidunt. Quicumque tamen fuerint feudales heredes, ad eos feuda cum hereditaria qualitate redeunt, ac non solum defuncti creditoribus respondere debent, sed & legatis ab eo relictis obligantur. Licet igitur in Regno baro proximo successori feudum non possit adimere, ob qualitatem tamen hereditariam ei hærentem a restatore damnari potest, ut ipsum feudi  
pre-



pretium solvat extraneo . Conf. Rovit.  
*ad pragm. 4. de feud. n. 114.* & Came-  
rarium *ad c. Imperialem. pag. 97. l. p.*  
Ubi tamen feudi pretium extraneo præ-  
stari jufferit testamento baro , quid in-  
terfit liberos inter , & reliquos feudales  
heredes , infra videbimus .

IX. At vero cum proximo succes-  
sori feudum ipsum adimi testamento  
non possit , opportune hic discepta-  
ri queat , an , feudo ipso legato , ejus  
saltem æstimatio possit a legatario peti.  
In eo juris articulo in diversas senten-  
tias abiere doctores . Complures negant ;  
pauci rectius fortasse affirmant . Potissi-  
mum negantium argumentum eo redit ,  
feudum rei extra commercium jure cen-  
feri oportere ; eo igitur contra leges lega-  
to , æstimationem a legatario frustra po-  
stulari . Enimvero licet secundum inve-  
stituræ legem feudi commercio careat in  
testamento baro , ejus commercio tamen

legatarius non interdicatur. Atqui, ut consistat legatum, sufficit rei commercium habere legatarium, licet ejus commercio careat testator, aut heres *l. 34. ff. de verb. obligat. & l. 49. §. 3. de legat. 2.* Eo accedit, quod, feudo legato, res eo recidit, quasi alienum legatum sit prædium. Quemadmodum igitur, si sciens testator prædium alienum leget, saltem æstimationem heres legatario præstare debet *§. 4. inst. de legat. et l. 67. §. 8. de legat. 2.* ita & baronis heres feudum dare damnatus necessitatem æstimationis præstandæ nequit effugere.

X. Sed & ea in re ultra proferim. Nam feudi æstimationem præstandam existimarim, licet incapaci feudum legatum a barone fuerit, modo legatarius pretii capiendi sit capax. Eo me trahit Ulpianus ipse *in l. 11. §. 16. ff. de legat. 3.* Ibi scilicet definit juris-

risconsultus, alieno servo tessera frumentaria, militiæ a sciente testatore legata, æstimationem domino præstari oportere, licet militiæ, aut tessera frumentariæ cives tantum capaces forent. Labet igitur rem totam absolvere ejusdem Ulpiani monito *in d. l. 11. §. 17. ff. eod. Ex his apparet, cum per fideicommissum aliquid relinquitur, ipsum præstandum, quod relictum est; cum vero ipsum præstari non potest, æstimationem esse præstandam*. Quapropter juris incertiam crassiores produunt, qui sine judicio alios exscribentes scriptitant, feudo legato, ad ejus saltem æstimationem heredem non obligari. Quod autem diximus, generatim obtinere debet, nec quicquam intererit, num ipse filius, an alius feudalis heres a barone sit institutus. Conf. Ludovic. Crell. *in thesaur. Jenich. r. 2. p. 2. pag. 934*. Ceterum num ea in specie totum feudi pretium legatario sit

exolvendum, an ex eo legitimæ detrahenda sit quantitas, infra videbimus, ubi de feudali legitima sermonem instituemus.



## TITULUS II.

*Quid baronibus in testamento liceat jure Neapolitano novissimo.*

**U**T supra evicimus, a juris communis regulis in Regno Neapolitano feuda non recesserunt, seu pactitia, & ex pacto, & providentia, seu ea mixta appellare velis; ex ordinaria etiam investituræ formula necessario liberos in ea succedere. Id tantum præter scita consuetudinum feudalium, & contra primævam feudorum naturam apud Neapolitanos, ac Siculos obtinet, quod in masculorum defectu suc-  
ces-

cessio foeminis quoque pateat ob Frederici II. legem *in constit. ut de successioneibus. de success. nobil. in feud.* Inspecta igitur in Regno Neapolitano ordinaria investituræ lege, si ex liberis baroni superstites futuræ essent tantum foeminæ, atque alius feudalis heres ex laterali linea, foeminis adimi feudum testamento non poterat, idque plerumque per nuptias in alienas familias transferebatur.

II. Enimvero duriusculum videbatur, feuda majorum labore parta alienissimorum hominum hereditatem fieri cum detrimento familiæ, unde cum foemina migrarent. Ad hoc igitur incommodum præcavendum Urbs, barones, ac Regnum Philippum II. precibus interpellarunt, ut in feudis seu quaternatis, seu non quaternatis jus baroni foret, feudo foeminam proximiorē excludere, ac seu contractu, seu testa-

mento de eo statuere in favorem masculi, qui, si foemina non concurreret, proximior heres feudalís futurus esset: supplici quoque libello postulatum, ut ea in specie pro baronis arbitrio dos ex ipso feudo decerni posset exclusæ foeminæ, si nondum ei nuptiæ conciliatæ forent; si vero jam enupisset, in eam ex feudo quæquæ donatio pro liberalitate baronis conferri posset; pro indemnitate etiam fisci additum, ut antiquum etiam in prædicto masculo feudum censeretur, neque eo respectu feudalís successio producta intelligeretur ultra gradus in jure Neapolitano constitutos. Baronum desideriiis solemni formula *placet Princeps indulsit pragmat. 33. de feud.* Cum igitur in ea pragmatica nil quicquam Princeps adjecerit, quo supplicis libelli sententia sit coercenda, ex ipso libello, si qua ea in re controversia subnascatur, definiri debet.

III. Explorati autem juris est, idque ipse baronum libellus inculcat, feudum in masculum ita translatum qualitatem suam haud amittere, & ex memorata pragmatica adhuc antiquum cenferi oportere. Constat scilicet, translato in eum feudo, qui fuerit quidem in investitura vocatus, successor non sit tamen proximus, in ejus persona feudum novum effici, ut recte observat Andreas de Iferniz ad *tit. quid jur. sit si vassall. feud. recup.* Proinde, ne eam ob rem fiscus aliquid detrimenti caperet, recte in libello insertum, ut feudum apud masculum jure antiqui feudi censeretur. Si enina id expressum non esset, feudum cum detrimento fisci evassisset novum. Sed hæc ex ipsa pragmaticæ lectione liquent. Illud disceptari queat, num, ea inspecta, baroni concessum intelligatur, ut non tantum fœminam proximiorē conjunctam ex

24 *Jus feud. Neap. ac Sic. L. II. T. II.*

latere, sed & filiam ipsam, aut neptem possit excludere. Controversia isthæc sacro Consilio definienda proposita ann. 1680. adeo difficilis credita, ut de ea ipsum Principem consulendum existimaret, ut testatur consiliarius Altimarus ad *Rovit. decis. 94. n. 1.* Verum ego non video, cur tam augustus Senatus in re sua sponte manifesta comperendinandum putarit. Ipsa enim supplicis libelli verba dubitari non sinunt, eam veniam concessam videri tantum respectu foeminæ conjunctæ ex latere, neque jus datum baroni excludendi filiam, aliamve virili sexu progeneratam. Nimirum ibi statuitur, ut, ea facultate baro si usus esset, posset pro arbitrio suo, quam vellet dotem, innuptæ foeminæ dicere, constituere; si foemina enupsisset, ab ejus humanitate pendere, qualem qualem donationem in eam conferre. Si igitur dotis dictio ibi remittitur



ritur baronis arbitrio, si is nolit, dotem mulieri constituere non cogitur. Quapropter cum baronum, cum Principis sententia fuit, tantum intra mulieres conjunctas e latere privilegium coercere. Ipsa igitur ratio Neapolitani juris ad filiam, aut neptem baronis id vetat extendi. Inspecito enim jure Neapolitano, ex ipso feudo, si allodia defint, baronis filiae dos constitui debet *constit. in aliquibus*.

IV. Haecenus exposta satis evincunt, pragmaticæ 33. privilegium tantum adversus foeminas conjunctas e latere locum habere potuisse, neque ad foeminas extendendum, quæ aut ipso barone, aut ejus liberis virilis sexus prognatæ forent. Per eas igitur facile fieri poterat, ut feuda in alienas familias transferrentur. Proinde alio libello supplici Carolus VI. Imperator aditus anno 1720. baronibus adhuc indulgit, ut,  
ipsis

ipsis filiabus, aut neptibus per masculos susceptis exclusis, in feudo masculos præferre possent, qui post foeminas proximiores forent, & intra gradus successionis feudalis essent. Sed, in re celeberrima lubet ipsa privilegii verba hic exhibere ex *pragm. 38. de feud. Placet sacrae Caesaræ, & Catholicæ Majestati, gratiam concessam pragm. 33. de feud. cujus vigore possunt feudatarii, quibus ex legibus Regni essent fœminæ successuræ, illis posthabitis, instituere proximiores masculum, cui, ipsis fœminis non extantibus, deferenda esset successio, procedere, ac vires habere, quamvis agatur de filiabus, aut aliis fœminis descendentibus ab ultimo possessore.*

V. Hic autem juvabit advertere, in supplici libello, qui prædictæ pragmaticæ tricesimæ octavæ præponitur, bono, seu malo baronum dolo plura fuisse congesta, & quædam ibi petita, quæ  
con-

contra juris feudalis rationem erant .  
Proinde non simplici *placet* , quod in  
pragmatica tricesima tertia factum , re-  
scribit Princeps ; ita enim inferri po-  
tuisset , precibus illis omnibus eum ces-  
sisse : *ὀπισθικως* igitur respondendo indul-  
gentiæ suæ modum imponit , ac , pre-  
cum luxurie coercita , tantum conce-  
dit , ut in prædicta specie masculum  
jus esset institui , licet de filia , aut  
nepte controversia foret . Longe igitur  
interest pragmaticam inter 33. & 38.  
*de feud.* In illa precibus omnibus ge-  
neratim indultum ; in hac per taxatio-  
nem rescribitur , ac , ceteris denegatis ,  
masculus tantum gradu proximus ipsi fi-  
liæ , aut nepti præferri conceditur . Proin-  
de si quæ controversiæ ea de re enascan-  
tur , recte quis postulabit , ut definian-  
tur ex ipso libello *in pragm.* 33. *de*  
*feud.* At in controversiarum defini-  
tione perperam quis provocaret ad li-  
bel.

bellum in *pragm.* 38. *cod.* cum eum in desideriis omnibus Princeps non confirmarit.

VI. At vero utriusque *pragmaticæ* occasione nodus hic oritur longe difficilissimus, & qui diversis sententiis ob studia partium in foro agitari solet. In supplici libello scilicet *pragmat.* 33. ut supra monuimus, baroni permittitur, exclusæ e feudo mulieri dotem qualem qualem pro arbitrio dare. In libello *pragmat.* 38. barones petunt, ut prælato masculino, filiæ in feudo legitimam constituere jus esset. Controversiam igitur finge in filia, atque in ea specie pone, non aliud præter feuda in patrimonio baronis esse. Ita disceptari possit, utrum solidam legitimam præstari filiæ ex feudo oporteat, an sufficiat, ei dotem dari, quæ *de paragio* dici solet, & qua nubere ex dignitate liceat. Libello quidem *pragmaticæ*  
tri-

tricesimæ octavæ quis hærens haud inepte dixerit, solidam legitimam ex feudo deberi. Ast ei haud absurde reponi possit libellus vim legis adeptus *in pragm. 33. de feud.* Sed & adversus ita persequentem excipi opportune queat; in eo agi de foemina ex latere baroni conjuncta, non vero de ea quæ per ipsum baronem suscepta fuerit. Proinde in eo rationum conflictu aliunde controversia definiri debet.

VII. Ut igitur eo perveniamus, in primis perpendendum reor, quæ mens eam veniam postulantium fuerit, & quid intellexerit in ea concedenda Princeps. Si res penitus inspiciatur, nemo inficias iverit, & baronum, & Principis mentem fuisse, ut, quam minime fieri posset, familiarum avita bona per foeminas delibarentur, neu per nuptias alio migrarent. Ea de causa veluti ex compacto convenisse videntur.

dentur, ut masculus agnatione proximus veluti in familiam baronis ascisceretur; inibi filii ferme locum obtineret, ac foeminae quodammodo frater adoptivus fieret. Quemadmodum igitur a patre alias, vel fratre mulier non solidam legitimam, sed tantum dotem, qua honeste nubat, petere potest; ita & in praesenti specie baro filiae dare, legare adigitur non solidam quidem ex feudo legitimam, sed dotem *de paragio* tantum, & qua possit ex dignitate nubere. Numquam enim edicunt Regni Neapolitani leges, ut nupturae filiae dotis nomine praestetur, aut legetur legitima. Nam & Friderici II. constitutiones, & consuetudines Neapolitanae id tantum praescribunt, ut mulieres secundum paragium collocentur. Conf. *Jus Regn. libr. 3. tit. 8. §. 8.* Eo accedit, quod ejus dotis causa mulieri in feudum ipsum hypotheca compe-

petit. Vide Joseph. de Ros. *in pralud. feudal. lect. 10. n. 16.* Ipsi barones in libello *pragmat. 38. de feud.* petunt, ne eam ob rem fiscus aliquid detrimenti caperet. Atqui si solida legitima ex feudo mulieri decernatur, res in fisci damnum redire posset, si, feudo ei delato, solidam ex eo legitimam mulieri præstari oporteat. His adde, legitimam in feudis jus feudale omnino ignorare. Vide Hartmann. Pistor. *qu. 38. n. 48. & sequ.* & Montan. *de regal. §. fin. n. 12.* Quod igitur ob masculorum favorem receptum est, cum fisci, & baronum damno, & luxus etiam incitamento in consequentiam trahi non debet. Proinde si concessa in pragmatica venia barones utantur, & privatæ familiarum, & fisci rationes exposcunt, ut ex opulentis feudis ipsi filiarum barones tantum paragium dare adigantur. Nunc videamus, quatenus per fideicom-

mis-

missa, & *majoratus*, quos vocant, de feudis barones statuere possint.

VIII. Quamvis, ut sunt res hodie; in baronem utile feudi dominium transferatur, in eo tamen & intra concessionis limites versari debet, neque illud injussu Principis alienare potest. Nimirum, ut in tempore ostendemus, non minus per consuetudines feudales, quam per Regni leges jure quodam fideiuciarario feudum baro possidet. Ex lege enim investituræ feudum non tantum primo acquirenti, sed & filiis, ceterisque liberis in infinitum concessum intelligitur. Proinde alienationes omne genus baroni interdictæ videri debent. Cum igitur & per fideicommissum alienatio facta censeatur *l. 8. §. 3. ff. de alien. judic. mutand. caus. fact.* facile rationem reddes, cur ne fideicommissum quidem, vel *majoratus*, quem appellamus, in feudis possit institui. Conf. Horn.




Horn. in *jurisprud. feud.* c. 2. §. 8. Inspecta scilicet ordinaria investituræ lege, statim a testatoris obitu feudum, ut dici solet, *tamquam sagitta*, transire debet ad liberos. In leges igitur committit baro, si feudalem heredem fideicommissio gravet, licet ei mandet, ut liberis, aliisve in gradu feudali positis feudum restituat. Id respiciens collector consuetudinum feudalium *libr. 1. tit. 8.* ita edicit. *Si quis decesserit, filiis, & filiabus superstitibus, succedunt tantum filii aequaliter, nulla ordinatione defuncti in feudo manente, vel valente.* Neque vero cum Peslero *regeras de feud. fideicomm. §. 6.* baronis fideicommissum ratum saltem haberi oportere, si feudum liberis, aut familiæ proximioribus servari jusserit. Id enim injurium erit adversus Principem. Nam ita arbitrium ei præripitur, ut cum ipsius assensu feudum successor

34 *Jus feud. Neap.ac Sic.L.II.T.II.*

alienare possit. Atque ita quidem apud nos olim obtinuit cum ob consuetudines feudales; cum ob juris Neapolitani regulas. Enimvero jure Neapolitano novissimo vetus remissus est rigor. Anno enim 1655. Philippus IV. indulgit Regni baronibus, ut fideicommissa, & majoratus in feudis instituere jus esset, modo cum fisci fraude eo privilegio non uterentur, neque fideicommissum protenderent ultra gradus successioni feudali præstitutos *pragm. 34. de feud. edit. Cervon.* Quid autem ea in re juris apud Siculos obtinere oporteat, infra videbibus *tit. 4.*





## T I T U L U S III.

*De legitima feudali.*

**S**upra quidem evicimus, inspecta ordinaria investituræ lege, feudum proximo successori non posse adimi, jus tamen baroni esse heredem in testamento damnare, ut ejus pretium solvat extraneo. Enimvero, ut sunt res hodie, cum feuda patrimonii partem longe maximam complecti soleant, ut in reliquis rebus, ita in eis quoque legitima liberis relinqui debet. Proinde si de liberis saltem sit controversia, non totum feudi pretium legatario solvi oportebit: inde enim pro quantitate legitimæ partem sibi filius retinere poterit. Alibi quoque advertimus, in feudis de jure Francorum filium natu majorem præferri; filiis vero natu mi-

noribus ex ipso feudo *vitam*, & *militiam*, quam appellamus, præstari oportere *constit. comitibus. de adjutor. pr. milit. fratr.* Cum legitimæ feudalis, cum vitæ, & militiæ occasione frequentissimæ sunt in foro lites. In hac igitur rubrica legitimæ argumentum enucleabimus. De vita, & militia opportunius infra videbimus.

II. Quod igitur ad legitimam liberis ex feudo præstandam, ejus nec volam, nec vestigium in primævo feudorum instituto, & in ipsis consuetudinibus feudalibus invenire licet. Nimirum ab initio in feudis potius militiæ stipendium, quam privati patrimonii ratio spectabatur. Vix igitur crediderunt legum feudalium conditores, baronem in testamento successorem legatis adeo gravatum ire, ut ex feudi fructibus militiæ munus sustinere non posset. Cum tamen liberis saltem cum hereditaria  
qua-

qualitate feuda deferrentur , exemplis innotuit , ipso feudi pretio legato , militare servitium præstari vix posse . Inter facultatem igitur legandi feudi pretium in testamento , & militaris servitii præstandi necessitatem , mediam quamdam ab initio viam electam oportuit , qua & salva esset legandi facultas , neque feudalis successor tolerandæ militiæ impar evaderet . Eam , ut ego rationes in eo , ipsa servitii militaris necessitas statim monstravit . Ex constitutione scilicet Friderici I. *Imperialem. in consuet. feud. 2. 55.* barones ipsos in bellicas expeditiones sub signis Principum proficisci debebant : si abesse vel-  
lent , semissem ex feudorum redditibus præstare jubebantur . Inde interpretatione jurisconsultorum inlatum , non totum quidem feudi pretium in testamento legari posse ; æstimationis saltem dimidium ad sustinendum militiæ onus

38 *Jus feud. Neap. ac Sic. L. II. T. III.*

successori feudali saluum esse oportere .  
Ita ipsa juris communis feudalis ratio  
suasit , ut , toto feudi pretio legato ,  
femis ejus saltem successori cederet .

III. Porro , ut superiori libro monuimus , sæculo saltem decimo tertio consuetudines feudales in omnes ferme Europæ provincias , & in ipsum Regnum Neapolitanum , ac Siculum penetrarunt . Ita apud nos quoque eadem ferme ratione militare servitium pro arbitrio Principum aut præstitum , aut prædicta æstimatione solutum . Vide Camerar. ad *c. Imperialem. pag. 94. l. G.* Servitium in pecunia præstari solitum *adboam* dixit posterior ætas , ut passim admonent Regni pragmatici in scriptis suis inconcinnis , & tenebricosis. Adhoa tamen isthæc pro diversitate feudorum apud nos diverse æstimabatur . Totam ea in re diversitatem ex sententia Iferniæ ita enarrat Camerarius  
ad

ad d. c. Imperialem. pag. 93. lit. B. Sic enim is ibi inquit, Iferniæ auctoritate producta, differentiam inculcans inter prædictam Friderici I. constitutionem, & mores in Regno receptos. *Observa id, quod videmus in Regno; quippe adhoam, quæ solvitur in Regno, aliter solvi, quam fructus in textu isto, legis Fridericianæ scilicet, quia in Regno in feudo novo cum vassallis non solum solvitur medietas fructuum, ut hic, sed aliquid plus. Est enim quodlibet feudum valoris viginti unciarum sic considerati, ut singula feuda unum militem præstent, & cum majoris redditus aliquod castrum, vel comitatus fuerit, hac ratione servitia computantur, hoc est, ut pro singulis viginti unciiis reddituum solvantur decem uncie cum dimidia pro feudo novo. Jam inde igitur discrimen erat inter novi, & veteris feudi adhoam. Quæ plus sunt ip-*

*sa medietate fructuum . Rursum in feudo novo sine vassallis solvitur minus , quam pro viginti unciis ; adhoa erit unciarum sex . Si vero feudum consistat in aliqua re , a qua pecunia solvitur , hoc casu pro viginti unciis non solvet vassallus , nisi uncias quinque . Sed nos de adhoa , ejusque solvendæ diversa ratione in libro tertio commentabimur . Id tantum in antecessum hic admonemus , in singularum viginti unciarum redditu in feudo cum vassallis decem uncias cum dimidia non a solo barone fuisse præstittas . Quinque enim cum quadrante adjutorii nomine a vassallis exigebantur , ut ostendemus *loc. cit.* Proinde in singulas reddituum feudalium viginti uncias quinque tantum cum quadrante a barone solvi oportebat . Feudi igitur pretio legato , paulo plus pretii quadrante sibi retinebat heres , ut seu personale servitium , seu adhoam Principi præstare posset.*



IV. Jam vero quamdiu in feudis veluti militiæ stipendium potissimum spectabatur, neque ea rationem privati patrimonii habebant, præter prædictam ex pretio detractionem aliud legitimæ nomine successor vindicare fortasse non poterat. Ut enim recte scribit Montanus *de regal. §. final. n. 12. feudales leges non attenderunt hanc legitimam juris civilis, sed tantum politicum statum Reipublicæ, illiusque conservationem, & in toto feudali jure nullibi fit mentio hujus legitimæ.* Enimvero, bellorum æstu defervescente, per insequuta tempora ob res in præliis præclare gestas perraro feuda concessere Principes. Ea igitur per emptionem seu cum privatis, seu cum fisco iniri solitam sæpius sibi quæsiwere barones. Ita, mutata rerum facie, filiorum respectu privati quoque patrimonii rationem in feudis spectatam oportuit. Proinde licet  
jus

jus feudale neque patrium, neque commune legitimæ liberis in feudis debitæ usquam mentionem injiceret, naturalem tamen æquitatem sequuti doctores legitimam liberis in jure civili præscriptam ad feuda etiam extenderunt: id autem diu ante Camerarii tempora receptum jus videbatur, ut ejus scripta suggerunt ad *c. Imperialem. pag. 103. l. I.* Cum igitur in utroque hodie Regno non in toto feudi pretio a parente liberi gravari possint, sed eis salvum oporteat esse legitimam, operæ pretium facturi videbimur, si ejus quantitatem definiamus.

V. In quantitate legitimæ definienda immane interest jus feudale inter, & Romanum, quod in rebus allodialibus obtinet. Inspecto scilicet jure civili novissimo pro diverso filiorum numero diversam Justinianus jussit esse legitimam. Is enim veteri juri obrogans filiorum

le-

legitimam ad trientem extendit, si il-  
 quatuor, aut pauciores essent; sin quin-  
 que, vel plures, legitimam iussit se-  
 missem esse *novell. 18. c. 1.* In legiti-  
 mæ autem ratione ineunda liberi omnes  
 partem & faciunt, & accipiunt. Pone  
 igitur cuiquam sex esse filios, cui mi-  
 nimum relictum velit, eum saltem in  
 uncia instituere debet.

VI. Ita quidem de liberorum legi-  
 tima in rebus allodialibus edixit Justi-  
 nianus. Quod tamen ad legitimam feu-  
 dalem, discors sententia doctorum est.  
 Ea in re adeo desipere quidam, ut  
 totum exempli gratia feudum de jure  
 Francorum filii natu majoris legitimam  
 esse pertenderent, quos merito ridet Ma-  
 rinus Freccia *de suffeud. de differ. int.  
 feud. ex pact. & hered. diff. 19.* Sed  
 in absurda pragmaticorum commenta  
 non vacat inquirere. Ea in re lubens  
 subscribo receptæ ferme in foro senten-  
 tiæ

tia, & quam late tuetur Camerarius ad c. Imperialem. pag. 99. ad 104. Is vero statuit, in feudo de jure Francorum filii natu majoris legitimam trientem esse. Per me igitur, si Camerarii sententia vera ponatur, in feudis de jure Francorum *tertiam totius filii legitimam* esse oportebit, non vero *tertiam tertiae*, ut dici solet. Proinde in ejusmodi feudo siingas, feudi pretium parentem extraneo legare velle, pretii triens filio natu majori debet addici. Conf. de Marin. *allegat.* 103. n. 3. & Rovit. ad *pragm.* 4. de *feud.* n. 111. & *sequ.*

VII. His recte perpensis, facile ratio intelligetur, cur in rebus allodialibus quidem in *tertia tertiae legitimæ* ratio fit computanda; in feudis vero in *tertia totius* eam computari oporteat. Ea in re scilicet ne recedas e feudo de jure Francorum; ita differentiae ratio statim

tim patebit, ipsis regulis Romani juris inspectis. Nimirum ex jure civili si liberi quatuor non excedant, legitima erit tertia pars ejus, quod ad eos pervenisset, si intestatus decessisset parens. Patre sine testamento obeunte, feudum de jure Francorum totum deferri debet filio natu majori. Si igitur legitima tertiam partem ejus complectitur, quod cuiquam perventurum esset ab intestato, tertiam totius feudi filii natu majoris legitimam esse oportebit. Enimvero in feudis de jure Longobardorum eadem ratio suadet, ut ratio legitimæ in singulis filiis in tertia tertiæ computetur. Hæc si recte percipiantur, & jus ipsum facile intelligetur, & juris recepti causæ.

VIII. Enimvero quod diximus, in feudo de jure Francorum in tertia totius legitimam constituendam esse, id quidem coercendum puto, si de feudo novo;  
&

& ab ipso testatore quaesito fit controversia. Ea enim in specie testatori licebit in tertia tertiae legitimam filio natu majori constituere. Nimirum si agatur de feudo novo, non ipsum quidem feudum, sed ejus pretium ad hereditatem allodiale pertinet, & fictione juris ipsa pecunia pro eo expensa in hereditate censetur extare. In eam sententiam argumentum defami queat ex *l. 23. ff. de adim. vel transfer. legat.* Ibi scilicet definit Papinianus, filiae legata pecunia, mox in emptionem praedii eadem expensa, legatum non peremptum videri, quia pecunia censeri debet extare, quae in patrimonii corpus conversa fuerit. Eo igitur exemplo pecunia quoque, qua feudum quaesitum sit novum, extat adhuc fictione juris. Ita vero feudi novi pretium hereditatem burgenfaticam auget. Proinde respectu pretii, ut in reliquis rebus

bus id genus, ita in novo quoque feudo legitimam non in tertia totius, sed in tertia tertiæ constitui oportebit. Conf. Camerar. ad *c. Imperialem*. pag. 104. l. 2. & Rovit. ad *pragm. 25. de feud. n. 25.*  
¶ *Sequ.*

IX. Antequam hinc discedamus, haud inutile definire fuerit, num, si reliqui feudales heredes præter liberos feudi pretium restituere damnentur in testamento, solidam ejus æstimationem exolvere eos oporteat, an & ipsi seu legitimam liberorum exemplo, seu ratam qualem qualem ex pretio sibi retinere possint. Pragmatici & veteres, & recentiores eo inclinant plerique omnes, ut in solidum feudi pretium reliqui feudales heredes damnari possint, neque ex ejus æstimatione eis legari quicquam oporteat. Id ipsis suavit jus civile Romanum, ex cujus regulis præter parentes, & liberos cognati reliqui & pro arbitrio

trio prætiriri a testatore possunt, neque querelam inofficiosi testamenti habent. Ea vero sententia majorem sibi excivit in foro plausum, ubi in liberis feudalis legitimæ ratio ex regulis Romani juris æstimari cœpit. Sed, semota auctoritate doctorum, videamus, quid in eo juris articulo ipsa feudorum natura fuadeat.

X. Eo ut perveniamus, rursus advertendum hic reor, in defectu juris feudalis seu patrii, seu communis non semper ad jus Romanum provocari posse, præsertim si ipsa instituti feudalis indoles rationes a jure civili diversas iniri jubeat. Perperam autem ego crediderim, ad propositam speciem jus Romanum fuisse productum. Neque enim quia exempli gratia in allodialibus patruelis legitimam patrueli legare non cogitur, inde inlatum oportuit, feudo patrueli legato, eum in solidum pre-  
tium



tium a testatore damnari posse cum ludibrio legum, quæ proximis heredibus feuda adimi non patiuntur. Quid enim interest, num feudum cuiquam adimas, an eum solvere jubeas, quanti illud sit æstimatum? Nam & vulgatum in jure civili est, cui pretium abest, videri rem ipsam abesse *l. 19. ff. de obligat. & action.* Ita igitur feudum proximo successori ex pacto, & providentia Principis destinatum vix ei ullum emolumentum afferret. Omnia scilicet in Regno feuda ex pacto & providentia sunt, & regulis consuetudinum feudalium subesse debent. Id tantum interest jus in Regno receptum inter, & consuetudines feudales, quod apud nos præter liberos reliqui etiam feudales heredes separationem petere nequeunt, & cum qualitate hereditaria ii quoque in feuda succedunt. Vide, quæ ea de re supra monuimus. Ita in Regno per mo-

res reliquorum heredum feudalium conditio deterior reddita, ubi eos cum liberis æquari placuit. Si igitur reliqui feudales heredes in incommodo qualitatis hereditariæ conditionem liberorum induerunt, in commodo quoque legitimæ liberis æquari debent, neque in totum feudi pretium videntur damnari posse. Aliunde cum feuda veluti militiæ stipendium ab initio fuerint, quæ æquitas liberis inde saltem legitimam delibari suavit, eadem & pro reliquis heredibus feudalibus allegari potest, quicquid grex doctorum secus edixerit.



TITULUS IV.

*Quatenus statuere de feudis Siculi  
Barones in testamento possint  
ex capitulo volentes.*

Quamdiu sub Nortmannis, ac Svevis, & sub ipsa Principatus Andegavenfis auspiciis Regnum Neapolitanum, ac Siculum eidem Principi paruit, utrobique eadem ferme instituta, eadem leges obtinuerunt, neque feuda Neapolitana inter, ac Sicula quicquam interfuit. Enimvero post Siciliensem Vesperum Andegavenfibus illum internecivum ob studia Siculorum adversus Aragonenses Principes singularia quædam privilegia ipsis concedi placuit, quibus Neapolitanis uti non licet, & unde Neapolitanorum inter, & Siculorum feuda differentia promanarunt. Quæ  
D 2 quæ

quæ tamen ea privilegia fuerint , feudorum naturam apud Siculos non immutarunt . Proinde si quibus in juris articulis singulare aliquod privilegium a Baronibus Siculis non producat , feudales ipsorum controversiæ aut Regni constitutionibus , aut ipsis consuetudinibus feudalibus definiri debent . Id ego edico , prædico , ut præcaveantur nugivendarum quorundam delira commenta , qui ad promerendam Baronum Siculorum gratiam omnino privilegiaria in Sicilia feuda nugantur esse , & novis Aragonensium legibus ea ita apud Siculos comparata fuisse , ut allodii jure censerentur quidem oporteat . Eorum agmen ducit Carolus de Neapoli *in concord. jur. demanial. & baronal.* Eum , veluti vervecem agni , sequuti sunt Siculi doctores haud pauci . Non mirum tamen id jactitasse sycphantam illum commilitonum suorum offis , & jusculo sagina-

natum. Stomachum potius mihi movet  
Franciscus Testa Archiepiscopus Regio-  
montanus, qui in frigidiusculis suis ad-  
notatiunculis ad capitula Regni Siculi  
veluti e Pontificatus sui tripode confiden-  
ter pronunciat ad capit. *volentes*. *En*  
*hac lege, qua factum est, ut feuda, quod*  
*ad hoc attinet, allodii, ut vocant, na-*  
*turam induerent, feudorum successio pater*  
*non solum omnibus ex latere conjunctis*  
*in quocumque remotiori gradu existant,*  
*sed etiam extraneis*. Vide, quæso, ho-  
minis dementiam, & quid cibus fecerit  
alienus, at at Regius.

II. Porro inter privilegia baronibus Si-  
culis ab Aragonensibus Principibus con-  
cessa ad præsens argumentum potissimum  
pertinet capitulum *volentes*, quod Fri-  
dericum II. Aragonensem auctorem ha-  
bet. Lubet igitur in re celeberrima  
ipsamet ejus verba hic exhibere, ut de  
controversiis inde excitari solitis, veluti

in re presenti, decerni possit. Sic igitur ibi Princeps capit. 28. *Volentes igitur comites, barones, & nobiles comitatus, baronias, & feuda tenentes a Curia nostra comitatibus, baroniis, & feudis ipsis longius solito posse gaudere, & eorum emergentibus pro tempore necessitatibus absque nostrorum læsione juri subvenire intuitu servitiorum, quæ dominis Regibus Siciliae prædecessoribus nostris, & nobis devotione non modica contulerunt, & conferre poterunt in futurum, constitutiones divi Augusti Frederici proavi nostri prædicti, per quas feudorum alienationes sunt inhibita, corrigentes statuimus, quod comes, baro, nobilis, seu feudatarius quilibet feuda tenens a Curia nostra, seu quamdam partem feudi absque permissione, seu licentia Celsitudinis nostræ feudum suum integrum, seu quorundam partem prædictam possit pignorare, vendere, donare, per-*  
*mu.*

*mutare, & in ultimis voluntatibus relin-  
quere, seu legare, & quolibet alie-  
nationis titulo transferre in unam tan-  
tum, eandemque personam digniorem,  
vel æque dignam, seu nobilem, sicut  
venditor, seu alienator idem extiterit,  
præterquam in Ecclesias, & Ecclesiasti-  
cas personas: dummodo de pecunia ven-  
ditionis ipsius integre decima fisco no-  
stro solvatur. Ita tamen quod tempore  
venditionis feudorum hujusmodi Maje-  
stati nostræ liceat pro pretio venditio-  
nis ipsius convento inter contrabentes  
eosdem dictum feudum emere. Ita quod  
si intra mensem unum a die, quo ad  
notitiam nostram pervenerit, numerandum  
feudum prædictum, vel quoriam partem  
pro dicto pretio non elegerimus emere,  
& pretium solvere, ut prædicitur, ven-  
ditio valeat, & sit firma numquam per  
nostram Curiam in posterum infringen-  
da. Si vero feudum in permutationem*

devenerit, & pecunia intervenerit in permutatione prædicta, quod de pecunia ipsa in recognitionem nostri dominii in feudo vendito, seu forsitan permutato decimam habeat fiscus noster, & nostra Majestas ab emptore recipiat fidelitatis, & homagii tamquam a barone, seu feudatario solitum juramentum. Sed si alio, quam emptionis titulo feudum prædictum alienari contigerit, ut prædicatur, persona, in quam fuerit alienatum, infra annum numerandum a tempore alienationis ipsius nostram adeat Majestatem, & in manibus nostris fidelitatis, & homagii pro feudo prædicto præstet solitum juramentum. In his tamen, & in quibuscumque alienationibus terrarum feudalium, & quotæ feudorum, servitiis, & integris juribus nostræ Curiae semper salvis, feudo ipso indiviso, & integro perdurante.

III. Facile autem intelligere licet, pro-



productam Friderici legem ad duo potissimum capita revocari posse. Primo scilicet non minus contra jus feudale commune, quam veteres Siciliae leges a Rogerio, & Friderico latas Siculis indulgetur, ut quocumque contractus genere eis feuda alienare liceat. Deinde ipsis quoque permittitur, ut feuda ipsa extraneis legare in testamento possint. Quatenus ex praedicta lege barones Siculi de feudis per contractus statuere possint, in singulari ea de re titulo expediemus. Hic, quod flagitat rerum series, disquiremus, quatenus, & quibus legibus iis feuda ipsa legare in testamento liceat.

IV. Quod igitur ad facultatem legandi in testamento feuda, ea Friderici lege non aliud Siculis concessum, quam ut sine assensu Principis, eoque non interpellato, feudum extraneis, & extra gradus successionis feudalis positus legare  
jus

jus esset. Perperam igitur inde sibi persuasere Siculi, eo privilegio in Sicilia feudorum immutatam fuisse naturam, eaque in jus allodiorum fuisse translata. In Regno Neapolitano scilicet, ut supra vidimus, sine speciali Regis assensu heredibus non feudalibus feuda legari nequeunt. Verum, ut Siculis gratificaretur Fridericus, eis indulgit, ut ipsius jussu legis rata foret testatoris voluntas, si feudum legatum esset extraneis. Proinde eo tantum respectu feuda apud Siculos allodiis sunt æquata; in aliis & veterem naturam suam ea retinuerunt, & cum feudis Neapolitanis æquo jure censerī debent. Nimirum si quarum rerum alienatio sit interdicta, eæ quidem alienari poterunt, si precibus Princeps aditus assensum alienationi præstiterit. Eum si in certo alienationis genere speciatim Princeps indulgeat, *assensus hominis* dictitari solet. Sin aliqua generali lege

lege concessus is fuerit, *assensus in forma communi* dicitur, & legis ipsius assensus appellari queat. Siculis igitur feudorum legandorum facultate per ipsam legem concessa, id tantum ipsis indultum, ut per assensum *in forma communi* feudi seu alienatio, seu legatum confirmatum censeretur; in aliis non intelligeretur mutata natura feudi. Quapropter, ea lege lata, id interesse cœpit feuda Neapolitana inter, & Sicula, quod in illis legandis, alienandis venia Principis specialis est impetranda. Secus est apud Siculos, quibus facultas isthæc *in forma communi* ab ipsa lege conceditur. Si inde discesseris, feuda Neapolitana, ac Sicula eodem jure censentur. Proinde, ipso capitulo *volentes* inspecto, nil quicquam feudorum naturæ contrarium seu per contractus, seu per testamentum Siculis cæptare licet. Perperam igitur ii jactitant, post eam Friderici legem

gem feuda allodiorum naturam in Sicilia induisse .

V. Ex dictis. hætenus facile decerni potest , num promiscuam feudorum legandorum licentiam ea Friderici lege Siculi obtinuerint , an privilegium illud sit coercendum intra leges , quæ *naturalia* feudi , quæ vocant , exposcunt . De privilegiis scilicet vulgata est in jure regula , ea in consequentiam trahi non oportere , atque interpretatione ita coercenda , ut , quam minime fieri possit , ab jure ordinario recedatur . Ei regulæ & in feudalibus privilegiis interpretandis hærendum , si quid iis feudorum naturæ contrarium concedatur . Vide Rosenthal. *c. 9. membr. 1. conclus. 40. n. 19.* & Struvium *syntagm. jur. feud. c. 2. aphor. 8.* Indulserit igitur ea lege Fridericus facultatem feudi legandi pro baronis arbitrio ; id tamen privilegii monstrum strictius oportet intelligi ; ita  
vero

vero interpretandum, ut a feudorum natura quam minime recedatur. Proinde si quid in feudo legando baro cœptarit, quod feudi naturæ adverfetur, id & frustra cœptatum videri debet, & veluti in fraudem legis gestum irritum prorsus erit. Sed eam in rem argumentis haud opus. Ipse enim Fridericus edixit, quem vellet esse beneficii sui modum, & quatenus id excurrere oporteret. Nam & sub initium, & in calce suæ legis *sine suorum læsione jurium*, & *integris juribus suæ Curiae semper salvis*, feuda alienari, legari jubet. His igitur formulis diligenter inspectis, hæc in jure feudali Siculo regula per me statuatur: *pro arbitrio Siculis feuda legare, alienare licet, modo ne quid fiat in fisci fraudem, neu quid inde Princeps detrimenti capiat.*

VI. His præstitutis, facile definire fuerit, num Siculis, quod ipsi pertendunt, feu-

feudorum legandorum competat infinita facultas , an ita sit coercenda , ut ea tandem uti barones possint , si in ipsorum obitu non desint heredes in gradu feudali positi , & queis feuda deferri debent , si baro ponatur sine testamento decedere . Sane si abnormis illa facultas Siculis afferatur , ilicet actum de fisco erit , nec , quod , ut infra videbimus , feudorum naturæ adversatur , contingere umquam poterit , ut ad eum feuda redeant . Quotus enim quisque erit , ut eam offam non studeat fisco præripere ? Sane vix quemquam invenias , qui sine herede feudali decedens cuivis extraneo potius feudum testamento non leget , quod , ipso intestato mortuo , ad Principem sit rediturum . At per capitulum *volentes* , inquires , Siculis pro arbitrio feuda legare licet . Audio : verum infinitæ illi legandæ licentiæ intercedit solemne Friderici veto , qui *sine suorum*

*rum jurium læsione , & salvis Curia  
sue juribus* barones ea venia uti jussit.

VII. Ipsa verba Fridericianæ legis , ut vidimus , in defectu heredum feudalium impedimento sunt , quominus infinita illa feudorum legandorum facultate apud Siculos barones utantur . Sed lubet aliam viam ingredi , & ipsis consuetudinibus feudalibus ostendere , jus in Sicilia baroni non esse , ut herede feudali carens feudum in testamento leget extraneo . Eo ut perveniamus , figendi sunt pedes in regula , qua passim doceri solet , de naturalibus feudi nihil in investitura demptum intelligi , nisi quid eorum privilegio suo Princeps speciatim remiserit . Si id factum non fuerit , naturæ feudorum hærendum , atque in dubio contra baronem sibi abnorme quid vindicantem responsitandum . Vulgatum est enim in jure feudali carmen , *præsumptio est pro domino , quod se contra com-*  
*mu-*

64 *Jus feud. Neap. ac Sic. L. II. T. IV.*

*munem feudi naturam non obligavit.*  
*consuet. feud. 2. 2.* At vero contra naturam feudorum est, ut omnino præci-  
 datur spes regressus ad Principem. Ejus  
 regressus necessitatem primævum ipsum  
 feudorum institutum suasit. Cum enim  
 ab initio feuda militaris stipendii ratio-  
 nem haberent, necessario cautum oportuit,  
 ne spes adimeretur reversionis ad  
 Principem, ut nova feudi datione stren-  
 uos sibi milites parare posset.

VIII. Enimvero ne rationibus e lon-  
 ginq̃uo petitis tueri videamur feudorum  
 regresum ad Principem, decretoria in  
 eam sententiam argumenta ex eodem jure  
 feudali communi hic producemus. Ea  
 vero juris feudalis regula facile deduci  
 potest ex *libr. 1. tit. 13.* Ibi scilicet, Me-  
 diolanensium moribus memoratis, qui-  
 bus ex Lotharii constitutione apud eos  
 invaluerat, ut per libellum feudum a-  
 liegari jus esset, speciem in eo fingit  
 col-



collector, qui feudum per libellum in Ecclesiam transfert: eam vero alienationem Ecclesiæ factam non valere pronunciat. Rationem responsi sui statim hanc subjicit, *ideo scilicet, quia feudum numquam reversurum sit ad dominum; cum Ecclesia non desinat heres esse.* Constat igitur, ibi spem regressus ad Principem in feudo recto proponi tamquam omnino necessariam, & qua ipsa natura feudorum carere nequeat; ea vero prærepta, feudum frustra constitui. Id ipsum tamquam explorati juris ponunt Ardizonis, & Alvarotti fragmenta apud Cujacium *libr. 4. tit. 73.* Ibi nimirum edicitur, baronem capitaneum, majore sibi feudi parte retenta, reliquum posse alteri subinfeudare, locare, vendere; eum tamen, qui liberos sperare non possit, id frustra cœptare, eoque defuncto, feudum ad dominum statim redire. Id igitur non aliunde pla-

cuit, nisi quia spes reversionis ad Principem ob ipsam feudi naturam præcédenda non foret. Sed lubet in re celeberrimi usus ipsa ejus fragmenti verba hic exhibere. Sic autem ibi. *Summopere mandare curamus, ut, si quis aliquem de beneficio investiverit, quod ille, qui investitus fuerit, non potest per proprium vendere, nec pro levissima re locare, nec infeudare, nisi majorem partem apud se retinuerit, & si in desperatione filiorum fuerit, nulla ratione, nec quolibet modo dare potest: quæ omnia, si facta fuerint, nullius momenti erunt, & eo defuncto, omnia ad priorem dominum revertuntur.* Stet illud igitur, neque Regis Friderici legem, neque jus commune feudale pati; ut sine herede feudali decedens in Sicilia baro feudum legare possit extraneis, & in gradu successionis feudalis non constitutis. Nam,  
ut.

ut recte scribit Voetius *de feud. n. 52.*  
*strictam recipit interpretationem hac im-*  
*petrata de feudis testandi licentia, eo*  
*quod hac venia concessio, aut privile-*  
*gium renunciationem quamdam juris ipsius*  
*concedentis continet, quæ stricti juris est.*

IX. At vero quod jugulum ipsum  
baronum petit, ipsi doctores Siculi non  
aliam capitulo *volentes* sententiam tri-  
buerunt. Nam omnes ferme in eo  
conveniunt, ea lege tantum obrogari  
veteri Siciliæ juri, quo sine venia Prin-  
cipis alienari feuda vetabantur; ea i-  
gitur neque reversioni in heredis feuda-  
lis defectu, neque reliquis fisci juribus  
derogatum intelligi; tunc tandem præ-  
judicium fisco factum videri, si expres-  
so Principis assensu seu alienatum, seu  
legatum sit feudum; assensum in forma  
communi eam in rem non sufficere. In  
eo juris articulo nobis prævit doctissi-  
mus Marchio Simonetta, qui in consul-

tatione sua ad Siciliae Proregem evicit;  
 Siculos omnis ætatis feudistas Uberti-  
 num de Marinis, Gvilelmum Pernum,  
 Bernardum de Medico, Petrum de Gre-  
 gorio, Cumiam, atque generatim alia  
 apud Siculos præclara nomina in eam  
 sententiam conspirasse. Labet ob viri  
 apud Siculos auctoritatem hic exscribere  
 longiusculum Canneritii locum ad ipsum  
*capit. volentes. pag. 206.* Sic enim ibi.  
*Legislator, ne relinqueret in ambiguo*  
*jura propria, expressis verbis reservavit*  
*sibi jura de servitio, & de aliis. Ope-*  
*ratur enim & unum aliud ista clausula.*  
*Nam quamvis expressa licentia Princi-*  
*pis circa alienationem feudi faciat, quod*  
*feudum non revertitur ad dominum, et-*  
*iam quod deficiat, vel moriatur vendi-*  
*tor sine herede legitimo: quamvis se-*  
*cus sit, quando consensus est tacitus,*  
*prout ex ista lege inducitur. Nam tunc*  
*nullum præjudicium resultat domino, quia*  
*re-*

*revocat, si moriatur venditor sine legitime herede.* Vides igitur, Caroli de Neapoli de commilitonibus suis delira commenta quam firmo stent talo, & quam cum ipsis doctorum Sicularum consultis ea conveniant.

X. Ceterum ea apud Siculos jurisprudentia, qua de feudis testamento statuere vetabatur, cui in gradu feudali deesset heres, diutissime in Sicilia non sola doctorum auctoritate stetit, sed & in ipsis rerum articulis exequutioni demandata fuit. Id ex Lucæ Barberii *capibrevio* potissimum liquet. Inde enim eruditissimus Marchio Simonetta in doctissima illa consultatione ad Proregem Siciliae scripta sexcenta ejus politiae profert exempla. Iis autem inspectis, apparet, uno, & perpetuo tenore juris, numquam intermisso ab ipso Friderico Rege legis hujus latore ad Ferdinandum usque Catholicum ad fiscum rediisse eo-

70 *Jus feud. Neap. ac Sic. L. II. T. IV.*

rum feuda , qui sine herede feudali decederent . Id ipsum firmat mandatum Martini Regis . Is enim in Sardiniam transfretaturus anno 1408. sacras ipsius absentis vices agere jussit Reginam Blancam uxorem . Ejus autem acta , gesta omnia rata quidem haberi jussit ; vetuit tamen , ne ante adventum suum statueret de feudis , quæ fortasse ad fiscum reversa forent . Id vero Princeps frustra mandasset , si per id temporis sine herede feudali decedentes feuda extraneis legare potuissent . Vide Martini Regis capit. 66.

XI. Hæc cum ita se habeant , recte cavuit felicissimus Ferdinandus , amplissimi in Regno Neapolitano Senatus plena opinione rite perpensa , pragmatica sanctione Panormi lata pridie idus Novembris anno 1788. *ob veniam baronibus Siculis capitulo volentes a Friderico concessam in Sicilia feuda allodia non*  
eva-

*evasisse ; seu testatus , seu cum testamento baro decederet , in heredis feudalis defectu feuda ad fiscum redire oportere , quaecumque foret investitura formula , & quamvis mere hereditarium feudum controversum esset ; investiturae formam ne primo quidem feudi quaesitori cum fisci praejudicio mutare jus esse ; cautionis clausulas Regii detrimenti everriculum capitulo per Fridericum insertas rata haberi non pati acta , gesta , in quibus alias expressa Principis venia necessaria foret ; si quid adversus isthac ceptassent barones , id tamquam in fraudem legis factum irritum haberi. oportere .*

XII. At nondum hinc Siculi abire nos sinunt . Nam & illud definiamus , oportet , num & , heredibus feudalibus extantibus , feuda extraneis generatim apud Siculos legare liceat , an id juris tandem usurpare possint , ubi non obstat

investituræ formula. Pone exempli gratia, quod frequentissimum est investituræ carmen, *tibi, & liberis* feudum fuisse concessum, disceptari queat, an & ea in specie feudum seu legari, seu alio modo alienari possit extraneo. Adjunt de foro rabulæ, & quia passim factitatum id norunt, justum etiam arbitrantur. Sane ubi ea sub formula feudo investitus quis fuerit, inspectis consuetudinibus feudalibus, is feudum jure fideiuciarario possidet. Ejusmodi enim investituræ ea lex tacite inest, ut in primi acquirentis locum succedant, qui ejus sanguine prognati fuerint. Vide Christian. Pesler. *de feud. fideicommiss.* §. 4. Id & ratio juris civilis suadet, ex cujus regulis, qui rem alteri restituendam possidet, eam alienare non potest *l. 7. C. de reb. alien. non alienand.* Nam legando, fideicommittendo quoque alienatio facta intelligitur *l. 69. §. 3. ff. de*



*de legat. 2.* Perperam igitur sibi blandiuntur barones Siculi, qui capitulo *volentes* innixi jactitant, assensu in forma communi ea lege concessio, sibi jus esse alienare, legare feuda sine expresso Regis assensu; quæcumque sit investituræ formula, cum eorum damno, quibus per ipsam investituram jamdiu quæsitum jus fuerit. Assensus enim per Fridericum concessus in forma communi investituræ legi obrogare non potest. Nimirum ita præstitus per legem ipsam assensus id tantum facit, ut remissa censetur commissi, seu *caducitatis* poena, quam vocant, respectu rerum, quarum alienatio per leges est interdicta; idem tamen aut fisco, aut vassalli liberis detrimentum afferre nequit, ut recte observat Joseph Cumia ad *capit. si aliquem. v. antiquis. n. 245.* In proposito igitur investituræ formula sine expresso Regis assensu feudum extraneis  
ne-

neque legari, neque quoquo modo alienari potest, ne privilegia Principum aliis injuriam inferant.

XIII. At vero, ea in re doctores etiam Siculos consentientes invenire licet. Eorum enim veluti vulgatum sermone proverbium circumfertur, *facultatem alienandi capitulo volentes concessam obtinere tandem, si non obsistat investiturae forma*. Audi de tota re Gvilelmum de Perno ad capit. volentes. Licet, is inquit, videatur alienatio permissa per hoc capitulum, attamen secundum Saccurasam, qui fuit dominus Bernardus de Medico, hoc non habet locum, quando feudum est ex pacto, & providentia Principis; quia tunc videtur concessum, quod tantummodo illud habeant descendentes ab illo feudatario, cui sic primo loco fuit concessum feudum: & puto verissimum, quia pactum vincit legem; alioquin nulla forma, neque aliquis tenor investiturae

ra esset attendendus , & frustra apponerentur conditiones , & pacta in concessionibus feudorum , si possent auctoritate hujus capituli indistincte alienari , quod esset contra naturalem , & civilem rationem , & dicta omnium scribentium : quia in primis notant formam , & tenorem investituræ , & formam privilegiorum , atque ideo intelligunt , quod procedit liberalitas hujus constitutionis , quando forma non repugnat .

XIV. Titulo huic longiusculo nondum hic finis . Nam & disceptatum video , num ex capitulo *volentes* in Sicilia liceat feuda fideicommisso subjicere . Inspecto jure feudali communi , heredem in feudo testator fideicommisso gravare non potest . Vide *libr. 2. tit. 1. §. 1.* Proinde sub Nortmannis , ac Suevis apud Neapolitanos , ac Siculos explorati juris id videbatur . Post Vesperum Siculum utroque Regno diversis  
sub

sub dominis fortunam suam experiente;  
 in Regno Neapolitano secundum con-  
 suetudines feudales feudorum fideicom-  
 missa sunt vetita. Primus Philippus IV.  
 Neapolitanis indulgit, ut sine fisci de-  
 trimento, & intra successionis feudalis  
 gradus fideicommissa in feuda institue-  
 re jus esset ann. 1655. *pragm. 34. de feud.*  
 In Sicilia ea de re nihil diserte cau-  
 tum. Siculi tamen barones contendunt,  
 ex capitulo *volentes* sibi jus esse feuda  
 fideicommissis subicere. Urgent potissi-  
 mum comma capituli illud, quo baro-  
 nibus permittitur feuda *in ultimis vo-*  
*luntatibus relinquere, seu legare.* Enim-  
 vero licet ea verba fideicommissa quo-  
 que complecti videantur, interpretatio-  
 nem tamen debent accipere ex eo, quod  
 statim ibidem additur. Verba enim la-  
 tius per se patentia in continenti ita  
 coercet Fridericus, ut legando, alie-  
 nando feuda transferre liceat *in unam*  
*tan-*

*tantum, eandemque personam.* At enim qui in feudum fideicommissum instituit, non in unam, eandemque personam id transfert, sed aut æternitatem temporum, aut certe plurium personarum seriem spectare solet. Neque regeas, Principis, aut Civitatis non interesse, si feuda fideicommissio subjiciantur. Nam Principis quidem interest, quia ei facultas præripitur, ne expresso ipsius assensu feudum fideicommissio gravatum alienari possit; Civitatis vero, ne fideicommissa feuda commercio eximantur. Eo accedit, quod, per fideicommissum alienatione interdicta, decimæ vectigal in feudorum venditione persolvi solitum fiscus sperare non potest. Siculi quidem doctores plerique omnes secus edicunt; iis tamen ego opposuerim solum Bernardum de Medico consensu omnium juris feudalis inter Siculos peritissimum. Is enim disertè scribit, feuda fideicommissio gravari

78 *Jus feud. Neap. ac Sic. L. II. T. IV.*

vari non posse, quia licet per capitulum data sit licentia testandi, non tamen vinculandi ad capit. volentes. §. si baro. Cum igitur jus feudale commune feuda fideicomitti non sinat; jus vero Siculum ea in re sit, saltem incertum; ut litibus occasio præcidatur, optimum facto fuerit, ut in tanta inter Siculos fideicommittendi cupidine Neapolitanorum exemplo eam a Principe veniam & ipsi petant.



---

TITULUS V.

*De successione legitima secundum jus  
feudale commune.*

Ubi primum feudale institutum evaluit, prorsus precaria possessio feudorum erat, iisque pro arbitrio Principum beneficiarii privari poterant. Sed tractu temporis perpetuitas feudis accessit, ac partim infirmitate Principum, partim potentatu baronum alibi serius, alibi ocius in eis admissa successio primum in recta, deinde in linea laterali quoque. Quo primum tempore in Gallis, ac Germania legitima feudorum successio per leges constituta fuerit, expedivimus *in exercit. hist. c. 3.* Quod ad Italiam Transiberinam, in qua recta consuetudinum feudalium intelligentia

tia nos subsistere jubet , precaria quoque ab initio feudorum possessio fuit . Et apud Italos igitur pro arbitrio Principes beneficiariis adimere ea poterant , & post ipsorum obitum ne ad liberos quidem redibant . Paulatim tamen & in ea Italiae parte eo deventum , ut beneficiarii , quamdiu adviverent , in beneficiorum possessione forent ; mox filiis etiam , qui sexus virilis essent , delata successio . Sed quoniam legitimam feudorum successionem secundum consuetudines feudales tradituri sumus , operæ pretium facturi videbimur ; si in celeberrimi usus argumento tractando accuratius investigemus primam ejus apud Italos Transiberinos originem , & quibus initiis , quibus auctoribus apud eos feuda primum liberis , deinde & cognatis e latere delata fuerint . Ut autem ordinatim procedat suscepta disputatio , primum de liberorum , deinde parentum , de-



denique de cognatorum è latere successionem sermonem instituemus.

II. Quod igitur ad liberorum successionem, lubet totam rei seriem ex ipsis consuetudinibus feudalibus hic exhibere *libr. I. tit. I. §. I.* Sic autem ibi collector. *Antiquissimo tempore sic erat in dominorum potestate connexum, ut, quando vellent, possent auferre rem in feudum a se datam. Postea vero conventum est, ut per annum tantum firmitatem haberent. Deinde statutum est, ut usque ad vitam fidelis produceretur. Sed cum hoc jure successionis ad filios non pertineret, sic progressum est, ut ad filios deveniret, in quem scilicet dominus hoc vellet beneficium confirmare. Quod ita hodie stabilitum est, ut ad omnes equaliter veniat.* Habes hic igitur primævam feudalisi successionis originem, & quibus initiis primum, & quo modo filiis feuda delata fuerint.

III. At vero politicæ constitutioni, & militaris disciplinæ nervis vis facta videbatur, feudis generatim ad filios redire jussis. Cum enim ab initio beneficia concedi jus esset iis potissimum, qui ob strenue in bello gesta adversus hostes inclaruissent; quæ vero sunt naturæ vicissitudines, fortes non semper fortes progignant; successione in feudis admissa, fieri quidem poterat, ut nepotes, & deinceps alii imbelles forent. Ita in eo periculo placuit, ut tantum filiis primi gradus successio deferretur. Primum Conradus II. Salicus dictitari solitus, quia Dux Francorum fuit Orientalium, qui Salii sunt appellati, medio ferme sæculo undecimo, ad nepotes ex filio feudorum successionem extendit. Vide Cujac. ad *consuet. feud. libr. I. tit. I. §. 2.* Ita post Conradum, decollante in dies Imperatorum potentia, moribus receptum, ut ad liberos virilis sexus in  
in-

infinitem feuda redirent. Ea de re ita collector *loc. cit.* Cum vero Conradus Romam proficisceretur, petittum est a fidelibus, qui in ejus erant servitio, ut, lege ab eo promulgata, hoc etiam ad nepotes ex filio producere dignaretur . . . quod in masculis descendentibus novo jure usque in infinitum extenditur.

IV. Porro ex prædicto loco consuetudinum feudalium passim inferri video, a Conrado II. primum filios in feudorum successionem admissos. Qui tamen ita rationes ineunt, ipso loco producto consuetudinum feudalium refelli queant. Eo enim inspecto, alterius vetustioris Principis constitutione filios primi gradus in feudorum successionem admissos fuisse liquet. Putem igitur, ipsum Lotharium I. Ludovico Pio prognatum ad demerendos militum animos in turbidis Imperii rebus ea offa illos illicere studuisse. Eo me adigunt ipsæ consue-

tudines feudales *libr. 1. tit. 19.* Inde enim aperte constat, eum ipsum Lotharium feuda in Italia liberis primi gradus deferri jussisse. Ea vero sententia & cum ejusdem Lotharii I. constitutione consonat apud Balutium *capit. tom. 2. pag. 317. edit. Paris.* & cum iis convenit, quæ narrat Sigonius *de Regn. Ital. libr. 4.* Eo accedit, quod in prædicto loco consuetudinum feudalium id Romæ coram Eugenio per Lotharium constitutum dicitur. Atqui sub Lothario Saxone nullus Pontifex Eugenius est appellatus. Quod enim adnotat ibi Cujacius, pro Eugenio Innocentium legi oportere, codices non addicunt. Superest igitur, ut dicamus, ipsum Lotharium I. liberis primi gradus feudorum successionem detulisse; Conradum vero II. id juris & in primi gradus liberis confirmasse, & ad nepotes etiam extendisse.

V. Quod ad foeminas, ipse feudorum  
sco-

scopus eas ad successionem admitti non patitur. Nisi igitur secus in investitura sit cautum, feudum ad foeminam redire nequit, & in defectu masculi, qui intra gradus successionis feudalis sit, ad Principem reverti debet *consuet. feud.*

2. 11. Id in feudis ob legem Salicam placuisse passim docent interpretes. Verum non alias mihi innotuit, de lege Salica plura scribi, quam sciri. Lex enim Salica apud Salios Germaniæ populos nil quicquam de feudis cavet, & quo tempore primum ferebatur, feuda prorsus ignota erant. Lex Salica adhuc extat, eamque præter alios accurate edidit Joannes Georgius Eccardus. Ipse titulus, quo arcentur a successione foeminæ, non de feudo quidem, sed de *alodis* inscribitur *in pact. leg. Salic. tit. 62.* Ibi quidem a terra Salica in masculorum concursu jubentur excludi foeminæ.

Ita enim edicitur §. 5. *De terra vero*

*Salica in mulierem nulla portio hereditatis transit; sed hoc virilis sexus acquirit, hoc est, filii in ipsa hereditate succedunt.* Terra autem Salica erat, quam *curtim* appellavit sequior ætas, &, ut recte vidit idem Eccardus, spatium illud continebat, quod domum ipsam sequebatur. Eum vide *loc. cit.* In eam tantum mares admissi; in eorum defectu tamen, foeminis ipsis deferebatur, ut recte docet Montesquieus *libr. 18. tit. 22.* Nescio igitur, quid cum feudis aut lex, aut terra Salica commune habeat. Cum tamen lege Salica mulieres in masculorum concursu e terra Salica arcerentur, inde inter doctores vulgatus error, jure communi legi Salicæ subesse feuda. Ut tamen cum sæculo & ipse loquar, non intercedo, quominus secundum consuetudines feudales feuda, quod ad successionem, quo temperamento diximus, lege Salica regi dicantur.

VI. Quod ad liberos adoptivos, aut naturales, utrosque a feudorum successionem consuetudines feudales expressim arcent *libr. 2. tit. 26. §. 4.* Sed & ibi duriusculum videri queat, quod filii naturales excludi jubentur, licet legitimi efficiantur. Ita enim ibi collector. *Naturales filii, licet legitimi fiant, ad successionem feudi nec soli, nec cum alijs admittuntur.* His verbis hærentes doctores haud pauci censuerunt, naturales liberos a successionem prorsus arcendos, quoquo modo legitimati fuerint. Contra æquiori temperamento putarunt alii, eum locum ex novis Justiniani legibus interpretationem accipere oportere; de iis igitur intelligendum, qui vel per rescriptum Principis, vel per testamentum legitimi fuerint effecti, non vero de iis, qui per subsequens cum concubina matrimonium legitimi evaserint, & quos æquo jure cum liberis justo matrimonio

procreatis Justinianus cenferi jussit l. 10.

*C. de natur. liber.* Ea vero sententia seu ob patronorum fisci conniventiam, seu potius ob fori æquitatem recepti juris evasit apud Neapolitanos, ac Siculos.

VII. His ita præstitutis, commode disceptari queat, num in feudo de jure Francorum ipsis justis liberis legitimatus sit præferendus, si ea ducatur in matrimonium, quæ ante justas nuptias in concubinato fuit, postquam fato cesserit intermedii temporis uxor, cum qua justî liberi suscepti fuerint. Ea in re dissidium fecere doctores. Ne multus sim tamen, eorum sententiam ego prætulerim, qui ex concubina susceptum præferendum putant. Feudum scilicet de jure Francorum filio natu majori leges deferri jubent. Quis inter liberos natu sit major, in ipso parentis obitu decerni debet. Atqui, quo tempore pater decedit, ex concubina susceptus legitimus



mus est, & natu major. Quapropter si quid tale timebitur, justa uxor in dotabilibus instrumentis cavere debet, ut cum assensu Principis liberis ex se nascituris feudum a marito donetur. Id unum ego eureka repererim, ne inter incertitas rerum humanarum vices præjudicium justis liberis inferatur. Vide Camill. de Curt. *resolut. feud. c.1. n. 55. & sequ.*

VIII. At vero ipsi justi liberi ad feudorum successionem non admittuntur, si vel naturæ defectu, vel jussu legum militare servitium præstare nequeant. Inde intelliges, cur mutus, surdus, cæcus, claudus, vel alio id genus vitio laborans non tantum a feudi successione arceatur, sed ne retinere quidem id possit *consuet. feud. 2. 36.* Tantum æquitas suasit, ut si, feudo ablato, alimenta deficerent, eis relinqueretur, quantum ipsis exhibendis sat esset. Id sane de muto diserte cautum *consuet. feud. 1. 6.*

1. 6. §. 2. Eadem vero æquitas aliis prodesse debet, qui ob naturæ defectum militiæ tolerandæ sint impares. Indidem liquet, cur clericis quoque, vel monachis feudorum successio non deferatur *consuet. feudal. 2. 30.* Quod tamen ibidem additur, id obtinere, *etiamsi habitum, quem assumpserint, post posuerint*, æquius, oportet, interpretemur. Id scilicet tandem admitti poterit, si res non sit integra, quo tempore depositus fuerit habitus, veluti si alius feudalis heres, aut in ejus defectu fiscus jam sit nactus possessionem. Si enim, rebus integris, habitum exempli gratia deponat clericus, recta juris intelligentia eum feudo privari non patitur, ut recte monet Isernia ad *consuet. feud. loc. cit.*

IX. Quod ad parentum successionem, eam jus feudale commune prorsus ignorat. Id autem ipsius instituti feudalis ne-

necessaria veluti consequentia fuit. Nimirum, ut sæpe monuimus, feuda & veluti militiæ stipendium fuerunt olim, & iis concedi solebant, qui pro Principibus prælia fortius depugnassent. Proinde imbelles homines a feudorum successione passim exclusi. Ita per consuetudines feudales a liberorum feudis parentes arceri placuit. Si enim ob strenue in bello gesta feudum filius acquisivisse ponatur, eo obeunte, ea plerumque parentis est ætas, ut sustinendis militiæ muniis sit prorsus impar. Hinc consuetudinum feudalium collector edicit *libr. 2. tit. 50. successionis feudalis est natura, quod ascendentes non succedunt, verbi gratia pater filio*. Quid tamen sit in ea re juris in feudo filio refutato per patrem, in tempore disquiremus. Quod igitur ex præsentî rubrica superest, videamus, quatenus per consuetudines feudales in cognatis e latere feu-

92 *Jus feud. Neap. ac Sic. L. II. T. V.*  
feudorum successio producta fuerit.

X. Quod ad feudorum successionem in cognatis e latere, primum Conradus Salicus fratribus tantum seu germanis, seu consanguineis feuda deferri jussit. Eo beneficio tamen barones modestius uti placuit. Id enim fratribus concessum tantum in feudis, quæ a communi parente quæsitæ forent *consuet. feud. libr. 1. tit. 1. §. 2.* Ipsa Conradi constitutio extat apud Cujacium *libr. 5. de feud.* Igitur si commune jus feudale spectes, in feuda successio tantum liberis patere potest. Nam ipsi fratri successio denegatur, si in persona fratris feudum sit novum, neque ab aliquo communi parente quæsitum *consuet. feudal. libr. 1. tit. 8.* Proinde ita ibi collector. *In alio vero feudo, quod habuit initium tantum a fratre, non succedit unus alteri, nisi hoc fuerit dictum expressim, ut alter succedat.* Sed & ante Conradum ipse  
Lo-

Lotharius I. feudi antiqui successionem patruo deferri iussit *consuet. feud. l. 1. 19.* Ea tamen Lotharii constitutio abnormis quidem, & feudorum naturæ contraria videri debet. Proinde & a Conrado abrogata fuit, eique minus absurdum visum, ut ad fratres successio deferretur.

XI. At vero in consuetudinibus feudalibus non alia Principum constitutio usquam occurrit, qua in cognatis e latere successio fuerit extensa. Enimvero inter Italiæ Transiberinæ turbas, atque absentiam Principum audaciores jurisconsulti facti successionem in laterali linea latius produxerunt. Ex recepta enim inter eos sententia primo patruales admisi; deinde & conjuncti reliqui ad septimum *geniculum*, seu gradum usque *consuet. feud. libr. 1. tit. 1. §. 4.* Eam vero successionem ad septimum usque gradum Jurisconsultos Italos induxisse crediderim abusos jure civili. Eo enim in-  
spe-

pecto , ad eundem ferme gradum cognatis in edicto Prætoris bonorum possessio promissa fuit §. 5. *instit. de success. cognat.* Eidem sententiæ Pontifices quoque occasionem dedisse videntur , qui ad septimum usque gradum cognationis intuitu matrimonia ab ipso decimo sæculo inhibuerunt , quasi eo usque jus cognationis extenderetur . Vid. *syntagm. libr. 1. tit. 10. §. 25.* Utcumque id fuerit , non ultra septimum gradum ex computatione civili in laterali linea successio per consuetudines feudales olim extendebatur . Sed & tractu temporis non defuerunt , qui cognatos e latere in infinitum admitterent , modo per virilem sexum a primo acquirente descenderent *consuet. feud. 12. 31.*

XII. Antequam hinc discedamus , primo adverti velim , jure communi feudali feudum certo nomini , & familiæ concessum intelligi . Hinc neque fratribus  
bus

bus uterinis, neque fororum liberis licet virilis sexus successio deferri potest *consuet. feud. 2. 11.* Deinde advertendum etiam, in jure feudali communi nullum privilegium duplicis conjunctionis esse contra regulas juris Romani novissimi *in novell. 118. c. 3.* Proinde ex jure communi feudali, in quo feuda tantum Longobardici juris occurrunt, ob eunte aliquo, cui germanus, & consanguineus superstes sit frater, inter eos feudum æque dividi oportebit. Si tamen hinc discesseris, aliæ ferme controversiæ e legitima successione pendentes jure civili novissimo definientur. Proinde & in feudis hodie Longobardici juris fratrum defunctorum filii cum fratre superstite in stirpem admitti debent, & ultra fratrum liberos primi gradus non patet repræsentationi locus *d. novell. 118. c. 3.*



## TITULUS VI.

*Παρασκευασίς ad successionem ab intestato ex jure Neapolitano, ac Siculo.*

**S**UCCESsionis ab intestato argumentum aggredimur, eximium quidem momento suo, at quo nil usquam fortasse litigiosius, nec discordibus doctorum sententiis cum in morientium scholarum ambitu, cum in foro magis jactatum. Ea in re vetustissimi juris patrii glossatores seu dolo, seu ignorantia dissidiorum semina primum jecerunt, quæ mox tamen apud majores nostros partim ipsa dissentiendi libidine, partim ob lucri, & partium studia in immensum excrevisse novimus; & vere dixerim, non alio controversiarum genere magis laborare forum. Id inde potissimum factum  
 exi-



existimarim , quia pragmatici cerebro  
quisque suo indulgentes lutulentos ju-  
risprudentiæ rivulos plerique sunt con-  
fectati , atque ingenuos juris successorii  
fontes deseruerunt . Piget , eos vitio  
temporum turrim illam non ascendisse ,

*Despicere unde queas alios , passim-  
que videre*

*Errare , atque viam palantes que-  
rere .*

Duplex in ea libellus , alter jus feuda-  
le commune , alter patrium exhibet ;  
*patrio quidem hærendum ; de speciebus  
patrio jure non definitis ex regulis ju-  
ris communis pronunciandum .* Eo juris  
successorii fundamento a forensi turba  
seu neglecto , seu ignorato , dissidiorum  
immensa illa seges in foro succrevit .

II. Ut autem , quibus decet , præno-  
tionibus , ad jus successorium Neapoli-  
tanum , ac Siculum procedamus , præ-  
vertendum in primis , quo tempore ex

Tom.II.

G

pro-

provinciis Neapolitanis, ac Siculis Nortmannorum Principatus coalescebat, ac feudale regimen in debellatis regionibus ab eis instituebatur, incertum jus successorium in ipsa Italia Transiberina fuisse. Nil enim ibi per id temporis certi juris præter ea, quæ aut ipsa natura feudorum distaret, aut paucula illa, quæ per Lotharii I. & Conradi Salici constitutiones præscripta fuerant. Varii igitur in jure feudali successorio mores, & pro diversa cujusque saltem origine diverse fortasse jus dicebatur. Nusquam ea tempestate in Italia feudale Liceum, & doctores, si qui forent, contrariis sententiis conflictabantur, ut ipsæ consuetudines feudales insequuto sæculo collectæ passim ostendunt. Sed & si jus certum ea de re apud Italos Transiberinos fingas, Nortmanni sub novi Principatus auspiciis neque inter armorum strepitum mores Transiberinos in feu-

feudis curabant, neque feudales leges Regum Italiæ, quibus aut hostes, aut suspecti fuerant, in suas provincias inducere satagebant.

III. Expōita rerum facies facile persuadet, saltem ad Robertum Gviscardum usque, qui rebus pacatis primus leges certiores tulit, jus feudale successorium apud Neapolitanos, ac Siculos incertum fuisse, iis exceptis, quæ in celeberrimis illis *defetariorum* libris continebantur, & quorum pleraque ex patriis moribus a Nortmannis Principibus adoptata fuerant. Quin licet a Rogerio leges de feudis scriptæ complures forent, sub eo tamen ad Fridericum II. usque jus feudale successorium apud nos adhuc incertum erat. Si alia dæessent, id sat ostendit ejusdem Friderici constitutio *in aliquibus. de success. filior. comit.* Inde enim liquet, per ejus ætatem apud Neapolitanos, ac Siculos in

ipsa liberorum successione jus aut incertum, aut diversum obtinuisse. Eam igitur in re successoria incertitudinem sustulit Fridericus II. præsertim *constit. ut de successione. de success. nobil. in feud.* Ea vero utriusque Regni editum successorium dici queat. Eadem igitur non minus apud Neapolitanos, quam Siculos obtinere debet, modo ne quid posterioribus legibus ipsi derogatum, obrogatumve fuerit. Eam ipsam igitur exhibere hic lubet ex optimo constitutionum codice, quem Venetiis edidit Paulus Cancianus *in barbar. leg. antiqu. ann. 1781. tom. I. pag. 362.*

IV. Ita igitur ibi Fridericus. *Ut de successione comitum, & baronum, & eorum omnium, qui feuda a nobis in capite tenent, vel ab aliis etiam, nulla omnino in posterum dubietas possit oriri, dilucida constitutione sancimus, feuda tenenti filios, & nepotes, & en*  
*eis*

eis pronepotes, trinepotes, & usque in  
 infinitum ex descendenti linea descen-  
 dentes, cujuscumque sexus sint, libere,  
 & absolute posse succedere, servata ta-  
 men sexus prærogativa, ut mulieri ma-  
 sculus præferatur; nec non majoris æ-  
 tatis inter eos, qui vivunt in Regno  
 specialiter jure Francorum. Ex collate-  
 rali linea venientes, qui sunt soli fra-  
 tres; ita ego legendum existimarim,  
 eamque lectionem infra firmabo; sive  
 ex utroque parente, sive ex altero tan-  
 tum, & sorores in capillo, excluso etiam  
 communi patre superstite, omnino suc-  
 cedunt. Conjugatæ autem, & dotatæ a  
 fratrum successionibus repelluntur. Filii  
 autem fratrum in his, quæ communis  
 patris fuerunt, avi eorum scilicet, idem  
 jûs, quod pater eorum, habeant. In  
 acquisitis autem patruo ex largitione no-  
 stra, vel quolibet titulo jure suo, nepo-  
 tes ex fratribus non succedunt. In ul-

teriori autem gradu positus, scilicet filiis nepotum ex fratribus, & sequentibus, in his etiam, quæ communis proavi fuerint, successio non defertur. Filiae autem in capillo post mortem patris in domo manentes majores sorores conjugatas, & dotatas de bonis patris excludunt. Ceterum si de bonis paternis dotatae non sunt, majores minoribus præferuntur, si Francorum jure vivant. Si autem vivant jure Longobardorum, collatis dotibus, in viriles partes successione divisa, portionem suam conjugata, seu conjugata, quæcumque sint, poterunt vindicare. In omnibus autem, in quibus prædiximus, aliquos velut ulteriores gradu sive in communium prædecessorum rebus, sive in acquisitis excludi debere, spem nostræ gratiæ petentibus non negamus: immo ipsos aliis in liberalitate nostra præferre disponimus, si ejusdem feudi ad nos

Παρασχευ. ad succ. ab intest. 103

*nos rationabiliter devoluti simul competitor  
tores existant; dummodo a consanguineis  
tantum nostræ Curiae offeratur, quan-  
tum ab extraneo erit oblatum. Si tamen  
nos vel in demanio nostro feuda ipsa  
tenere velimus, vel aliis ex mera libe-  
ralitate donare, injuriam nullus sibi fie-  
ri existimet, si, quod ad jus nostrum  
juste devolvitur, vel retineamus nobis,  
vel aliis, qui a nobis præstolantur be-  
neficia, conferamus.*

V. Ita de tota re successoria **Fride-  
ricus**. Plane, & perspicue ibi is juris  
articulus definitur, neque ad eam le-  
gem interpretandam ullo **Æipo** conjecto-  
re est opus. Inde tamen seu dolo, seu  
imperitia exortæ lites interminabiles,  
& quibus, quod excusari vix queat,  
post tot sæculorum molimina forum ad-  
huc ardere cernimus. Proinde ut apte  
procedat in re tam momentosa disputa-  
tio, pro triplici successorum ordine eam

trifariam partiemur . Primo igitur de  
 successione liberorum , deinde parentum ,  
 denique cognatorum e latere sermonem  
 instituemus .



## T I T U L U S VII.

*De liberorum successione ex jure  
 Neapolitano , ac Siculo .*

**S**Æculo decimo secundo vertente, con-  
 suetudines feudales in Italia Trans-  
 tiberina jam certiores evaserant . Nam  
 & eodem sæculo collectæ jam fuerant ,  
 & , si Odofredo fides ad *authent. cas-  
 sa . C. de sacros. Eccles.* Friderici  
 Ænobarbi auctoritate in Bononiensi Ly-  
 ceo prælegebantur . Vid. *libr. I. tit. I. §. 5.*  
 Ita earum certitudo gliscebatur in  
 dies , & qualis erat studiosorum frequen-  
 tia in auditorio Bononiensi , eorum ope-



ra in omnia ferme Europæ tribunalia inferebantur. Cum vero saltem sub sæculi decimi tertii initia ex Regno Neapolitano quoque ad Bononiense Lyceum legum addiscendarum causa adolescentes itarent, inde ii, confectis studiorum stipendiis, in patriam reduces in causis seu judicandis, seu defendendis consuetudinibus feudalibus utebantur. Ita in Regnum Neapolitanum, ac Siculum etiam consuetudines feudales illatæ. Eæ igitur Petro de Vineis, quo Triboniano usus est Fridericus in suo constitutionum codice concinnando, ignotæ esse non poterant. Id ipsæ Friderici II. constitutiones ostendunt, in quibus juris communis feudalis ingenium, & lacinia passim occurrunt, iis subinde additis, quæ suaderet aut Principatus ratio, aut populorum utilitas. His initiis factum, ut in patriarum legum defectu apud Neapolitanos, ac Siculos feu-

feudales controversiæ jure communi definiri cœperint. Hæc ego præfanda censeui, ut facilius intelligatur, quas regulas in legitima feudorum successione sequutus sit Fridericus.

II. Quod igitur ad liberorum in feuda successionem, edicto suo successorio Fridericus jus feudale commune partim adprobavit, partim etiam ei obrogavit, subrogavitve. Primo, ut supra monitum, liberis in infinitum feuda deferri jussit. Eo respectu igitur jus feudale commune in suis provinciis adprobavit. Eo enim inspecto, feuda omnia & de jure Longobardorum sunt, & liberis æque omnibus deferri debent *feudal. consuet. libr. 1. tit. 1. §. 2.* Quatenus vero in feudis eorum, qui jure Francorum uterentur in Regno, filios prætulit nati majores, eo sane respectu juri communi obrogavit. Eo enim inspecto, liberi omnes, qui sexus virilis fue-

fuert, succedere iubentur aut in capita, aut in stirpes *consuet. feud. loc. cit.* Quid feuda de jure Francorum inter, & Longobardorum intersit, cujus etiam qualitatıs in dubio sint æstimanda, exposuimus *libr. 1. tit. 3. §. 13. & sequ.* Quatenus denique in masculorum defectu ad foeminas ipsas feuda redire iussit, eo quoque in articulo juri feudali communi obrogavit. Nam per consuetudines feudales, masculis non extantibus, nisi secus in investitura sit cautum, foeminis feuda deferri nequeunt *consuet. feud. libr. 1. tit. 8. §. 1.* At vero ne a feudis Franci juris exclusi filii natu minores turpi laborarent inopia, ne in concursu fratrum exclusæ filiæ illocabiles domi senescerent, utrisque opportunè consuluit Fridericus. Quod enim ad filios natu minores, eis a fratre natu majori vitam, & militiam præstari iussit; foeminas vero secundum  
pa-

paragium collocari *constit. comitibus. de adjutor. pr. milit. fratr. & constit. in aliquibus. de success. fil. comit.* De vita, & militia singulari rubrica infra videbimus. De mulierum paragio vidimus *in jur. Regn. libr. 3. tit. 8.*

III. Porro vulgata fabula apud doctores nostrates est; primum apud nos Fridericum, jure communi abrogato, in masculorum defectu feuda detulisse foeminis; ob politicas autem rationes id eum cavisse, ut scilicet, foeminis ad feudorum successionem admittis, suam quoque causam justiore redderet horum Regnorum respectu, quæ ipsi per Constantiam matrem delata fuerant. Eo passim trahunt, licet invitam, Friderici constitutionem *cum hereditarium. de uxor. non duc. sin. permiff. Cur.* Ibi enim ea de re ne *γπο* quidem. Verisimilius ego crediderim, ipsos Nortmannos apud nos rerum potitos expa-

patriis suis moribus primæva Regni lege statuiffe, ut in masculorum defectu novus Principatus foeminis deferretur; ipsius autem Principatus exemplo, masculis non extantibus, ad foeminas feuda redirent.

IV. Id ut facilius intelligatur, adverti quidem oportet, veteres Nortmanniæ mores in defectu marium ab ipso Principatu foeminas non exclusisse. Hinc, extincta apud Anglos a Gvilelmo subactos in Henrico I. ejusdem Gvilelmi virili stirpe, Mathildis Henrico prognata non minus in Angliæ Regnum, quam in Nortmanniam successit. Apud Anglos etiam in feuda admiffæ foeminæ, si liberi virilis sexus superstites parenti non forent. Quemadmodum igitur Gvilemus apud Anglos legem Salicam, quo modo eam perperam interpretantur, admitti vetuit; id ipsum apud nos morem Gentis suæ sequuti

quiti constituere Nortmanni, & in defectu marium cum in Principatum ipsum, cum in feuda foeminas admitti jussuerunt. Sed & in ipso Francorum Regno lex Salica in feudis promiscue non obtinebat. Ita sane a Tholosano comitatu perpetuo exclusæ sunt foeminae, neutiquam tamen a ducatu Aquitaniae. Id Aquitaniae respectu adeo explorati juris est visum, ut Ludovicus VII. junior dictitari solitus, cum uxore facto divortio, ei Aquitaniam restituerit. Ceterum licet primæva Nortmannorum lege feuda apud nos foeminis in defectu marium deferri placuisset, vetustissimo Longobardorum jure in aliquibus saltem Regni partibus abusi agnati quidam remotiores parentum & feuda, & allodia filiabus præripiebant. Conf. *jus Regn. libr. 3. tit. 4. §. 2.* Eam vero pravam consuetudinem aboleri jussit Fridericus *conflix. in aliquibus. de success.*

*cess. filior. comit. & baron.* quam & ante tacite proscripserat hac ipsa lege, quam illustrandam suscepimus, ut ex prædicta constitutione liquet.

V. Jam vero in masculis quidem, seu Franci, seu Longobardici juris feuda essent, nil quicquam Fridericus interesse jussit, liberi coelibes, an mariti forent. Quod ad foeminas tamen, distinguendum edixit, num de feudis Franci, an Longobardici juris controversia esset, & num in patris obitu filiarum jam enupsissent, an adhuc virgines in capillo forent. Si in feuda Longobardici juris succedendum esset, filiabus æque omnibus successionem detulit nullo discrimine, uxoresne, an innuptæ repirentur, quo tempore decessisset parens. Tantum ex regulis juris seu Longobardici, seu Romani filias matrimonio collocatas dotem conferre jussit, si quam fortasse a parente acceperant.

Enim.

Enimvero in feudis Franci juris filiam natu majorem prætulit Fridericus, si ea in parentis obitu matrimonio collocata non foret. Nam si jam enupisset, quo tempore decessisset parens, ejusque bonis dotata foret, servato nativitatis ordine, feuda ei detulit, quæ in parentis obitu virgo in capillis esset.

VI. Facile autem definire fuerit, cur in feudo Franci juris filix natu majori matrimonio jam collocatæ innuptam natu minorem Fridericus præferri jufferit. Nimirum secundum leges, quæ passim per Europam per id temporis obtinebant, & Fridericus cavit, ne ad familias Principi suspectas feuda per matrimonia redirent. Fieri autem poterat, ut foemina natu major suspecti hominis uxor esset; ita vero in eam, ejusque liberos feudum cum ipsius periculo transferretur. At vero innupta in feudo prælata, id periculi non imminebat. Nam ex ejusdem



dem Friderici lege feuda quaternata possidens nuptias inire vetabatur, nisi cum electo sponso Princeps connubium adprobasset *constit. honorem nostri diadematis. de uxor. non duc. sin. permiss.* Cur. Vid. *lib. 1. tit. 7. §. 9. & sequ.* Neque dicas, ejus quoque periculi rationem in feudis de jure Longobardorum haberi oportuisse. Ejusmodi enim feuda ob tot divisiones, quibus in singulis successionibus minutatim discindebantur, in modico suo redditu neque suspectis possessoribus ad novas res moliendas animos addere poterant, neque legis providentiam exposcebant.

VII. His ita constitutis, disceptari queat, num privilegium innuptarum natu minorum in feudis Franci juris hodieque sit observandum. Plerique negant: qui præ reliquis sapere videri volunt, patri saltem concedendum putant, ut in tabulis nuptialibus veluti

additamentum dotis filiae natu majori feudum ipsum promittere possit, licet ab eo dotem acceperit. Verum sententia isthæc vix adprobare se queat illis, qui privatis conventionibus juri publico derogari non posse norunt. Proinde si filia natu major feudo carere nolit, vel sine dote profectitia debet enubere, vel, dote constituta per patrem, ea cautione est opus, ut cum assensu Principis in instrumentis dotalibus ei feudum promittatur. Alia enim eurenata, quæ proponit Camillus de Curte *resolut. feud. c. 2. n. 86.* omnimodam securitatem filiae natu majori non præstant.

VIII. Porro alibi advertimus, per Friderici ætatem paucissima apud nos fuisse feuda Franci juris. Proinde in tanta eorum paucitate Fridericus non definivit, num in feudis id genus nepos susceptus per filium natu majorem patruo natu minori in avi obitu præferendus esset.

esset. Ea controversia ne in consuetudinibus quidem feudalibus definitur. Jus enim feudale commune feuda Franci juris prorsus ignorat. Ea de re late Cujacius ad *consuet. feudal. libr. 2. tit. 11*. Ibi is totus in eo est, ut sententiam adprobet, quæ patrum præfert. Eam ob rem producit exemplum Roberti Regis, qui licet Caroli II. filius natu minor Clementis V. sententia in Regno Neapolitano prælatus fuit Caroberto Hungarorum Regi Caroli Martelli filio. Is enim inter Caroli liberos major natu fuerat. Verum, ut narrat ipse Cujacius *loc. cit.* idem Robertus in proposita controversia sententiam pro nepote dixit suscepto ex filio natu majori. Clementis vero V. sententia pro Roberto lata politicis potius rationibus excusari debet. Nam recta juris ratio ob subingressiorem nepoti favet. Si enim is repræsentat patrem, cum & proximitate gradus,

116 *Jus feud. Neap. ac Sic. L. II. T. VIII.*  
dus , & nativitatis ordine repræsentare debet . Hinc recepta totius ferme Europæ sententia est , non minus in feudis de jure Francorum , quam in Regnis ipsis nepotem ex filio natu majori præferri oportere . Sed his omiſſis , ad parentum ſucceſſionem nos transferamus .



## T I T U L U S      V I I I .

### *De ſucceſſione parentum .*

**S**Upra advertimus , ipſam feudorum naturam ab initio ſuaſiſſe , ne feuda ad parentes redirent ; eos igitur juſ feudale commune a feudis arcere conſuer. feud. 2. 50. In ediſto ſuo ſucceſſorio Fridericus ea in re a conſuetudinibus feudalibus non recedit . Hinc , ſi deſint deſuncto liberi , fratres , & , quod mi-

mireris, sorores potius parenti præfert. Lubet in re celeberrima ipsa Friderici verba rursus hic exhibere. *Ex collateralis linea venientes, qui sunt soli fratres, & sorores in capillo, excluso etiam communi patre superstite, omnino succedunt.* Inspecta igitur Friderici constitutione, si defuncto non supersint alii feudales heredes, patrem, aliosve superioris gradus parentes a feudis fiscus excludit. Parentum autem a feudis exclusio juris adeo explorati Friderico visa, ut ne singulari quidem capite ea de re statuendum censuerit: ita aliud veluti agens ad eos feuda redire vetat. Enimvero ne quis respectu parentum superesset dubitandi locus, generali regula rem expressim definivit *in constit. forjudicatorum. de fisc. succ. forjudic.* Ibi enim generatim edicit, *in feudis ascendentes liberis non succedere.* Eo constitutionis commate nihil neque expressius, neque

118 *Jus feud. Neap. ac Sic. L. II. T. VIII.*  
clarius. Hinc Marinus de Caramanico  
optimus plerumque constitutionum in-  
terpres ad prædictam constitutionem  
hæc adlinit. *Si forjudicatus habeat pa-  
rentes, & non liberos, in feudalibus  
parentes fiscus excludit.*

II. Quæ hætenus exposuimus, &  
cum ipsa feudorum natura conveniunt,  
neque in disceptationem venire posse  
videbantur. Verum putidus ille inter  
doctores Isèrnia, & fisci commodis quæ  
jure, quaque injuria perpetuo infensus  
ad prædictam constitutionem *forjudica-  
torum* deliris suis interpretamentis id  
unice agit, ut fisci causam pessumdet.  
Nam contra rationem juris, atque ex-  
pressam Friderici mentem primo avita  
feuda ab illis distinguenda pronunciat,  
quæ filius ipse fortasse quæsierit; in  
avita autem feuda parentes admittendos  
edicit. Ea quidem distinctio omnino ce-  
rebrosa est, neque in Friderici verbis præ-

præsidium usquam invenit . Deinde ,  
 quasi non satis sui ludibrium feudorum  
 distinctione sua commentitia præbuisse-  
 set, in verbis ipsius constitutionis veluti pe-  
 dem figit . In voce autem *ascendentes*  
 subsistens , quasi eo vocabulo mater ipsa  
 non contineatur , in ipso feudo novo  
 matrem admittit . Si hominem ab in-  
 fania excusare velis , fateri quidem o-  
 portet , eum aperte jus calumniari . Sed  
 cum veteroso homine iurgare piget ?  
 aliunde pax mihi cum mortuis . Tan-  
 tum addere lubet , perperam in Græ-  
 co codice superioribus annis Regiis ty-  
 pis edito in prædicta constitutione legi  
 εν οἷς οἱ ἀνιούτες , καὶ υἱοὶ διαδοχὴν οὐκ ἔ-  
 χουσιν , in quibus feudis *ascendentes* , &  
*liberi non succedunt* . Nam statim in-  
 sequenti titulo forjudicatorum liberis  
 feuda ab eodem Friderico deferri ju-  
 bentur *constit. si quando . de pæn. for-*  
*judic.* Sed id genus sphalmata in Græ-

ca constitutionum versione haud infrequenter occurrunt.

III. At pondum hic finis, nequedum Ifernia hinc abire me patitur. Is enim ad prædictam Friderici legem, ut in feudis avitis liberis succedere parentes adprobet, provocat ad ejusdem Friderici constitutionem *si quando. de pæn. forjudic.* Urget scilicet, ibi Fridericum edicere, forjudicato quopiam, qui feudum non a Principe, sed a comite, aliove habeat, ad dominum tandem reverti feudum, si liberi, ac parentes forjudicato defint. Inde igitur infert Ifernia, parentes etiam in feuda succedere, &, ut tollatur antinomia inter utramque Friderici constitutionem, inter nova, & antiqua feuda discrimen fieri oportere. Sed næ is intelligendo facit, ut nihil intelligat. Ex ea enim Friderici lege id tantum inferre licet, parentes tandem admitti, si feuda a comi-



mite, aliove inferiori domino concessa fuerint. Nimirum ea quidem in specie fisci non adeo intererat, parentes excludi, & duriusculum Friderico visum, facinus a barone admissum inferioris domini emolumento cedere. Nam proscriptionis, seu forjudicationis poenæ in fisci compendia jure publico converti debent. Proinde de jure suo remittens contra juris recepti regulas forjudicatorum feuda ad parentes redire jubet. Si hinc discefferis, veteri jure Neapolitano, ac Siculo *retrogradæ*, quam appellant, successioni locus in feudis haud patet. Quod tamen ad Regni barones, ii haud semel a Philippo IV. petierunt, ut in novum quoque filii feudum successio patri pateret, falso asserentes in antiqui feudi successionem admitti patrem. A prædicto tandem Principe id concessum ea tamen lege, ne feudum patri delatum in filii obitu ad ejus cognat-

gnatos e latere redire jus esset. Sic enim in Principis placito ann. 1621. n. 9. *Placet suæ Regiæ, & Catholicæ Majestati, dummodo feudum non transeat ad collaterales patris.* Sed de eo juris articulo ego plura non addo. Præterquam quod enim id privilegium inter pragmaticas relatum non fuit, disceptatio isthæc neque usu umquam venit, &, ut sunt res hodie, usu vix venire potest.



## TITULUS IX.

*De successione conjunctorum e latere.*

**Q**UOD ad successionem cognatorum e latere, Mediolanenses jurisconsulti ultra modum baronum studiis velificati videntur. Sane inter Principum absentiam disputationibus suis eo rem perdu-

duxerunt, ut, quo tempore jus feudale commune colligebatur, recepta consuetudo in Italia Transiberina foret, feuda in laterali linea ad septimum usque gradum deferri posse. Exemplum haud absimile apud Siculos invenire licet, qui absentia Principis & ipsi abusi ex feudis nescio quæ sibi allodia effinxerunt, & ultra gradus in jure Siculo præstitutos feudalem successionem extendere adlaborarunt. Sed Siculorum ea in re ausus infra castigabimus *tit. 12.* In Italia Transiberina hic subsistendum. In ea, ut monuimus, cerebrosa sua jurisprudentia doctores in laterali linea ad successionem in feudis produxerunt ad septimum usque gradum, nec defuerunt, qui eam in infinitum extenderent. Per Friderici II. ætatem jam collectæ consuetudines feudales latius in dies per Europam serpebant, eæque Petro de Vineis apud eum libellos agenti ignorari non

non poterant. Ipsæ consuetudines feudales ostendebant, quanto cum fisci præjudicio in Italiæ Transiberinæ tribunalibus doctores, ac judices versati forent. Indidem liquebat, non ultra fratres in feudis paternis successionem indulgisse Principes; Lotharii vero constitutionem, qua patruo successio delata fuerat, & contra primævam feudorum naturam esse, & in afflictis Imperatoris rebus eam extorsisse barones; illam igitur numquam in provinciis Neapolitanis, ac Siculis admisisse Nortmannos. Ita Petri de Vineis consiliis uti solitus Fridericus in deferenda feudorum successionem cognatis e latere diversas ab jure communi feudali rationes instituit. Explosa igitur Transiberina consuetudine, qua ad septimum usque gradum conjunctis e latere feuda deferbantur, in edicto suo successorio rem ferme redegit intra limites in constitutione

ne

ne Conradi II. præstitutos . Vide, quæ ea de re supra præcepimus *libr. 2. tit. 5.* Sed lubet veluti in rem præsentem venire, & ipsa Friderici verba de successione cognatorum e latere iterum hic exhibere . Quoniam vero in vulgatis codicibus ea corruptissima prostant, adjumento Græci codicis Regiis typis edito ea ita & legerim, & interpunxerim.

II. De successione igitur cognatorum e latere ita in edicto suo Fridericus . *Ex collateralis linea venientes, qui sunt soli fratres, sive ex utroque parente, sive ex altero tantum, & sorores in capillo, excluso etiam communi patre, omnino succedunt .* Perperam Latini codices *ut fratres* exhibent . Si enim *ut fratres* retineas, sententia legis non constabit . In præsentis linea scilicet neque cognatos quoscumque, neque certos gradus Fridericus admittit, sed certas tantum personas . Si *ut fratres* in constitutionem  
in-

intrudas, videri possit, cognatos omnes  
 admitti, & tantum exempli gratia me-  
 morari fratres. Rectius igitur, & ad  
 Friderici mentem legem ita exhibet  
 Græcus interpret „ *Εκ πλaccyis προιοντες*  
*οι εστιν οι οι αδελφοι*. Nihil hic a me ad-  
 ditum, nisi *υπερον πρωτερον* restitutum.  
 Neque enim dubito, quin aliud agens  
 Græcus exscriptor sententiam legis tur-  
 bando *οι οι* præposuerit. Ita vero contra  
 rationem jûris totam constitutionis sen-  
 tentiam corrumpit. Vides igitur, ex la-  
 terali linea Fridericum, nulla gradus  
 mentione injecta, fratribus, ac sororibus  
 tantum successionem deferre; mox &  
 fratrum filiis; præterea nemini. Pro-  
 inde somniantes hic vigilant doctores  
 haud pauci, qui hic gradus garriunt;  
 inde vero argumento desumpto, exemplo  
 fratris filii patrum in eodem gradu  
 constitutum admittendum blaterant. Sed  
 tædet ineptiarum. Valeat hic Afflictus  
 cum

cum Isernia suo ad *constit. ut de successi-  
onibus. n. 41.*

III. Antequam reliqua constitutionis  
Fridericianæ scita proponamus, nostram  
hic sententiam dicamus, oportet, de  
veteri illa controversia non minus in  
foro, quem scholis agitari solita, num  
scilicet, inspecta Friderici lege, frater,  
ac soror sint admittendi in feuda non  
tantum avita, paterna, sed in nova  
quoque, & quæ ab ipso defuncto pri-  
mum quæsita fuerint. Doctores Iserniæ  
servum pecus post eum communibus fer-  
me suffragiis statuerunt, fratres, sorores  
in feuda omne genus per Friderici con-  
stitutionem admitti. Non alibi ego vidi  
Sardos æque venales, alios aliis nequio-  
res. Rectius Marinus de Caramanico  
fratres, sorores tandem admittit, si de  
feudis paternis, aut avitis sit controver-  
sia. Perperam igitur scribit Franciscus  
de Andr. *in disput. an fratr. in feud.*  
suc-

*succed.* ea de re Caramanicum dubitasse :

Is enim aperte scribit *in. voc. jure suo* quod de fratris filio in constitutione Fridericus dixit, idem in fratre, sorore intelligendum. Ea vero sententia apprimè convenit cum Friderici mente, qui id unice egit, ut intra Conradi II. legem feudalem successionem redigeret. Per Conradi autem constitutionem, & ipsas consuetudines feudales fratres tandem admittebantur, si feudum a communi parente profectum esset. Id non expressit Fridericus, quia aperte definita res fuerat *consuet. feud. libr. I. tit. I. §. 2. & libr. I. tit. 19.* Neque regeas, in eadem constitutione mox Fridericum in fratrum filiis id expressim jussisse. Nam in fratrum filiis id ab eo factum, quia primus contra Conradi legem eis feuda deferri jusserat. Ab eo igitur & expressum oportuit, quem vellet eorum respectu modum esse beneficii sui, & qua lege con-



concessum id foret. Sed ea in re sub Andegavensibus ulterius processerunt fisci patroni. Si enim *pro se, & heredibus in corpore* facta fuisset investitura, in ipsis feudis antiquis, & a communi parente profectis a successione fratres arcendos aiebant. Id ipsis in mentem venit, quia in successionis causa satis esse non videbatur, ut successor primo feudi quæsitore prognatus esset, nisi & ab eo ipso descenderet, de cujus successione ageretur. Is tamen patronorum fisci conatus non minus rationi juris, quam æquitati contrarius videbatur. Hinc *inique interpretationis abusum* cum appellat Carolus II. *in capit. considerantes*. Is igitur, rejecto eo fisci molimine, quæquæ foret investituræ formula, feudi saltem antiqui, & a communi parente profecti qua fratribus, qua sororibus successionem deferri jussit, eo tantum addito, ut in dubio feu-

*Tom. II.* I dum

dum censeretur de jure Francorum *d. capit. considerantes*. In eo autem dubio id ipsum apud Siculos obtinere debet ex Regis Alfonsi *capit. 456*. Apud Siculos quoque fratri, ejusque liberis feudum deferetur, licet *pro se, & heredibus ex corpore descendantibus* concessio facta dicatur ob Friderici *capit. constitutionem. 30*. Miror autem Pernum adversus Sicularum commoda censuisse, in prædicta investituræ formula fratri, ejusve liberis fiscum præferri oportere *consil. 22*. Nil medium est; est, ubi dextrorsum, est, ubi sinistrorsum is errat.

IV. Nondum ex proposito Friderici loco doctores abire me sinunt. Acerri-  
me enim per eos disceptatum invenio,  
num ex uno latere conjuncti fratres,  
sorores ad successionem sint admittendi,  
si ex eo latere profectum feudum haud  
fuerit, unde vinculum cognationis ori-  
tur. Præsens autem disputatio intra feuda

da antiqua coerceri debet. Explorati enim juris in Regno Neapolitano est hodie, fratribus, ac sororibus uno ex latere defuncto conjunctis, eorumque filiis feudi successionem deferri, quomodo-  
cumque quæsitum id fuerit, aut quæ-  
cumque fuerit investituræ formula :  
quamvis igitur *pro heredibus ex corpore*  
*concessio facta dicatur pragm. 29. &*  
*39. de feud.* Quod autem ad antiqua  
feuda, in eo juris articulo fisci causam  
scite peroravit vir clarissimus Franciscus  
de Andreys *in disput. an fratr. in feud.*  
*nostr. Regn. succed. cum fratr. deced.*  
*non sunt conjunct. ex eo latere. und. ea*  
*obven.* Fisci tamen patrocinium ipsi de-  
mandatum rationes ejus suspectas im-  
peritis fortasse reddet. Verum, semoto  
partium studio, asserere tuto licet, fra-  
tribus, sororibus apud nos feudi succe-  
sionem tandem patere, si ex eo latere  
conjuncti defuncto fuerint, unde feu-  
dum

dum obvenerit . Alibi nimirum advertimus, controversias patrio jure non definitas jure feudali communi definiri oportere . In eo autem aperte decernitur, fratres ad successionem tandem admitti , si a communi parente profectum sit feudum *consuet. feud. 2. 11.* Sic enim ibi . *His vero deficientibus , vocantur primo fratres cum fratrum pramortuorum filiis ; deinde agnati ulteriores , quod ita intelligendum est , si feudum sit paternum , hoc est , si fuit illius parentis , qui ejus fuit agnationis communis .* Eo accedit, quod in constitutione sua Fredericus eo collineat, ut successionem feudalem in conjunctis e latere potius coerceat , quam extendat . Atqui , ut vidimus , per consuetudines feudales feuda extra agnationem deferri vetantur ; ipse autem frater excluditur , si primo acquirente & ipse prognatus haud fuerit .

V. At vero quod ea in re decretorium videri debet, veteres Neapolitani doctores prædictum constitutionis Fridericianæ locum ita passim sunt interpretati, ut a successione fratres, ac sorores excluderent, si ex latere feudi defuncto conjuncti non forent. Eorum agmen hic ducat Marinus de Caramanico, qui aut sub eodem Friderico vixit, aut parum absuit ab ejus ætate. Sane ostendit Franciscus de Andreys *in d. disput. c. 1. §. 1.* eum Bononiæ aut Azonem, aut certe Accursium audivisse, qui Friderici fuerunt æquales. Is igitur constitutionis sententiam ignorare non potuit. Sic autem Caramanicus infit ad *d. constit. in voc. ex altero tantum.* Sane intellige, licet multi dicant contrarium, quando feudum, de cujus successione agitur, pervenit defuncto ex eo parente, ex quo iste frater superstes conjunctus est, & hoc declaratur aperte in-

*fra, ubi dicit, filii autem fratrum in his, quæ communis patris fuerunt, idem jus, quod pater eorum, habeant.* Turmatim Caramanicum sunt sequuti vetustiores Regni feudistæ Lucas de Penna, Matthæus de Afflictis, & ipse Bartholomæus Camerarius, quamdiu mentis integer fuit, nequedum ita se comparaverat, ut fisco bellum indiceret. Auctor quidem contrariæ sententiæ Ifernina celebratur. Quod tamen mireris, & in Caramanici sententiam is concessit, quamdiu sub Carolo II. vixit. Sic enim is scripsit ad rubricam *de natur. success. feud. collaterales non succedunt, quando non est feudum quæsitum per illum, qui fuit agnationis communis.* Aliam tandem sententiam is est amplexus, cum hanc constitutionem commentandam suscepit in Regis Roberti odium, qui Bartholomæum de Capua ei prætulit: quæ quidem causa fuit,

fuit, cur opinionum fisco adversantium tuendarum cupido eum inceserit. Sed, quod mireris, & ipse Andreas Ifernia, quamdiu infestus fisco non fuit, Caramanici sententiæ non tantum subscripsit, sed & eam *communem peritorum Regni* appellavit ad *tit. de natur. success. feud.*

VI. Per eam igitur tempestatem juxta Caramanici sententiam judicatum oportuit. Ea vero de re nos dubitare non sinunt capitula Honorii IV. Pontificis, quæ Caroli I. & II. precibus interpellatus is Regno Neapolitano novo quidem exemplo scripsit; licet in Regnum redux Carolus II. eorum observantiam prohibuerit, comperto, fisci rationibus adversari. Præter alia scilicet per id temporis a Pontifice petiere barones, ut jus succedendi in feuda latius produceretur; id in aliis a Pontifice factum. Verum cum in præsentis juris articulo

desideriorum absurditatem is nosset, ad fratres ex uno latere defuncto conjunctos feuda tandem redire jussit, si ea a parente communi profecta forent *capit. si aliquem*. His ita se habentibus, fisci causam prodiderunt ejus patroni, qui in ejusmodi controversiis seu in pretii semissem, seu in trientem transactionem inire cum fratribus, qui ex latere feudi defuncto conjuncti non forent.

VII. Porro, fororibus contra feudorum institutum ad successionem admisis, novum beneficium suum ita in constitutione sua coercuit Fridericus. *Conjugatae autem, & dotatae a fratrum successione repelluntur*. Eorum verborum sententia per se patet, neque in ipsis interpretandis enixius laborandum. Ibi scilicet Fridericus sorores ipsas matrimonio collocatas a successione jubet arceri, si dos ipsis constituta foret. Ea igitur in specie feudum ad fiscum re-



redire oporteret, nullo discrimine seu a fratre ipso, seu a patre constituta dos fuerit; nullo quoque discrimine seu Longobardici, seu Franci juris sit feudum. Verba enim legis infinita sunt, neque ullum eis modum Fridericus apponit. Tantum recte monuit Marinus Caramanicus ad *d. constit. voc. dotata* a successione sororem non excludendam, si non a patre quidem, aut fratre, sed ab alio quopiam dotem accepit. Enimvero alias ea in re rationes instituit Andreas Ifernia. Is enim, ut, quo posset modo, ea in re quoque fisci commodis adversaretur, cum alibi, cum ad *d. constit. in voc. conjugata* ex cerebro suo pronunciavit, ad excludendam a successione sororem dotem accipere oportere ex bonis ejus, de cujus hereditate agitur.

VIII. His igitur initiis celebris illa inter doctores enata quaestio, num in feudo

feudo quocumque, ut arceretur a successione soror, a patre dotem accepisse sufficeret, an ex bonis ipsius fratris eam accipere oporteret. Ea vero disceptatio ad Joannam II. usque intra scholarum ambitum ferme substitit, aut saltem certa lege definita non fuit. Per id temporis tamen casum fortuna obtulit, ob quem de ea controversia generali lege cautum oportuit. Per eam scilicet tempestatem Abellinatum comitatus penes Jacobum Nicolaum Philangerium erat, Is, quatuor filiis masculis superstitibus, in supremis tabulis filiae suae Catharinae octingentas uncias praelegavit; ea vero cum dote cum Serjano Caracciolo, magna illa tristium, ac lætorum imagine, in matrimonium collocata fuit. Nuptiis ita initis, Catharinae fratres brevi temporis intervallo seu fato, seu quæsitâ morte decesserunt omnes. Quod igitur ad Abellinatum comitatum, statim  
exor-

exorta lis fuit inter Catharinam ipsam, patrum ejus natu majorem, & fiscum. Per eam ætatem præter Friderici constitutionem non alia lex successoria lata fuerat. Proinde si ex Friderici lege judicata res foret, potior fisci causa futura erat. Patruus enim per Friderici constitutionem excludebatur. Catharina, utpote conjugata, & dotata, admitti non poterat. Verum Joanna, ut gratificaretur Serjano suo, per judices delegatos de lite pronunciari jussit. Hi voluntati fortasse Reginæ inservientes omnem moverunt lapidem, ut Serjani uxori lis addiceretur. Ei, ut vidimus, ex bonis patris constituta dos fuerat. Proinde eam in rem dati judices cum Ifernia discrimen statuerunt inter feuda Longobardici, & Franci juris; hujusmodi Abellinatum comitatus erat. In feudis Longobardici juris arcendam censuerunt a fratris successione sororem, seu

seu patris, seu fratris bonis dotata foret; in feudis Franci juris ex bonis ipsius fratris dotem accipere oportere, ut a successionem per fiscum posset excludi. Ne autem tam absurda sententia in Serjani gratiam lata videretur, generali lege in omnibus id genus controversiis hoc ipsum obtinere placuit *pragm. 1. de feud.*

IX. At vero ex novis Regni Neapolitani legibus, ut latius ostendemus in sequenti titulo, prædictæ pragmaticæ beneficio sorores *dotatæ*, & *conjugatæ* non egent, ut fratribus apud nos hodie succedant. Eidem tamen locus in Sicilia patere non potest. Dubium igitur videri queat, an apud Siculos hodie matrimonio collocata, & dotata soror ad fratris successionem sit admittenda. De ea controversia post Friderici constitutionem nulla apud Siculos lex lata fuit. Nam capitulum quidem si  
*ali.*

*aliquem* Jacobi Regis ad eam speciem extendi non potest, ut latius ostendemus infra *tit. 11.* De proposita igitur specie ex Friderici constitutione decerni debet. Inspecta Friderici constitutione, ostendisse videmur, sororem matrimonio collocatam, seu a patre, seu a fratre dotem acceperit, sine feudorum discrimine per fiscum excludi. Et hodie igitur apud Siculos ab eâ lege recedi non debet, donec ejus severitatem novum Principis beneficium non remittat.

X. Quæ in Friderici constitutione sequuntur, meridiana luce sunt clario-  
ra, neque opera egent interpretis. Nimirum fratrum filiis desertur successio, si ab avo profectum sit feudum. Proinde veluti per consequentiam additur, in feuda a patruo primum quæsitâ fratris filios non admitti: excluduntur cognati reliqui in gradu remotiori positi.  
Sed

Sed ipsa constitutionis verba lubet hic exhibere . Ita igitur ibi Fridericus . *Filii autem fratrum his, quæ communis patris fuerunt, avi eorum scilicet, idem jus, quod pater eorum habeant. In acquisitis autem patruo ex largitione nostra, vel quolibet titulo jure suo, nepotes ex fratribus non succedunt. In ulteriores autem gradu positus, scilicet filiis nepotum ex fratribus, & sequentibus in his etiam, quæ communis proavi fuerunt, successio non defertur. Cum in postremis constitutionis verbis, injecta mentione gradus, reliquos ultiores cognatos Fridericus excludat, inde occasionem Isernia inferendi arripit, ea in lege cognatos ob gradus tantum proximitatem admitti. Ita rem eo deducit, quasi & sororum filios, & patrum, & amitam fisco præferri oporteat in gloss. idem jus. voc. filii autem fratr. Quidni & materteram, & avunculum, qui eodem*

dem cognationis gradu devinciuntur? Videbis, quæso, quot in jure feudali monstra ex Iserniæ hypothefi enascantur, & quo hominem abripuit bilis adversus Robertum evomendæ ardor,

*Dum pœnas odio per vim festinat  
inulto.*

Infelix sensu communi se abdicat, modo legem calumniando infestum fisco se præstet. In laterali linea Fridericus in feudis antiquis tantum fratribus, eorumque filiis, sororibus etiam, si cum dote in matrimonium collocatæ non fuerint, successionem deferri jubet. Reliquos cognatos in gradu remotiori positos admitti vetat. Gradus mentio postremo injecta hominem transversum agit; ita gradatim sursum ascendit, ac, inter patrum, fratrumque filios tribus compertis cognationis gradibus, vim apertam infert *ὀριστησις*, seu definitivis Friderici verbis. Hinc a fratrum filiis  
in

in tertio gradu positus effingit e cerebro suo regulam, cognatis omnibus in tertio gradu constitutis successionem patere oportere; igitur non patruo tantum, sed & amitæ, & sororum filiis. Nisi *quæros* fuisset, ei illud occinerem,  
*Aut insanit homo, aut versus facit.*

Quod enim ad feudalem successionem, monstra loquitur poetarum in morem. Monstruosum enim in jure feudali est, ut patruo, amitæ, sororumve filiis feuda deferantur. Patruo quidem Lotharius I. successionem detulerat. At, ejus rei comperta absurditate, Conradus II. in laterali linea excluso patruo, fratri potius successionem deferri jussit, ejusque ipsa constitutio extat apud Cujacium *feud. libr. 5.* Sed res suas hic sibi habeant Transiberini Itali; nos in Friderici constitutione versamur. Ibi *ἐπιστρωγας* Fridericus ex laterali linea tantum



tum fratres , eorumque filios , ac sorores admittit . In earum personarum admissione nusquam gradus injecta mentio . Proinde recte Caramanicus optimus plerumque constitutionum interpretes adnotat , ibi personas , non gradus enumerari ; præter personas igitur expressim admissas reliquos cognatos licet eodem in gradu positos generatim excludi *in gloss. non succedunt* . At saltem æquitas , inquires , suadet , ut fororum filii in constitutione admissi intelligantur . Audio ; sed de feudis , non vero allodiis est controversia . Ipsum autem feudorum institutum Friderico suavit , ne ea ad filios sororum redirent . Nimirum feudum concedendo Princeps certæ agnationis , ac familiæ sibi fidelitatem eligit . Cum succedit foror , saltem in ingressu feudum non migrat extra familiam ; ad eam semel delato feudo , liberos licet alienæ agnationis na-

turali æquitate admittendos censuit Fridericus, cum nil magis naturæ conveniat, quam filiis deferri parentum hereditatem. Enimvero si sororum filiis feuda deferantur, in ipso ingressu contra concedentis mentem statim extra familiam transferrentur.

XI. Ut me colligam igitur, primo ajo, primordiale feudorum legem apud Neapolitanos, ac Siculos in præsentī Friderici constitutione proponi; ea ipsa igitur controversas species, quæ novis legibus aliter definitæ non fuerint, decidi oportere; eo Friderici edicto ad successionem admitti liberos in infinitum; in laterali linea tantum ad fratres, eorumque filios, ac sorores feuda redire pone; parentes prorsus excludi; ibidem certas tantum personas ex laterali linea, non gradus admitti; filios igitur sororum excludi, cum eorum nusquam meminerit Fridericus; multo minus admif-

missos intelligi patruos , aut amitas , cum successionem vere , vel quasi retrogradam feudorum ipsum institutum sua sponte respuat . Enimvero novis baronum privilegiis apud nos hodie amitis , patruis , atque ipsis sororum filiis feuda deferuntur . Apud Siculos tamen eorum respectu Fridericianæ constitutioni nullis hactenus novis legibus est obrogatum . Apud eos igitur adhuc Friderici constitutio obtinere debet , neque in Sicilia patruis , amitis , sororumve filiis successio patere potest . Capitulum vero *si aliquem* nil quicquam ea in re innovasse , in tempore ostendemus  
*tit. II.*



## TITULUS X.

*De novis privilegiis successoriis  
baronibus Neapolitanis concessis.*

DE se male , de Civitate pessime meruere Principes , qui primum perpetuitatem indidere feudis , atque ea liberis , aliisque cognatis deferri jusserunt . Ubi enim id factum , cum plerumque fortes fortibus non creentur , feuda tamquam militiæ stipendium ab initio instituta ad imbelles homines redire cœperunt . Ita vero feudali militia in dies debilitata , alendi militis mercenarii consilium susceptum oportuit . Inde factum , ut militiæ tolerandæ feudorum redditus ab initio addicti otiosorum hominum luxui sustinendo paulatim cesserint ; necessitas vero suase-

ferit , ut ad copias bello utiliores sibi parandas nova vectigalia , ac superindicta Principes instituerent . Quod enim adhoꝝ nomine per barones domi desides in fiscum inferebatur , specierum pretio in immensum aucto , militibus exhibendis sufficere quidem haud poterat . Ita & Principum , & Civitatis rationes exposcunt , ut , quoad fieri possit , ad fiscum feuda revertantur , ut , publico patrimonio aucto , vires Civitatis augeantur , ac novis tributis populi non atterantur . Sane ita ego rationes inierim , ut sunt res hodie , feudorum regressum ad fiscum unicum ejus munimentum esse , neque aliunde tot publicorum onerum levamentum expectari posse . Neque est , cur eam ob rem querantur barones , cum per ejusmodi reversionem publicum patrimonium , seu feuda ipsa in primævam causam revertantur .

II. Advocata igitur in consilium ratione, sua sponte liquet, optime & populis, & Civitati consulere Principes, qui id cavent, ut feudorum successio intra legum limites coerceatur, neque per aliorum versutiam ad eos redeant, quibus ea deferri leges non patiuntur. Atque ea quidem in re felicissimi Ferdinandi providentia maxime commendanda, qui populis beandis intentius incumbens feudorum ad fiscum regressum in Sicilia ferme intermortuum intra legum præscripta restituendum curavit. Sed isthæc privato homini palam mutire periculosum. Proinde, quod huc pertinet, videamus, quatenus in Regno Neapolitano novis baronum privilegiis Friderici constitutioni sit obrogatum, & quatenus feudalis successio producta fuerit.

III. Inspecta, ut supra vidimus, Friderici lege, ad liberos quidem in infinitum

tum feuda redibant; quod ad cognatos tamen e latere, jus successionis arctius coercebatur. Feuda enim tantum fratribus, eorumve filiis, ac sororibus deferri poterant: in eorum defectu fisco deferebantur. Id ipsa ratio Principatus Friderico suavit, ut, quoad fieri posset, cum publico patrimonio, unde primum decerpta fuerant, feuda consolidarentur. Ceterum ad Andegaveses delato rerum arbitrio, ii quidem fisci compendiis apprime studentes Friderici constitutionem in re successoria religiose servarunt. Tantum Joanna II. aliquid de jure fisci remisit, cum ad sororem de bonis patris dotatam in fratris obitu feudum de jure Francorum redire jussit *pragm. 1. de feud.* Enimvero rerum apud nos potitus Ferdinandus Catholicus, atque, ab eo per manus accepto Regno, Austriaci Principes fisci causam ipsimet prodiderunt. Ii

enim, seu ad baronum studia demerenda, seu ut pecuniam in rebus angustis corraderent, non solum ad alias personas per Friderici constitutionem exclusas feuda redire jusserunt; sed &, quod perniciosissimum fisco fuit, cognatis etiam in quarto cognationis gradu constitutis eorum detulerunt successionem. Id ipsum igitur ad jus novissimum intelligendum hic enarrabimus.

IV. In praesenti autem argumento illud magni quidem in Regno usus hic adverti velim, in privilegiis scilicet baronum interpretandis non ipsos supplices eorum libellos spectari oportere. Hi enim in precibus Principi offerendis dolo seu bono, seu malo saepiuscule complura asserunt seu falsa, seu saltem in jure controverso posita. Cum igitur ad Principem ipsum pertineat statuere, quem velit esse beneficii sui modum, si quid aut falsum,  
aut



aut disceptatum inter doctores positum in precibus offerendis fuerit , ad jus constituendum id frustra per barones urgebitur ; privilegium vero interpretationem debet accipere aut ab expressa concessione Principis , aut ex jure , quod ante privilegii concessionem constitutum erat . Ita quidem in supplicibus baronum libellis in novo aliquo privilegio postulando haud semel asseritur , personas exempli gratia in tertio , aut quarto cognationis gradu positas ad feudorum successionem admitti ; si desiderio Princeps indulgeat , ac privilegium postulatum concedat , inde non debet inferri , Principem aut concessisse , aut vera agnovisse , quæ aut falsa , aut controversa a baronibus fuerint asserta . Si quæ igitur tertii , aut quarti gradus personæ per leges a successione arceantur , barones ex falsis libellorum assertis jus suum adprobare nequeunt .

V. Porro primus inter Neapolitanos Principes non minus veteri Neapolitano juri, quam consuetudinibus feudalibus, quod ad successionem, obrogavit Ferdinandus Catholicus. Is enim baronibus indulgit, ut, fratris filio obeunte, feudum patruo deferretur *prag. 6. de feud.* Dubium tamen videri queat, num ad feudum tantum antiquum, & a communi parente profectum, an ad novum quoque patrum Ferdinandus admiserit, & quod seu a fratre, seu fratris filio quæsitum fortasse fuerit. Sane si proposita controversia ad juris feudalis regulas exigatur, exploratum videtur, feudum tantum antiquum Ferdinandum ad patrum redire jussisse. Ea in re palmarium pro fisco est, per id temporis ex Friderici constitutione ipsum fratrem ad feudi novi successionem admitti non potuisse. Quis igitur sibi persuaserit, ad novum feudum Ferdinan-

nandum admisisse patrum, unde ipse frater excludebatur? In prædicta quidem pragmatica sexta *de feud.* novi feudi fit mentio. Quæ ibi tamen adfuuntur adjuncta, satis evincunt, feudum, quod ibi patruo deferri petitur, a communi parente fuisse quæsitum. Ibi enim ponitur, primo feudi quæsitore mortuo, majorem natu filium successisse, ei nepotem; nepote sine liberis decedente, patrum admitti rogant. Novum igitur respectu primi quæsitoris feudum ibi dicitur; nam respectu patrum jam antiquum evaserat. Conf. Montan. *de regal.* §. *fin. n.* 20.

VI. At vero his quidem initiis abnormis illa successio, quam *quasi retrogradam* appellare licet, in jus Neapolitanum irrepsit. Id autem privilegii monstrum feudorum naturæ contrarium patruo tantum per Ferdinandum fuerat indultum. Falso igitur asserebant barones, personis

156 *Jus feud. Neap. ac Sic. L. II. T. X.*

nis omnibus in tertio positis cognationis gradu Regis Catholici beneficio feuda fuisse delata *in pragm. 12. de feud.* Ea positione tamen fiducia baronum aucta. Ita Carolo V. Ferdinandi nepote precibus adito, id quoque exorarunt, ut in defectu patruum ad amitam feuda redirent *d. pragm. 12. de feud.* At vero in eo beneficio concedendo Principes neque, quod asseruere barones, omnibus in tertio cognationis gradu positis id concesserunt, atque ex linea quasi retrograda patrum tantum, & amitam ad successionem vocarunt *d. pragm. 6. & 12. de feud.* Hinc in eadem pragmatica baronum petitionem ita coercet Carolus V. *Placet, ut concessio, & gratia Regis Catholici servetur, & insuper declarat, ut in omni casu, quo patruus comprehenderetur, amita etiam intelligatur comprehensa.* Perperam igitur, a patruo, & amita argumento petito,

tito, quis inferat, reliquos etiam in tertio gradu positos, avunculum scilicet, & materteram, ad successionem admitti. In prædictis enim pragmaticis nusquam in Principum rescriptis gradus mentio injicitur, neque omnes admitti jubentur, qui parentum loco dicuntur esse, sed patruo tantum, & amitæ jus succedendi conceditur.

VII. At nondum privilegiorum hic finis. Ut enim facile est, legum transfiliare limites, ubi earum semel remissus sit rigor, sub eodem Carolo V. audentiores barones facti alieniora adhuc a patrio jure privilegia extorquere cœperunt. Eo enim novis precibus interpellato, in suo libello supplici exposuerunt, per consuetudines feudales ad septimum usque agnationis gradum feudalem successionem excurrere; ita ab eo postularunt, ut saltem ad quartum usque cognationis gradum successio extendetur.

tur . Ea petitio altius quidem spectabat , ac , si infinite concessa foret , maximum inde detrimentum in fiscum rediturum erat . Mediam igitur ea in reviam Princeps ingressus precibus quidem indulgit , indulgentiæ suæ tamen modum adjecit . Neque enim generatim intra quartum gradum successionem deferri jussit , sed in rescripto suo baronum desideria ita coercuit *pragm. 12. de feud. Placet , ut extendatur ad fratres patruales masculos provenientes , & descendentes per lineam masculinam a primo domino , & stipite feudi .* Advertens vero , quantum inde fiscus detrimenti caperet , se numquam passus est exorari , ut ipse patruelis sorori patrueli succederet , licet primo feudi quasi-tore uterque prognati forent *d. pragm. 12. & pragm. 11. de feud.* Inspectis igitur Caroli V. legibus , in quarto cognationis gradu cognati positi ex æquali .

li linea jus mutue successionis haud habent, nisi defunctus, & successor sint masculi, & per masculos a primo feudi quæsitore descendant. Neque tamen hic substitit Neapolitanorum Principum liberalitas. Nam precibus aditus per Barones Philippus IV. anno 1655. eis indulgit, ut cognatis intra quartum gradum pateret feudorum successio, licet neque masculi forent, & per feminas suscepti essent *pragm. 34. de feud.* Proinde apud nos hodie & patrueles patruelibus, aut sobrinis, & invicem inter se sobrini, & sobrini patruelibus, & patrueles sobrinis in feudis succedunt, modo ex eo latere defunctum contingant, unde feudum promanarit *d. pragm. 34. de feud.*

VIII. His ita constitutis, nodus hic occurrit interprete dignus, & unde momentosæ in foro controversiæ enasci queant. Nimirum, ut vidimus, contra

tra præscriptum *pragm. 12. de feud.* novis baronum privilegiis apud nos hodie & patruels sobrinis, & sobrini non minus inter se invicem, quam patruelibus ipsis succedunt. Patruels, & sobrini in quarto cognationis sunt gradu. At & patruus magnus, & amita magna in eodem sunt gradu positi. Proinde disceptari queat, num in patruelium, sobrinorumve defectu amitæ, ac patruo magno feudum deferatur, an, iis exclusis, ad fiscum redire debeat. Qui *pragmaticæ 34. de feud.* verbis hærent, explorati juris existimant, ea quidem in specie amitam, ac patruum magnum fisco præferri oportere. Verum qui ita rationes ineunt, ipsius *pragmaticæ* sententiam aut non intelligunt, aut intelligere videri nolunt. Ea lex scilicet temperamentum privilegii continet, quod in eodem quarto gradu a Carolo V. pridem concessum fuerat *in pragm.*



*pragm. 12. eod.* Nam & ibi barones ad quartum usque gradum successionem extendi petunt, neque per id temporis iis veniebat in mentem, ut ad amitam, & patrum magnum successio produceretur: nam ægre impetraverant, ut ad patrum, & amitam feuda redirent. Ita & barones, & Princeps probe intelligebant, in cognatis quarti gradus in æquali laterali linea versari preces. Neque ibi tamen Carolus V. baronum petitionem generatim admittit. Nam, ut supra vidimus, in quarto ejus lineæ gradu successionem indulget, si & defunctus, & successores æque masculi forent, & per masculos suscepti essent. In dicta igitur *pragm. 34. eod.* ejus rei temperamentum postulavere barones. Proinde abrogata *pragm. 12. de feud.* eis tantum concessum, ut omnes ex æquali laterali linea in quarto positi cognationis gradu succederent nullo discrimine,

masculi essent, an foeminæ, seu feeminis, seu masculis prognati forent, modo per lineam defunctum contingerent, unde feudum ipsum profectum diceretur.

IX. Haftenus exposita satis evincunt, amitam, patruum magnum, licet cum patruelibus, sobrinis in eodem cognationis sint gradu, prorsus exclusos videri *pragm. 34. de feud.* Lubet tamen & aliam inire viam, qua eodem perveniatur. Nimirum in prædicta pragmatica ad quartum usque gradum successio jubetur extendi ea quidem lege, ut, quod circa successionem feudorum observabatur usque ad tertium gradum, & observari debeat in beneficium comprehensorum in quarto gradu. Iis sane verbis leges ibi duæ indicantur, altera Friderici in *constit. ut de successionebus*, altera Caroli V. in *pragm. 12. de feud.* Hæc abrogatur, cum in quarto gra-

gradu positi in æquali laterali linea sine discrimine admittuntur. Illi non derogatur, ac potius proponitur tamquam regula, ne successio sursum ascendere crederetur. Quemadmodum igitur ex constitutione Friderici fratrum filiis in tertio cognationis gradu constitutis successione patere iussa, amita, patruus in tertio & ipsi gradu positi excludebantur, nec nisi per Ferdinandi, & Caroli V. indulgentiam tandem coeperunt admitti; ita, patruelibus, sobrinis admissis in quarto positis cognationis gradu, ad amitam, patruum magnum sine novo Principis beneficio successio extendi non potest. Nimirum admissio quarti gradus in æquali laterali linea feudorum naturæ adversari non videbatur. Verum successio quasi retrograda contra naturam feudorum erat, eamque ob absurditatem suam in ipsa persona patruus Conradus II. aboleri iussit,

ut alias monui. Cum igitur privilegia Principum ita intelligi oporteat, ut, quam minime fieri possit, a juris ordinarii regulis recedatur, admissis in quarto gradu constitutis, amita, patruus magnus admissi videri non debent, nisi speciatim expressi fuerint. Nam in deferenda eis successione duplex legis remissio necessaria erat, altera ratione gradus; altera respectu successionis quasi retrogradæ, quæ feudorum naturæ adversatur, & veluti monstrosa videri debet.

X. Ceterum quam thesim posuimus, ipsi barones & probe intellexerunt, & de absurditate successionis, quasi retrogradæ respectu amitæ, ac patruus magni non dubitarunt. Ii scilicet *in pragmat. 12. de feud.* supplici suo libello petunt, ut ad quartum usque gradum successio produceretur; idque, ut supra vidimus, certo sub modo eis fuit indultum.

tum . Cum tamen nossent , abnorme in jure feudali esse , ut patruo , amitæ licet in tertio gradu positis successio pateret in feudis , expressim id quoque postulant . Si igitur in specie *pragm. 12. de feud.* in quarto gradu successione concessa , patruus , amitæ exclusi fuissent , nisi eorum quoque admissio & petita , & expressim concessa foret ; multo minus ad quartum gradum generationis successione producta in *pragm. 34. de feud.* amitæ , patruus magnus admissi censerī debent , cum iī præ simplici patruo , amitæ longius a defuncto absint , & de iis nullum ibi verbum occurrat . Ut rem paucis absolvam , in ea pragmatica ad quartum usque gradum barones successione extendi petunt , non ut amitæ , patruo magno quoque successio deferretur , sed ut generationis admitterentur , qui in quarto æqualis lineæ gradu constituti essent , eisque remitteretur lex illa severior a

Carolo V. præscripta in *pragm. 12. de feud.* Aliunde si amitam, patrum magnum admittendos pertendas, quia in quarto sunt gradu positi, eadem ratione matertera, avunculus magnus in feuda antiqua materna admittendi forent. Id tamen nemo sanus contenderit, cum supra evicerimus, ne simplicem quidem materteram, aut avunculum licet gradu propiores admitti oportere. Hæc latius enucleare placuit, ut de foro rabulis, qui omnem causam justam, vincibilem jactitant, os occludatur. Nunc, quod superest, videamus, quatenus novissimis privilegiis feudalis in Regno Neapolitano successio producta fuerit.

XI. Pridem Regni barones summo molimine connixi fuerant, ut ad quintum etiam gradum successio in feuda produceretur, quod quidem ipsis ab eodem Philippo IV. concessum, ut enarratur in *pragm. 37. de feud.* Id privile-

legium tamen per fisci patronos duas potissimum difficultates est passum. Primo enim nullam ejus rationem habendam agebant, quia in pragmaticarum volumina relatum non esset; deinde quia intra justum tempus non fuerat rite executum. Verum in proposito suo animum non despondere barones. Nam in turbidis Regni rebus ea de re precibus aditus Carolus VI. eis successionem ad quintum usque gradum indulgit; tantum in insequentem modum rescripsit. *Placet, successionem feudalem non nisi ex nunc in posterum extendi usque ad quintum gradum inclusive; cum qualitatibus tamen, clausulis, & forma expressis in gratia concessa per Philippum IV. dum esset apud eum legatus Aloysius Roderico, & a fisco variis ex causis, & capitibus semper oppugnata, & juxta illius seriem, continentiam, & tenorem, & non aliter, nec alio modo*

*d. pragm. 37. de feud.* Huic tamen baronum privilegio novæ difficultates enatæ. Fisci enim patroni plura pertenderunt, quibus illud ferme inutile redderetur effectu juris. Primo enim agebant, id tantum admittendum in feudis antiquis, & a communi parente profectis; deinde si defuncti, & successores æque masculi forent, & per masculos suscepti fuissent; denique, quod in prædicta pragmatica diserte cautum, tantum in casibus, qui post concessum privilegium contigissent. Perperam igitur controversæ species, quæ ante Caroli VI. privilegium evenerunt, a fisco per transactionem fuere compositæ. Sed proditæ causæ publicæ utinam ultimum id fuerit exemplum!

XII. His ita se habentibus, Augustissimum Regem Catholicum, quo tempore Neapolitanis imperitabat, rursus barones precibus interpellarunt; ut ad  
quin



quintum usque gradum sine discrimine promiscuum succedendi jus foret. Ad supplicem tamen libellum ita rescriptum. *Sua Majestas, re maturius perpensa, providebit pragm. 41. de feud.* Hinc apud nos hodie cognato quinti gradus feudum tandem defertur, si defunctus, ac successor sint masculi, & a primo ejus quaesitore per masculos suscepti fuerint. Ipse igitur masculus, qui a primo acquirente per masculos non descendat, ne ad transactionem quidem admittitur. Ita quidem memoria nostra Cuperfani comes, utpote per foeminam in quinto gradu cum ultimo Adriæ possessore conjunctus, ne ad transactionem quidem fuit admissus, & ad fiscum rediere feuda. Vid. Joann. Ferrar: *de feud. p. 2. tit. 2. §. 60. & sequ.* Id autem adeo explorati juris apud nos est hodie, ut in ipsis feudis antiquis ea de re nulli fisco controversia fieri soleat.



## T I T U L U S   X I.

*De privilegiis successoris Siculis baronibus concessis in capitulo si aliquem.*

**S**UPRA monuimus, sub Nortmannis, ac Svevis, & sub ipsa Principatus Andegavensis auspicia feuda Neapolitana inter, ac Sicula nil quicquam interfuisse. In utroque enim Regno, quod ad liberos, feudorum successio in infinitum patebat; quod ad parentes, ii prorsus excludebantur; in laterali linea non ultra fratres, sorores, fratrumve liberos primi gradus feuda deferebantur. Enimvero ubi Principibus Aragonensibus, excusso Andegavensium jugo, sacramentum dixere Siculi, ut diversis dominis paruit utrumque Regnum, ita & in qui-

quibusdam juris articulis feuda Neapolitana inter, ac Sicula interesse coepit. Sed quoniam potissimas inter utraque feuda differentias tradituri sumus, operæ pretium facturi videbimur, si ejus rei & causas, & primordia paucis prænarremus.

II. Nemo unus ignorat, Andegavensibus ad internecionem in Sicilia cæsis, ac Petro Aragoniæ Regi dicto a Siculis sacramento, Neapolitanorum quoque fidem adversus Andegavenses coepisse sublestam esse. Neapolitanorum animis a Carolo I. alienandis ipsemet avidioris ingenii Princeps occasionem dedisse credebatur, quem fama est, novis oneribus subditos prægravasse. In turbidis autem Regni rebus potissimum suspecta fides baronum erat, qui a Carolo I. se ultra modum oppressos variis rumoribus differebant. Per id ipsum temporis Carolus I. Gallias petere con-  
fti.

stituerat singulari certamine cum Petro Aragonio de Sicilia Regno decreturus. Ne quid igitur per ipsius absentiam adversus Majestatem suam barones molirentur, aut reliqui subditi, ipse, ejusque filius Carolus natu major Martinum IV. Pontificem querelarum arbitrum constituerunt, eique in mandatis datum, ut & de controversiis arbitrio suo æquius melius statueret, & subditos in fide adversus Principem confirmaret.

III. In prædictis rerum adjunctis non alias apud nos Andegavensium vices magis improspere. E Regno enim egresso Rege, Carolus II. relictus a patre vicarius virtute Rogerii Lorientis statim bello navali victus apud Petrum Aragonium captivus agebat. Carolus I. in Regnum redux illico e vivis excessit seu fato, seu a semet quæsitâ morte ægritudinum impatiens. In ea rerum  
fa-

facie Martinus IV. mandatorum utriusque Caroli memor Gerardum Cardinalem Parmensem in Regnum Neapolitanum proficisci jussit, qui & de prædictis controversiis cognosceret, & Regnum veluti ordinaret. Is subditorum querelas Pontificis arbitrio demandatas compositurus Regni Episcopos Melphim convenire jussit. Ne autem sibi deesset, in re gerenda cum Episcoporum consilio ab immunitate Ecclesiastica, & Episcopali jurisdictione initium desumendum censuit, mox de baronum, & reliquorum subditorum desideriis consulturus. Ita enata *capitula Gerardi*, quæ vocant. Ea tamen non tulerunt ætatem, ac statim oblivioni tradita. Martino enim fato cedente anno 1285. jussu Honorii IV. qui in ipsius locum cooptatus fuerat, de tota re accuratius actum. Ejusdem igitur Gerardi opera rebus controversis plene perspectis, Ho-  
no-

norius capitula sua scripsit, quibus in alieno Regno veluti legislatorem agens cum Principatus injuria multa reliquis subditis, plura baronibus indulgit. Proinde Carolus II. veluti postliminio in Regnum e captivitate reversus Honorii constitutionem apud Neapolitanos obtinere vetuit, & in controversiis a Pontifice definitis veteres Regni leges servari jussit. Vide Jannon. *hisor. civil. libr. 21. c. 1.*

IV. Porro ut Andegavenfibus gratificaretur Honorius, quorum partes misere fovebat decessorum suorum exemplo, Neapolitanos tantum manentes in Caroli II. fide capitulorum suorum beneficio uti jussit; eorum participes Siculos esse vetuit, quamdiu sub Aragonensium potestate forent, neque bonam mentem induerent. Verum raro quidem exemplo accidit, ut Honorii capitula ob causas supra memoratas apud Nea-

Neapolitanos vim suam non exeruerint.

Contra eorundem pars longe maxima ,  
quæ baronum commoda complectebatur ,

& ipsius Principis auctoritate apud Si-  
culos confirmata fuit , & apud eos ad-

huc vim legis habet . Nimirum post  
Petri Aragoniæ , & Siciliæ Regis obi-

itum ex ejus testamento filio ipsius Ja-  
cobo cessit Siciliæ Regnum ann. 1286.

Is inter Reges Aragonenses primus Si-  
culis leges tulit , quibus pace , & no-

vo Principe uterentur . Cum vero per  
id temporis vis armorum penes baro-

nes potissimum esset , ad eorum animos  
arctius sibi conciliandos privilegia fer-

me omnia , quæ baronibus Neapolitanis  
per Honorium frustra concessa fuerant ,

ipsis indulgit . Ita factum , ut inter Ja-  
cobi capitula complura quidem occur-

rant , quæ iisdem verbis ex Honorii  
constitutione exscripta fuerunt . Ea de-

cem sunt numero præter propter , ac  
ple-

pleraque omnia baronum commoda complectuntur. Ex iis ad præsens argumentum pertinet capitulum *si aliquem*, eoque feudorum successio ultra præstitutos a Friderico limites producta fuit. Cum igitur ea potissimum lege feudalis successio apud Siculos regatur hodie, res ipsa flagitat, ut ipsamet ejus verba exhibeamus.

V. Ita igitur Jacobus *capit. 33.* Pontificem ad verbum exscribens. *Si aliquem a nostra Curia feuda tenentem in capite, vel etiam subfeudatarium, nullo herede legitimo per lineam descendente, sed fratre, seu ejus liberis superstitis, mori contingat, si feudum ipsum ab aliquo ex parentibus sibi, & fratri communibus, vel non communibus (postrema hæc tria verba in Honorii capitulo desunt, eaque intrusa in Jacobi legem fuisse infra liquebit) pervenerat ad defunctum, idem frater, aut ex liberis*



*beris suis usque ad trinepotem, ille, qui tempore mortis supererit defuncto proximior, in feudo succedat habiturus illud cum onere servitii consueti, ad successionem feudi omnibus personis feudatario, aut subfeudatario defuncto simili gradu conjunctis eodem ordine admittendis. Recte Petrus Jannonius ex Cavenfi codice eodem, non eorum legit; & miror ego Franciscum Testam grammaticam illum non vidisse, eorum grammaticæ regulis adversari, nec personis paulo ante positis respondere. In successione vero præmissa inter feudatarios, & subfeudatarios in eodem Regno Francorum jure viventes sexus, & primogenituræ prærogativa servetur, ut inter duos feudatario, & subfeudatario defuncto conjunctos fœminam masculus, & juniorem major natu præcedat, si ve sint masculi, si ve fœminæ concurrentes; nisi forte de duabus concurren-*

178 *Jus feud. Neap. ac Sic. L. II. T. XI.*  
*tibus esset primogenita maritata, & ju-*  
*nior remanserit in capillo. Tunc enim*  
*junior, quæ remanserit in capillo, pri-*  
*mogenitæ maritatæ in successione hu-*  
*jusmodi præferatur. Sed si, nulla re-*  
*manente in capillo, duæ, vel plures*  
*fuerint maritatæ, majori natu jus pri-*  
*mogenituræ servetur, ut alteram in di-*  
*cta successione præcedat; & hoc tam su-*  
*per feudis antiquis, & veteribus, quam*  
*feudis per nos, & heredes nostros per-*  
*sonis aliquibus concedendis, sicut præ-*  
*scribitur, de cetero præcipimus observa-*  
*ri, qualibet consuetudine, vel constitu-*  
*tione cessante.*

VI. Jam vero in jure feudali vel me-  
diocriter versati homines ex producta  
Jacobi lege facile intelligunt, eam post  
Friderici constitutionem *ut de succes-*  
*sionibus* alteram apud Siculos legem es-  
se, qua regi apud eos successionem o-  
porteat; inibi vero prædictam Frideri-  
ci

ei constitutionem partim confirmari, partim quoque obrogari. Confirmatur Friderici constitutio, quatenus in feuda de jure Longobardorum masculi omnes jubentur admitti. Confirmatur etiam, quatenus in feudis de jure Francorum sexus, & ætatis prærogativam servari placet. Confirmatur denique, quatenus in masculorum defectu in feudis Franci juris præfertur foemina natu major, nisi major natu fortasse cum dote matrimonio collocata fuerit. Verum ei obrogatur, quatenus successio e latere, quod ad fratrum præmortuorum liberos, latius extenditur. Nimirum, ut supra vidimus, ex prædicta Friderici lege tantum sororibus, fratribus, fratrumve liberis primi gradus feuda deferuntur. At in lege sua Jacobus, quod ad fratrum præmortuorum liberos, successionem in feuda post Honorium latius patere jubet. Ut enim ipsa ejus verba palam ostendunt,

dunt, ibi in feuda admittuntur non tantum præmortuorum fratrum liberi primi gradus, sed & nepotes, pronepotes, abnepotes etiam, &, quod ego addiderim, adnepotes. Ita cum Siculis liberalior ego fuerim, & in fratrum liberis ad septimum usque gradum successionem extenderim. Cum enim ii ad trinepotem usque jubeantur admitti, adnepotes trinepotes in cognatione præcedunt: adnepotes autem cum adavi fratre in septimo cognationis sunt gradu. Proinde haud absurde dixeris, doctores Siculos copia, & luxurie Jacobini privilegii obrutos civilium regularum amississe memoriam, ac septimum in eo gradum pro sexto computasse. Eis igitur indulgemus & septimum successorum gradum in fratris liberis passim omissum. Qua quidem in re scriptores Siculi cæcutiunt ferme omnes, qui adnepotes non computantes sex tantum gradus agnoscunt

scunt ad trinepotem usque. Instar omnium sit Cannerius ad *capit. si aliquem. fol. 242.* & alter ab illo Cumia ad *d. capit. v. trinepotem.* Ita vero post Honorium per Jacobum apud Siculos intra limites consuetudinum feudaliū res redacta fuit, ex quibus ad septimum usque gradum successio extenditur. Id tantum interest consuetudines feudales inter, & Jacobi capitulum, quod in eo tantum in fratris liberis ad septimum usque gradum successio produci jubetur.

VII. At vero quod ibidem Jacobus edicit, *ad successionem feudi omnibus personis feudatario, aut subfeudatario simili gradu conjunctis eodem ordine admittendis*, id necessario ob feudorum diversitatem cautum oportuit. Ea verba scilicet ad feuda de jure Longobardorum referri debent. In ea, quemadmodum supra vidimus, ex Friderici con-

stitutione masculi æque omnes admittebantur, seu de liberis, seu de cognatis e latere controversia foret. Igitur, in fratrum liberis producta successione, Jacobus, si plures ex fratrum liberis masculi forent eodem in gradu positi, eodem proximitatis ordine in persona unius observari solito successionem æque omnibus deferri jubet. Proinde si ex altero fratre præmortuo supersint nepotes, pronepotes ex altero, nepotes tantum æque omnes succedent. Hanc ego de jero sententiam legis esse. Eam ob rem pro causa publica per me bonis omnibus quiritare licet. Adeste hic ego jubeo jurisconsultos omnes, & ipsum cum tota *necyomantia* sua Forcatulum, ac si quis alius horum mysteriorum peritiam præstare queat; pipulo me per orbem literatum differant, si alia inde sententia possit extundi.

VIII. His igitur recte perpenſis, facile

cile est intelligere, controversias successorias apud Siculos duabus tantum legibus definiri oportere, nimirum aut primæva illa Friderici lege *in constit. ut de successioneibus*, aut Jacobi Aragonensis capitulo, quod enucleandum suscepimus. Ex Friderici constitutione, ut late ostendimus supra, in laterali linea successio fratribus tantum, fororibus, fratrumve liberis primi gradus patere potest. Ea generatim apud Siculos hodie vigere debet, nisi quatenus obrogatum quid ei fuerit prædicta Jacobi lege. Per hanc Siculis id tantum indultum, ut non solis fratrum filiis, sed & liberis omnibus fratre prognatis ad trinepotem usque successio deferatur. Ut tamen fratrum liberis successio pateat, Jacobi capitulum duo ponit veluti *extrema*, quæ vocant; primo scilicet, ut de successione in feuda fratris agatur; deinde ut cum fratris præmortui liberis masculis

quidem , & virili stirpe susceptis fit controversia . Si ea defint , suave illud Jacobi capitulum nil Siculis prodesse potest : ipsorum igitur controversias sine prædictis rerum adjunctis constitutione Friderici definiri oportebit . Ita sane siingas , in Sicilia obire quempiam , cui non fratris quidem , sed sororis filius superstes fuerit , feudum fisco defertur . Si singas adhuc , non fratrem quidem germanum , aut consanguineum , sed patruelem fato cedere , ad patruelem ob Friderici constitutionem feudum redire non potest .

IX. Ex dictis hætenus facile decerni potest de quorundam inter Siculos rabularum sententia clamitantium , per eam Jacobi legem quibuscumque cognatis in Sicilia feuda ab intestato deferri , licet in sexto gradu , prout ipsi in gradibus recensendis rationes ineunt , & ad trinepotem usque defuncto cognati defint .



sint . Ipsi inter Siculos accuratiores  
pragmatici ejus sententiæ absurditatem  
& agnoscunt, & averfantur . Nam fer-  
me omnes veluti ex compacto docent ,  
ne eos quidem , qui primo feudi quæ-  
sitore prognati fuerint , ad successionem  
admitti , si intra gradus non sint , ad  
quos usque Jacobi capitulum feuda de-  
ferri jubet . Instar omnium sint Canne-  
tius ad *capit. si aliquem . p. 242.* Cu-  
mia *ibid. voc. trinepotem . n. 9. & sequ.*  
ac , ne percenseam singulos , ipse Per-  
nus *consil. 21.* Recte igitur Camerarius  
noster Siculorum deliramenta isthæc *per-  
fidiam* appellavit *dialog. 2.* Atque hic  
opportunum fuerit advertere , eum id  
scripsisse , cum perduellionis jam reus  
adversus Carolum V. e Regno profugus  
in Gallia exulabat : ut proinde nulla  
causa produci possit , quæ sententias fisco  
favorabiles per id temporis ei extorque-  
ret . Sed & contraria fisco sententia  
ipsi

ipsi Mario Cutellio inter Siculos magis ingenuo bilem movit. Eam autem in Sicilia evaluisse narrat potissimum causidicorum opera, quia, ut ipse scribit, *omnes advocati ex precipuis feuda successoribus parare student, illaque irrevocabilia officere de donat. 2. spec. 22. n. 20.*

X. At vero sententia, quæ fisco addici jubebat eorum feuda, qui sine herede feudali decederent, post Jacobi capitulum non solum accuratiorum doctorum auctoritate in Sicilia stetit, sed exemplis etiam, & ipsis rebus judicatis confirmata fuit, ut ostendit eruditissimus Marchio Simonetta in consultatione sua ad Proregem Siciliae missa *de regress. feud. ad fisc. in Sicil.* Ibidem autem vir clarissimus recte monuit, abusum, quo apud Siculos inoleverat, ut quicumque cognati remotiores feuda specie successionis invaderent, ex statuto pro-

profectum esse, quod *continuans* in Sicilia dici solet. Nimirum precibus Alfonso a Siculis aditus eis inconsulte concessit, ut, sine liberis decedente barone, quisquis prima fronte, quoquo modo ostenderet, sibi feudi successionem patere, statim in possessionem induceretur; fiscus vero, si feudum ad se pertinere contenderet, iudicio rite instituto, jus suum experiretur *capit. 390.* Ita, fisci patronis ejus causam negligentibus, feuda apud heredes non feudales, qui nacti possessionem forent, pergebant esse. Id quidem a fisco damnum arcere studuit in Sicilia Ferdinandus *capit. 43.* Ibi enim Princeps statuto, quod *continuans* appellari diximus, Siculos uti iussit, modo ne de feudis controversia foret. Verum memoratus in Sicilia abusus altiores radices egerat. Proinde ne eo quidem Ferdinandi capitulo emendari potuit. Quapropter inter patronorum fisci

Sci conniventiam a pluribus ferme sæculis apud Siculos ob heredis feudalis defectum feuda ad fiscum nulla redierunt. His igitur accurate perpensis, recte felicissimus Ferdinandus, augustissimi in Regno senatus plena opinione prævia, pragmatica sanctione cavit anno 1788. *in Sicilia ex laterali linea in gradu feudali computari oportere personas tantum, quæ in capitulo si aliquem vocatæ forent; ad alios e latere cognatos successionem redire non posse, quamvis primo feudi quæsitore prognati dicerentur, si inter personas non essent in capitulo designatas.*

XI. Nondum hinc Siculi abire metuant: subsistere me adhuc hic adigunt eorum molimina egregie delira quidem, at publicæ causæ perniciofa. Nimirum verba illa Jacobi, *ad successionem feudi omnibus personis feudatario, aut subfeudatario simili gradu defuncto conjunctis eodem*

*dem ordine admittendis*, supra eo pertinere docuimus, ut, si in feudis de jure Longobardorum inter fratrum liberos ejusdem gradus plures concurrant, secundum proximitatis ordinem ad successionem æque omnes admitti debeant. Inde tamen ex doctoribus Siculis plerique omnes sententiam exculpunt longe diversam. Ii enim in ea sunt hæresi, ut ob prædicta verba non tantum fratris liberos admittendos putent, sed & generatim cognatos omnes, qui ad sextum, aut septimum usque gradum cum defuncto conjuncti fuerint. Proinde si scholæ feudali Siculæ fidem præstemus, cognatis omnibus ad sextum, aut potius ad septimum usque gradum successio feudorum patebit. Si igitur eos audieris, non tantum fratris liberi ad trinepotem, & filiæ ad trineptem usque, sed & patruus seu magnus, seu major, seu maximus, & qui ultra maximum est, admi-

mittetur . Idem intellige de patruelibus, sobrinis, atque aliis ad eundem usque gradum eis prognatis . Ad eandem rationem percense matrem , ejusque parentes , materteram , avunculum , ac generatim alios eodem in gradu matri conjunctos . Tempus absumere piget in omnibus percensendis , quos ex Siculorum sententia inter feudales heredes referri oporteret ; neque ego fastidium lectori creare velim singulis numerandis, qui ex eorum mente in feudorum successionem admittendi forent . Enimvero si intra prædictos gradus cognatis maternis, paternis, sursum, deorsum, dextrorsum, sinistrorsum e paterno, materno latere feuda deferri ponas, illicet, actum de fisco erit, neque usu umquam venire poterit, ut ei in Sicilia feuda deferantur . Quotus enim quisque erit fato cedentium, qui feudalem aliquem heredem ex Siculorum

sen-

sententia non sit relicturus? Sed & ea in re, ut a rerum Siciliensium peritis audio, adeo se faciles præstitere iudices, ut feuda ipsis conjugibus in cognatorum defectu ex edicto *unde vir*, & *uxor* adjudicarint. Ita directum feudorum dominium, absit verbo invidia, & hætenus apud Siculos Principi vix profuit, & porro vix profuturum videtur. Sed horret animus meminisse tot monstrosa in jure feudali deliramenta, & videre præstat, quam probabiliter isthæc Siculi doctores commenti fuerint.

XII. Ut igitur de controverso capituli commate accuratius decerni possit, adverti quidem oportet, illud ipsius Fredericianæ constitutionis veluti nucleum exhibere, ejusque, quod ad fratris defuncti liberos, temperamentum esse. Tria autem in eo capitulo proponuntur. Primo scilicet, quod ad fratris defuncti liberos, in alterius fratris obitu ad trinepotem usque

usque successio extenditur secundum proximitatis ordinem. Deinde, quia per id temporis apud Neapolitanos, ac Siculos feuda adhuc pleraque de jure Longobardorum erant, eo respectu edicatur, ut, seu unius, seu plurium præmortuorum fratrum liberi plures in eodem constituti gradu concurrerent, partem æque omnes & facerent, & acciperent. Denique, cum per idem temporis feuda quoque de jure Francorum in Sicilia multa forent, ibidem placuit, ut, si ejusdem fratris liberi plures essent, masculus natu major reliquis præferretur. In ea capituli parte, in qua de feudis Longobardici juris agitur, inter liberos diversi gradus, *qui supererit defuncto proximior*, jubetur admitti. Necessaria igitur consequentia statim additur, ut in multorum concursu, pluribus extantibus fratris, fratrumve præmortuorum liberis *simili gradu defuncto conjunctis, eodem ordine,*



*dine*, proximitatis scilicet, æque omnibus successio deferatur. Nugas autem agunt, qui nescio quid mysterii in verbis *simili gradu* se deprehendere jactitant, & fisci intentionem inde infringendam garriunt, quia *eodem gradu* ibi non dixit seu Honorius, seu Jacobus. Norunt enim grammaticorum filii, sexcenties Latinos pro *eodem* simile dictitasse. Aliunde recta scribendi ratio non patiebatur, *eodem* dici, cum mox in capitulo tribus post verbis *eodem* etiam sequeretur. Stet illud igitur, in capitulo vere Jacobino, & prout Siculi illud interpretantur, Principis Majestati contrario, tantum in fratrum præmortuorum liberis successionem produci; neque ego video, cur in mentem Siculis venire potuerit, ea lege cognatos quoslibet intra sextum, aut septimum gradum defuncto conjunctos ad successionem admitti. Id saltem ipsa capituli verba dici non patiuntur. Si

*Tom. II.*

N      enim

enim ea mens Honorii, aut Jacobi fuisset, opus quidem non erat, ut per tot ambages *ὀπισθίως* in fratre, ejusque liberis hypothese[m] ponerent: nam tribus verbis expedire se potuissent, cognatis intra septimum gradum generationis successione delata.

XIII. Porro ut nullus supersit ea de re dubitandi locus; rursus hic memoria repetendum, ejus capituli non Jacobum Regem, sed Honorium IV. auctorem fuisse; id ipsum in turbidis Regni Neapolitani rebus non propter Siculos, sed Neapolitanorum causa fuisse scriptum cum reliquis Honorii capitulis, quæ ejus constitutio exhibet; ejus capituli beneficio Pontificem uti vetuisse Siculos, quamdiu sub Aragonensium sacramento forent; Jacobum, ut gratificaretur Siculis ob fidem adversus Aragonenses, neu eos pœniteret, ab ipsis non descivisse, ejus capituli privilegium concess-

cessisse Siculis, atque ipsa verba Pontificis usurpasse; ita jussu Jacobi Regis eam legem in Sicilia tantum obtinuisset; quod ad Neapolitanos, eam respuisse Carolum II. licet ob Neapolitanos potissimum ab Honorio scripta foret. Quapropter mens Jacobi fuit, ut ejus capituli privilegio intra eosdem limites Siculi uterentur, intra quos Neapolitanos ipsos uti oportuisset, si ex mente Pontificis in Regno Neapolitano Carolus II. id adprobasset. Videamus igitur, quæ sententia Pontificis in eo Neapolitanis concedendo fuerit, & quam interpretationem apud nos habere oportuisset, si Caroli auctoritate apud Neapolitanos quoque receptum esset.

XIV. Ea in re primum omnium satis constat, plura quidem Honorium in constitutione sua contra jura fisci, & Majestatem Principis concessisse; Neapolitanis tamen, quod ad feudalem suc-

cessionem , non adeo liberalem se præstiffisse . Sane fi hoc Honorii capitulum cum fuccefforio Friderici edicto confe-  
ratur , aperte liquebit , a constitutione  
*ut de fucceffionibus* eum quam minime  
recaffiffe . Nam ipsis ferme verbis , ac  
fententiis capitulum fuum in re fuccef-  
foria fcribit Honorius ; in omnibus Fri-  
derici veluti paraphraften agit . In eo  
tantum constitutioni Fridericianæ ob-  
rogat , quod feuda deferri jubet non fo-  
lum , quod Friderico placuerat , fratris  
filiis primi gradus , fed & reliquis ejus  
liberis ad trinepotem ufque . Id non  
adeo fifco grave , cum raro contingat ,  
ut in cujufquam obitu fratris nepos ; ra-  
rius vero , ut pronepos , abnepos , &  
quod ferme impoffibile , adnepos inve-  
niatur . Poftrema hæc enim exempla ne-  
mo fortaffe meminerit , & in Regno  
Neapolitano unus Marchio Citus pro-  
duci poteft , qui centum ferme annos  
na-

natus abnepotem ex fratre vidit. Honorium vero in feudali successione se non facile præstitisse, multo magis constabit, si conferatur in eadem ipsius constitutione capitulum *si vero feudum*. Ibi enim vetat, ipsos fratris filios primi gradus ad successionem admitti, si ab ipso patruo primum quæsitum sit feudum. Sic enim ibi Honorius statim post *capit. si aliquem. Si vero feudum inceperat a defuncto, tunc solus defuncti frater in eo succedat, nisi lex concessionis in præmissis aliud induxisset*. Viderint igitur Siculi, num genuina videri debeant verba in capitulo illa *sive non communibus*, an per fraudem potius in illud irreperint. Sed eam in rem infra erit inquirendi locus. Quod in præsentis instat, agamus.

XV. His ita præstitutis, si in prædicta Honorii constitutione ipsi fratris filio apud Neapolitanos successio denegata

N 3

fuit,

fuit, ubi a fratre primum feudum quaesitum esset, neque eo respectu Pontifex a Friderici constitutione recessit *in capite. si vero feudum*, qua fronte quispian nobis velit obtrudere, in proximo ejusdem constitutionis capitulo *si aliquem* eundem Honorium sibimet ferme contrarium indulgisse monstrosum illud in jure feudali privilegium, quo intra septimum gradum constitutis generatim feuda deferrentur sursum, deorsum, sinistrorsum, dextrorsum; & quoquo ex latere cognatus quis foret? Audacter dixerim, aut nos fallunt hermeneuticæ regulæ, aut doctores Siculi destinato consilio mentiuntur. Cuivis enim, qui sensu communi polleat, intelligere licet, in prædicto capitulo non gradus quidem, sed certas tantum personas feudis capiundis enumerari. Hæc autem ego perpendens satis decernere nequeo, an compos mentis cum Siculis suis

fuis Cumia fuerit hæc evomens ad capit. si aliquem. Sic non solum minores transversales agnati ad majorum transversalium successionem admittuntur, sed e contra majores ad minorum successionem aspirant. Siquidem hæc litera capituli si aliquem gradus, & non tantum personas enumerat. Et ita hunc textum nostrates interpretantur Gvilelmus de Perno, Blasus Lancea, & Joannes Aloysius de Septimo. Ei tamen in eo juris articulo regeo, quod de productis heroibus in hoc ipso argumento scripsit Marius Cutellius & ipse inter doctores Siculos doctior, & magis ingenuus de donation. tract.2. diss.1. spec. 22. Quomodo credamus Lanceæ, Septimo, Cannetio, qui omnes feuda ad posterios trasmiserunt? Sed quod ad Gvilelmum de Perno, ne bona quidem fide Cumia agit. Pernus quidem ad capit. si aliquem communi Siculorum seu

imperitia, seu fraude abreptus comma  
 ejus legis, *personis omnibus simili gra-  
 du defuncto conjunctis eodem ordine ad-  
 mittendis*, ita ab initio interpretatur,  
 ut omnes in septimo gradu cognatos ad-  
 mittendos putet; ibidem tamen, ipsa  
 feudali jurisprudentia in consilium ad-  
 vocata, ipsemet aliter rationes init. Sic  
 enim addit. *Occurrit tertius intellectus,*  
*qui mihi noviter occurrit legendo, tex-*  
*tum hunc loqui, quando plures sint de*  
*his personis propositis, scilicet fratre,*  
*& liberis, qui sunt defuncto conjuncti*  
*pari gradu, & determinari, quod ii pa-*  
*riter admittantur, in feudis scilicet Lon-*  
*gobardici juris, nisi inter viventes ju-*  
*re Francorum.* Vides igitur, ipsos scri-  
 ptores Siculos, qui paulo meliori fide  
 rem perpenderunt, popularium suorum  
 sententiam improbare.

XVI. Haftenus expositis recte per-  
 pensis, ego non video, cur in re suc-  
 cess-



cessoria adeo sibi Siculi blandiantur, quasi successionis feudalis respectu præ Neapolitanis melior sit ipsorum conditio. Siquidem ob nova privilegia Neapolitanis concessa quarundam personarum respectu vel ad quintum usque gradum apud nos successio patet, & non solum sororum filiis feuda deferuntur, sed & patruelibus, & amitinis, & quod supra latius exequuti sumus, ipsi patruo, & amitæ. Eæ autem personæ novis privilegiis apud Neapolitanos admittæ in Sicilia excluduntur. Nam sororis quidem filius, patruus, amita, cum de iis in Jacobi capitulo mentio nusquam injiciatur, ex Friderici constitutione hodie apud Siculos excludi debent. Enimvero, quod ad patrum, amitam, doctores Siculi ferme omnes existimarunt, eos a feudorum successionem arceri non oportere. Eam absurditatem potissimum ii tuentur Jacobi sui  
ca-

capitulo . Verum si inde patruus , amita admittantur , indidem admittendi forent & patruus magnus , & major , & maximus , & qui ultra maximum esset . Id autem qua fronte pertendi possit , satis desipere nequeo . Sed quoniam is juris articulus maximas excivit turbas , ac de successione patruus , amitæ , quod ad Siciliae feuda , propediem in augustissimo Regni Senatu potissimum decerni debet , ea de re sine ira , & studio , quorum causas procul habeo , meam & ipse sententiam in antecessum hic dicam . Tota autem controversia eo redit , an in feudis successio seu vere retrograda in persona parentum , seu quasi retrograda in patruo , amita , aliisve , qui parentum loco dicuntur esse , sit admittenda . Ut autem apte destinata componam , ea de re primo jus feudale commune , deinde Siculum paucis enarrabo .

XVII. Quod ad successionem vere retrogradam, eam jus feudale commune omnino rejicit ob causas, quas enarravi *libr. 2. tit. 5. §. 9.* Hinc consuetudinum feudalium collector edicit *libr. 2. tit. 50. Successionis feudalis talis est natura, quod ascendentes non succedunt, verbi gratia pater filio.* Quod ad successionem quasi retrogradam, Lotharius quidem I. tantum patruo feuda deferri jussit *consuet. feud. 1. 19.* Ea tamen Lotharii constitutio abnormis est visa, & feudorum instituto contraria. Proinde eam Conradus II. abrogandam censuit, eique minus monstrosum visum, fratribus feuda deferri, modo a communi parente ea profecta forent, ut liquet ex ipsa constitutione Conradi apud Cujac. *libr. 5. de feud.* Vide, quæ supra monuimus *loc. cit. §. 10.* Haud ego quidem ignoro, consuetudinum feudalium collectorem pluries enarrare, in  
Ita-

Italia Transiberina ex constitutione Lotharii ad patrum redire feuda . Inde tamen ad summum inferre licet , jurisconsultos Mediolanenses inter Principum ab Italia absentiam eorum in re successoria constitutiones susque deque habuisse ; ita vero in legum fraudem veluti ex compacto successionem detulisse patruo . Quam male ea in re periti illi versati fuerint , vel inde liquet , quod non solum contra Conradi constitutionem , sed & contra Lotharii legem in laterali linea non tantum ad septimum usque gradum , sed & in infinitum extenderunt feudorum successionem . Stet illud igitur , inspecto jure communi feudali non illo cerebroso quidem , ac per Mediolanensium jurisconsultorum abusum invento , sed Principum legibus constituto , neque vere retrogradam , neque quasi retrogradam successionem in feudis admitti oportet

portere. Sed videamus, an Sicularum jure primævo ea possit admitti; primævo inquam, quod constitutio Frederici complectitur: qua quidem, ut sæpe monui, de feudis apud Siculos controversiæ & hodie definiri debent, modo ne qua in re per Jacobi capitulum ei sit obrogatum.

XVIII. Alibi ostendimus, per constitutionem *ut de successionibus* non minus parentes, quam eos etiam a feudis exclusos fuisse, qui loco parentum dicuntur esse. Ex ea igitur neque patruo, neque amitæ, multo minus materteræ, aut avunculo feuda deferri possunt: novis tantum Principum privilegiis patruo, amitæ apud Neapolitanos successio patet. Vide *libr. 2. tit. 10.* Supra quoque evicisse videmur, a prædicta Frederici constitutione in eo tantum recessisse Jacobi capitulum, quod in eo non solis fratrum filiis primi gradus, sed &  
re-

reliquis eorum liberis ad trinepotem usque feuda deferuntur. Ita supervacuum fuerit, nos enixius hic adlaborare, ut ostendatur, ex ipso Jacobi capitulo patruum in Sicilia excludi oportere. Secus quidem scriptitant doctores. Siculi plerique omnes: quæ tamen producant pro sua tuenda sententia, & prorsus inepta sunt, & ea facile redargueris. In iis igitur confutandis operam abuti piget: adeo inficeta, adeo sunt infulsa. Enimvero a me impetrare non possum, quin ex Sardis illis venalibus aliquem ex præcipuis præsentem hic sistam, ut pernoscat, quam futilibus argumentis jus successione in patruo statuere fatagant.

XIX. Prodeat in scenam igitur sui ludibrium lectori præbiturus gloriosus ille Thraso inter pragmaticos Sicilienes Cumia ad *capit. si aliquem. fol. 162.* Ibi sic infit inficetus homo. *Sic non solum*

*lum* minores transversales agnati ad majorum collateralium successionem admittuntur, sed e contra majores ad minorum successionem aspirant; siquidem hæc litera capituli si aliquem gradus, & non tantum personas enumerat. Et ita hunc textum communiter interpretantur Gvilelmus de Perno, Blasus Lancea, Aloysius de Septimo. Ecce tibi ejus sententiæ triumviri tuitores. Sed & Gvilelmus ille de Perno melioris fortasse fidei in Jacobi capitulo interpretando fuit incertus, & ut supra monui, verba illa capituli, quibus Siculi triumphant, & sibi plaudunt, potius de specie intelligenda censuit, in qua simili gradu conjuncti æque succedunt in feudum de jure Longobardorum. Id ipsum tamen tantisper obliviscamur, & ipsum Gvilelmi de Perno locum hic excribamus, ut de rationibus ab ipso productis decerni possit. Is igitur ad idem capitulum, admissa  
ad

ad successionem patruo, pro eo hæc argumenta corradit, quanti ponderis, si sapias lector, ipse definies. Patruo igitur admisso, subdit. *Et moveor, quia hoc primo benignius est; secundo, ut addat casibus præcedentibus e contra; tertio, quia dicit omnibus personis; quarto, quia dicit simili gradu; ergo cum illo eodem præcedenti; quinto, quia ratio est, ut, ubi idem gradus, æqualitas servetur inter eos. Et quod dicit eodem ordine, expone scilicet, desursum deorsum, & deorsum sursum, & maxime quia sicut nepos succedit patruo, ita æque patruus nepoti. Et æquum est, ut succedat secundum Andream de Ifernica, qui allegat bonas rationes, & hoc in constit. ut de successionibus. Euge, rationes optimæ. Sed quis videret, nihil solidi hic proferri. Nam quæ ille veluti per saturam cumulat, sine jactu pulveris facile refelli possunt, si memoria repe-*  
tan-



tantur , quæ ad rectam ipsius capituli intelligentiam superius commentati sumus . Ne quis tamen hæsitabundus animi pendeat ob *bonas* illas *rationes* , quas in Andrea de Ifernia admiratur Pernus , videamus , quæ sint argumenta ipsius Iferniæ , & an a sententia dimovere nos possint .

XX. Quod igitur ad *bonas* Iferniæ pro patruo *rationes* , is quidem ad *cap. Imperator Lotharius. n.2.* argumentis non pœnitendis primo patrum prorsus excludit ; mox tamen eorum oblitus causam patrui tuendam suscipit . Ecce tibi *bonas* ejus *rationes* . *Ista* , inquit , *non valent* , *neque pondus habent* , *primo quia ista est lex Imperatoris Lotharii* , *qui est dominus mundi* . *Saltem* , *sicut rationabilia dicta* , *deberent servari* , *etiamsi non essent leges Imperatoris* . *Hoc autem est valde rationabile* , *ut patruus nepoti succedat* , *sicut nepos patruo propter æqua-*  
*Tom.II. O li-*

*litatem servandam, & ut non sit invidia . . . . Prædicta quoque constitutio ut de successione non tam enumerat personas, quam gradus in collaterali, usque ad quas scilicet licet succedere, quod patet in versu, in ulteriori autem gradu positus. Unde in omnibus personis, quæ existunt inter illos gradus permixtos, habebit locum successio, quasi omnes personæ inter illos gradus existentes sint expressim nominatæ. Eodem ferme recidunt, quæ in eandem sententiam garrit Afflictus ad id. cap. n. 43. Sed primum illud ineptum est prorsus, neque dignum, quod confutetur: alterum, quo asseritur, in Friderici constitutione gradus, non personas enumerari, vel ipsis verbis Friderici refellitur. Contrariam autem fisco sententiam feudalis tota ferme Neapolitana schola absurdam semper existimavit. Instar omnium fit. Rovitus ad *pragm. 4. de feud.**

*feud. n. 8.* Ibi enim is primo ostendit, in Friderici constitutione non gradus quidem, sed personas enumerari. Deinde receptam fuisse apud Neapolitanos sententiam, per constitutionem patrum admitti non potuisse; ei feuda apud nos tandem deferri coepisse per privilegium Regni baronibus concessum a Ferdinando Catholico ann. 1507. confirmatum quoque per Carolum V. ann. 1532. Sed totam rem nemo inter pragmaticos Ursillo doctius, & accuratius exponit *de success. feudal. p. 2. quest. 7. artic. 3. pag. 755.* Sic enim ibi. *Non est verum, constitutionem ut de successionibus non tam considerare personas, quam gradus: imo contra, quod evidenter probatur ratione, & Regni decisione. Ratione, nam consilium Andreae procederet, si prius Imperator in d. constit. gradum collateralium vocasset, vel ex eo filios fratrum vocasset, quia in*

tertio gradu essent. Sed nihil horum fecit Imperator, sed filios fratris, eosque in locum patris vocavit. Unde, quod post subjecit, in ulteriori autem gradu positos, intelligi, & restringi secundum dictum speciale præcedens, scilicet ut transversales descendentes ultra tertium constituti gradum non succedant. Decisione probatur, illa scilicet Ferdinandi I. qui amitam in tertio gradu constitutam exclusit, ut refert Bottis ad constit. ut de successionibus. Vides igitur æque lector, quam bonæ rationes sint illæ, quas ad firmandam sententiam suam ex Ifernia mutuatur Pernus, quamvis & eam ipse deseruerit, ut liquet ex ejus loco supra producto.

XXI. At nondum hic finis, &, quæ pro Siculis addam, supersunt adhuc ob Caroli V. privilegium in capit. 258. Inde enim passim inferri video, jussu etiam Caroli V. non tantum patrum, ami-

amitam , sed & generatim cognatos omnes sexto gradu defuncto conjunctos in feudorum successionem admitti oportere . Ut igitur fide quam optima cum Siculis agatur , ejus privilegii occasionem exhibere lubet . Ita enim accuratius decerni poterit , an eo sententiam suam tueri queant . Tota res igitur ita se habuit . Inter patronorum fisci negligentiam per ætatem Caroli V. apud Siculos cognati omnes intra sextum gradum , & ultra in feuda succedebant . Præterea , ut infra latius differemus , ob illa capituli Jacobini verba *sive non communibus* cognati materni quoque in feuda paterna admittebantur . Ita in cognatorum maternorum , paternorumque concursu cognati materni proximiores paternis gradu remotioribus præferebantur , quamvis hi ex primo feudi quæsitore descenderent . Id sane injurium , eaque causa fuit , cur Siculi precibus Carolum V.

interpellarent ejus absurditatis emendandæ gratia. Proinde Imperatorem precibus adeuntes aiunt, apud ipsos ob Jacobi capitulum ad sextum usque gradum in feuda succedi nullo discrimine, seu paterni, seu materni cognati forent. In ea rei positione ab Imperatore petunt, ut in feudo paterno cognatus paternus remotior præferretur cognato materno proximiori, quoquo gradu cognatus paternus a defuncto distaret. Eorum desideriis indulgens Imperator id baronibus concessit. Inde Siculi doctores inferunt, eo quoque Caroli V. privilegio placuisse, ut apud ipsos successio non solum ad patrum, amitam, sed & ad sextum usque gradum generatim extenderetur. Videamus igitur, an revera Imperator per eam legem apud Siculos successionem ad sextum gradum usque produxerit.

XXII. Eo ut perveniamus, quod supra

pra monuimus, rursus hic advertendum, privilegia Principum non ex libello supplici, & petentium precibus, sed ex ipsorum rescriptis interpretationem suam accipere. Ita sane in supplicibus libellis per Neapolitanos sæpius postulatum, ut apud ipsos exempli gratia ad quartum usque gradum successio extenderetur; si in rescripto Princeps feudum patrueli deferri jufferit, inde non debet inferri, in quarto gradu cognationis positos generatim admissos. Præterea advertendum & illud, in rescribendo Principes negligentius plerumque agere, præsertim si nullum fisco detrimentum immineat, ut in præsentī specie, in qua non cum fisco quidem, sed de controversia inter privatos tantum enasci solita agebatur. His ita se habentibus, juxta desideria Siculorum cognatum paternum, & ex latere feudi defuncto conjunctum cognato materno licet proximiori Imperator

preferri jubet. Ea petitio in libello supplici principem locum habet; non oportebat in rescripto Imperatorem falsitatis arguere Siculorum positionem, qua dicebatur, ad sextum usque gradum apud ipsos in feuda succedi. Positio isthæc intra legum limites relinquebatur, neque ab ejusmodi assertionem a Principe expressim non confirmata jus ullum enasci poterat. Proinde si adrependo Principi falsum in libello exposuere Siculi, non video, quomodo ex eo privilegio possit inferri, successionem apud ipsos aut ad patrum, aut ad sextum usque gradum fuisse productam. Multo autem minus Siculorum causæ prodesse queat Regis Friderici privilegium *in capit. constitutionem*. 30. Ibi enim, quod ad personas quidem, Jacobi privilegium non extenditur: per eam constitutionem Siculis ad summum concessum, ut prædicta Jacobi lex non tantum in feudis an-



antiquis, sed in novis etiam vim suam  
exerat.

XXIII. At nondum hinc abire me si-  
nunt privilegia Siculorum. Eis scilicet  
insedit animo opinio plurium sæculo-  
rum abusu firmata, ex capitulo scilicet  
*si aliquem* ad trinepotem usque apud  
eos feuda deferri, licet frater, eorum-  
ve liberi per eum parentem defuncto  
conjuncti non fuerint, unde profectum  
sit feudum. In ea sententia triumphare  
se putant ob illa prædicti privilegii ver-  
ba: *si feudum ipsum ab aliquo ex pa-*  
*rentibus sibi, & fratri communibus,*  
*vel non communibus pervenerit ad de-*  
*functum; idem frater, aut ex liberis*  
*suis usque ad trinepotem ille, qui tem-*  
*pore mortis supererit defuncto proximior,*  
*in feudo succedat.* Sane si verba illa  
*vel non communibus* genuina sint, edi-  
cto uti possidetis barones in Sicilia tue-  
ri se possunt, & frater, ejusve liberi  
in

in feudo præferri debent, licet ex communi parente id profectum haud fuerit. Verum si ostendatur, verba isthæc per dolum fuisse supposita, iisque capitulo fucum fuisse factum, in feudo, quod ex parente communi non pervenerit ad defunctum, fiscum præferri oportebit.

XXIV. Enimvero controversa verba in Jacobi legem per fraudem irrepisse, duo potissimum argumenta probant. Primum ex ipsa Honorii constitutione haurire licet, unde, ut supra monuimus, capitulum *si aliquem*, ut & plura alia, ipsis verbis per Jacobum fuit excriptum. Nimirum, ut supra vidimus, in extendenda feudali successione Honorius non adeo liberalem se præstitit, eo tantum excepto, quod in fratrum liberis eam produxit ad trinepotem usque. Id apprime ostendit ejusdem constitutionis capitulum *si vero feudum*; quod statim subditur *cap. si aliquem*. Ibi enim in feu-

feudo novo fratrem tantum licet contra Friderici legem admitti jubet; liberos prorsus excludit. Verum in privilegiis concedendis æquum videbatur, ut feudum novum virtute; aut pecunia defuncti quæsitum fratris liberis deferretur, præsertim si frater *ὁμοπατριος* fuisset, seu eodem patre prognatus. Id ipsum tamen indulgendum non censuit Pontifex, quia juris communis, & Neapolitani regulis palam adversabatur. Quis igitur sibi persuaferit, in mentem venire Jacobo potuisse, ut contra Friderici legem, feudum non profectum a parente communi, neque fratris opera, pecuniave quæsitum ad fratris liberos, & ad trinepotem usque rediret? Id si in animum induxisset Jacobus, adversus Siculos fuisset ipse liberalior, quam adversus Neapolitanos fuerat Honorius. Atqui in adoptanda Pontificis constitutione præ Pontifice Siculis

lis minus liberalem Jacobus se præstitit. Licet enim plura capitula ex Honorii constitutione apud Siculos obtinere jussisset, capitulum tamen *si vera feudum* omnino rejecit, in quo, ut vidimus, feudum novum fratri deferri jubebatur. Constat igitur verba illa *capit. si aliquem, sive non communibus*, per dolum fuisse supposita, ac baronum fraude fuisse conficta.

XXV. Alterum, quod ea in re palmarium ego putarim, ejus suppositionis argumentum primus produxit vir clarissimus Marchio Simonetta numquam sine laude nominandus. Is scilicet, quæ juris feudalis scientia pollet, sibi persuadere non poterat, Jacobum Regem, capitulo *si aliquem* ex Honorii constitutione *κατὰ πρῶτα* excripto, tribus additis verbis, fisci rationes pessumdare voluisse ea concedendo, quæ & juri feudali primævo adversabantur, neque Ho-


no.

norius ipse privilegiorum prodigus Neapolitanis ausus fuerat in constitutione sua concedere. Ita vir doctissimus de fraude suspectans impensius dubitare coepit, an controversa verba genuina forent. Eam ob rem, pluribus capitulorum editionibus conquisitis, comperit, omnium primam fuisse illam, quæ sub ductu Petri Appuli Messanensis absoluta fuerat anno 1495. Ejus tamen vix duo, aut tria exempla in Sicilia extare credebantur; ita ab initio frustra expetita. Male tandem baronum Sicilensium fato ejus quoque editionis exemplum tineis, ac blattis marcescens ei delatum. Ibi & ejusdem Appuli *proœmium*, & *gratulatio peracti operis* viscebatur. In gratulatione peracti operis subsistens advertit, ibi Appulum enarrare, reliquos quidem capitulorum libros se plurium codicum collatione emendasse; quod tamen ad primum librum,

brum , in quo præsens capitulum continetur , ejus exempla frustra conquiſiſſe ; eum igitur excripſiſſe totum ex codice a barone Afari ſibi tradito . Audi ea de re ipſum Appulum , cujus procermium , & gratulationem typis mandavit Carolus Pecchia *tom. 3. poſt pag. 328. Cum tria quiſque volumina liber contineat , nolo vos præterire , primum unius dumtaxat auctoritate codicis vetuſtiſſimi , quem ſtudioſus baro Afari nobis commodavit , conſectum eſſe .* Habes candide lector omnes rei geſtæ poſitiones , quibus ſane ſine partium ſtudio perpenſis , quovis pignore certare licet , verba in capitulo illa , *vel non communibus* , in fiſci fraudem fuiſſe ſuppoſita , atque ea avum , proavum , aliumve ejusdem baronis ſuperiorem parentem in Jacobi privilegium intrudi curaviſſe . Res in dolo manifeſtario cubat , & mirari ego non deſino , cur fraus iſthæc nemi-

ni

ni hætenus suboluerit. Ita per plura sæcula per magistratum seu imperitiam, seu conniventiam cum fisci fraude, ac pessimo publico fortunæ privatorum aucta; neque alias patuit, nusquam impuniùs grassari fraudulentos homines, quam in publica causa prodenda.



T I T U L U S XII.

*De feudorum refutatione.*

**I**N consuetudinibus feudalibus feudum refutare dicitur, qui illud renunciat. Scriptores enim sequioris ævi refutare pro renunciare sexcenties usurpaverunt, ut ostendit Ducangius in *voc. refutare*. Existimarim tamen, ab initio personam potius directi domini refutam, eumque exemplo refutati iudicis refutari dictum, promisso servitio denec.

negato. Verum cum directus dominus refutari non posset, nisi ei feudum renunciatum esset, non ipse dominus, sed feudum refutari mox dici cœpit. Sane in charta Henrici II. apud Cujacium *feudor. libr. 2. tit. 14.* vassallus dicitur *unum ex dominis refutare*, ei rata feudi resignata. Utcumque id fuerit, in jure feudali communi duplex occurrit feudi refutatio, prout vel directo domino, vel agnato proximo, remoto, aut extraneo etiam ea fiat. Cuicumque facta ponatur, per refutationem contingit præmatura successio. Hinc eam pragmatici *successionem præventivam* appellant. Id inde manat, quod feudum, perinde atque allodia, in rei feudalis universitate consistit. Feudo igitur refutato, in juris universitatem refutatarius succedit exemplo heredis, ac feudi refutati respectu ipsius refutantis personam induit. Proinde ipsum hujus  
li-



libri argumentum flagitat, ut utramque refutationis speciem paucis enarremus.

II. Primo igitur ex jure feudali communi feudum ipsi domino refutari potest, neque volenti tantum, sed invito quoque. Feudum enim beneficii rationem habet, & cuique licere debet, beneficio renunciare pro lubitu. Neque vero eam ob rem quidquam dominus detrimenti subit, cum sexcenti non desint, qui feudo refutato potiri velint. Nec recte quidam in contrariam sententiam argumentum ab emphyteusi desumunt. Quidni enim ab usufructu potius argumentum petatur, qui pro usufructuarii arbitrio proprietario cedi potest? Id tantum admiserim, refutationem in tempestivam esse non oportere, veluti si belli tempore feudum refutare quis coeplet.

Conf. Rosental. c. 9. membr. 1. conclus. 50. At vero perperam plerique docuerunt, ex jure feudali communi sine

*Tjm. II.*

P.

agna.

agnatorum assensu feudum domino refutari non posse. Quæ enim ex consuetudinibus feudalibus in eam sententiam fragmenta trahunt, refutationem extraneo, non vero domino factam exhibent. Igitur ne eorum quidem sententia admittenda, qui feuda antiqua inter, & nova interesse statuunt; in antiquis autem sine agnatorum assensu refutationem ratam haberi non oportere. Ejus enim differentia nec volam, nec vestigium invenire in jure feudali licet. Conf. Cujac. *de feud. libr. 2. c. 14.* Sed in his diutius immorari piget: nam, prout sunt res hodie, vix quisquam directo domino feudum refutat.

III. Inspecto jure communi feudali, extraneo etiam, & ab agnatione prorsus alieno feudum refutari potest. Si tamen factum id fuerit, modo de feudis antiquis, & paternis agatur, non solum directi domini, sed & agnatorum  
con-

consensus in refutatione requiritur. Ea enim in specie agnatis contra investituræ legem spes feudi potiundi præripitur. Audi ea de re collectorem *consuet. feud. 2. 39. Alienatio feudi paterni non valet etiam domini voluntate, nisi agnatis consentientibus, ad quos beneficium quandoque sit reversurum.* Si igitur in refutatione neglectus sit agnatorum assensus, qui proximus gradu erit, saltem post refutantis obitum a tertio possessore feudum revocare poterit, ne pretio quidem restituto, si fortasse pretium in refutatione intercefferit. Id ipsum tamen intellige, modo ne agnatus ille proximior refutantis hereditatem agnoverit *consuet. feud. 2. 45.* At vero si solo agnatorum assensu sine consensu directi domini feudum refutetur extraneo, res in causam commissi cadit. Ea igitur in specie, ut generatim alias sine concedentis assensu feudorum alienatio-

228 *Jus feud. Neap. ac Sic. L. II. T. XII.*  
ne facta, feudum refutatum ad concedentem redibit *consuet. feud. 2. § 2.* Sed isthæc delibasse sufficiat. Vix enim invenias, qui in animum inducat feudum extraneo refutare. Præstat igitur, refutationem agnatis fieri solitam, & apud nos frequentissimam paucis enarrare.

IV. Jure communi feudali novi quidem feudi refutatio sine domini assensu tantum liberis fieri potest. Quod tamen ad antiqua feuda, ea in agnatos quoslibet per refutationem transferri possunt, seu proximo, seu remotiori feudum refutetur. Consistet igitur refutatio, licet, neglecto proximo, remotiori fiat *consuet. feud. 2. 26. §. Titius filios*. Indidem autem constat, ratam haberi refutationem remotiori factam, licet directi domini desit assensus. Neque adversus eum id injurium videri debet. Ex regulis scilicet consuetudinum feudalium feudum concessum intelligitur omnibus, qui

qui primo ejus quæsitore prognati fuerint : concedentis autem non interest , num quis proximior , an remotior feudo potiatur . Vide Rosental. *c.9. membr.1. conclus. 52.* Enimvero ipsorum agnatorum respectu longe interest , num proximo , an remotiori refutatum sit feudum . In hac enim postrema specie , si sine proximioris assensu facta sit refutatio , post refutantis obitum ab agnato proximiori feudum vindicari potest . Audi tota de re collectorem ipsum *consuet. feud. libr. 2. tit. 26. Titius filios masculos non habens partem suam feudi Sejo partem ejusdem feudi possidenti agnato suo concessit . Sempronius proximior agnatus , mortuo demum Titio , partem illius feudi , nullo dato pretio , recuperare potest .* Sed , his ex jure communi delibatis , videamus , quibus legibus apud Neapolitanos refutationem feudorum admitti placuerit .

V. In Regno Neapolitano iisdem ferme regulis in jure Feudali præstitutis feudorum refutatio recepta fuit. Cum apud nos tamen feudorum alienatio severius sit interdicta per Friderici II. legem *in constitut. constitutionem divæ memoriæ*, ea sine assensu Principis expresso non tantum extraneis, sed ne agnatis quidem remotioribus fieri potest. Ex patriis igitur institutis proximo successor tantum feudum refutare licet. Cum vero, ut supra monuimus, præmatura quædam successio sit refutatio, in ea peragenda ea ferme omnia refutator servare debet, quibus alias adiguntur barones, si de feudis in testamento stuant. Proinde si de jure Francorum sit feudum, id tantum natu majori refutari potest. Sin. de jure Longobardorum fortasse fuerit, modo ne & ipsum sit individuum, virilis sexus seu liberis, seu agnatis æque omnibus refutari oportebit.

bit. Quod tamen diximus, ad proximum successorem in refutatione feudum redire oportere, eam positionem ulterius etiam extenderim ex *pragmat. 38. de feud.* Ibi scilicet baronibus concessum, ut masculis carentes ipsam foeminam se progeneratam in testamento a feudis possent arcere, atque ea legare masculo, qui in defectu foeminæ proximus successor esset. Cum igitur, qui per refutationem de feudo statuit, in illud veluti ultimum componat arbitrium, & ipsa refutatio, veluti festinatam successionem continens, a testamento vix differat, exploratum videtur, omissa proximiori foemina, in masculum ab ea proximum per refutationem quoque feudum transferri posse. Id autem eo magis admiserim, quia in prædicta specie baronibus conceditur de feudis statuere pro proximiori post foeminam masculo non testamento tantum,

sed per contractus etiam *in pragmat.* 33.  
*de feud.*

VI. Porro licet recepti Regni mores proximo successori sine assensu Principis feuda refutari sinant, id ipsum tamen intellige, modo ne pactis adjectis gravata sit refutatio, & *pactionata* ea sit, quam appellant. Ea enim in specie consistere quidem haud potest, nisi Regis assensu expressim firmata fuerit. *Pactionata* autem refutatio erit, si pacta ei adjiciantur, quæ ipsum feudum afficiant, & jus in feudum ipsum aut refutanti, aut tertio pariant. Ita quidem *pactionata* refutatio videri debet, si refutanti reservatus sit usufructus, eive quid annuum promissum fuerit, feudo ipso hypothecæ supposito. Nam non minus jure feudali communi, quam patrio ut refutatio valeat proximo successoris facta, oportet, ut ea pure, & absolute fiat, ac refutans ipse se veluti  
de



de medio tollat, omni jure in feudum abdicato. Vide Camerar. ad *c. Imperialem. chart. 31. l. G. & Rovit. ad pragm. 4. de feud. n. 8. & sequ.* Ipsa igitur feudi administratio in refutatorium libera transferri debet. Proinde & tacite emancipatus filius intelligitur, ubi ei refutatum sit feudum. Enimvero cum pacta conventa jus civile servari jubeat, si, hypotheca in feudum non constituta, quid sibi annum stipuletur refutans, & refutatarius obligabitur, neque refutatio corruet, licet ipsius feudi fructus promissi fuerint. Feudi enim fructus inter allodialia referri debent, neque ea promissio jus in feudum ipsum constituit. Conf. de Marin. ad *Reverter. decis. 550. & l. 81. ff. de contrab. empt.*

VII. Non minus jure feudali communi, quam patrio in feuda diverse succeditur, prout diversum sit feudum  
ipsum,

ipsum, ac prout seu novum, seu antiquum, aut paternum id fuerit. Dubium igitur videri queat, num feudum filiis refutatum paterni, & antiqui, an novi feudi jure cenferi debeat. Secundum consuetudines feudales controversia isthæc ex pactis cum ipso domino in refutatione initis definiri debet. In dubio tamen feudum filiis refutatum jure feudi paterni, & antiqui cenferi placuit *consuet. feud. 2. 14.* Enimvero in Regno Neapolitano pertendebant olim fisci patroni, ipsi filio feudum refutatum jure novi feudi cenferi oportere. Cum tamen id durius videretur, precibus Carolus V. a baronibus interpellatus eis indulgit, ut in ejusmodi specie antiqua, seu paterna post refutationem feuda cenferentur, tamquam si non per refutationem, sed per patris obitum refutataris successisset *pragm. 14. de feud.* At verò ipsis liberis refutatione facta, ea nullum  
fisco

fisco detrimentum afferre debet. Quapropter relevium solvi oportet non minus in filii, quam in refutantis obitu *pragm. 15. & 20. de feud.* Proinde ne quid cęptaretur in fisci fraudem, cautum in Regno fuit, ut refutationes intra dies quindecim in Regiæ Cameræ quinterniones referrentur: si secus fieret, refutatio pro infecta haberetur *d. pragm. 20. de feud.*

VIII. Porro in Regno feuda a patre filio frequentius refutari solent, seu ut se pater tædio administrationis eximat, seu ut potitus feudo filius honestiores nuptias inire possit. Hinc duo quidem in disceptationem venire queant, primo scilicet, an, præmortuo filio, feudum, excluso fisco, ad patrem redire debeat: deinde, an, si & alii supersint fratres seu germani, seu consanguinei, ipsis etiam patrem præferri oporteat. Quod ad primum, inspecto jure feudali com-  
mu-

muni, modo ne in refutatione placuerit,  
 ut feudum tamquam novum in filium  
 transferatur, post filii obitum fisco, aut  
 cuicumque domino præferendus est pa-  
 rens *consuet. feud. 2. 49.* Quod ad al-  
 terum, ex jure communi feudali quo-  
 que putarim, ipsum parentem refuta-  
 tarii fratribus præferri oportere. Ea  
 quidem in specie jûs feudale fratrem  
 præferre videtur *consuet. feud. 2. 14.*  
 Ibi tamen non inter fratrem, & patrem,  
 sed post parentis obitum inter fratrem,  
 & dominum lis instituta ponitur. Quic-  
 quid tamen ea de re jus commune feu-  
 dale caveat, in Regno Neapolitano re-  
 cepti mores patrem non minus fisco,  
 quam defuncti fratribus in feudo refu-  
 tato præferunt. *Conf. de Franch. de-  
 cis. 3. n. 1.* Id autem æquitatem ha-  
 bet, ne filio simul, & feudo pater ca-  
 rere cogatur. Ea tamen in specie non  
 reversionis quidem, sed successionis ju-  
 re,

re, & cum hereditaria qualitate feudum patri defertur. Id eo pertinet, ut in feudum pater hereditario jure succedat. Is igitur non tantum relevium solvere adigetur, sed, ut alias heredes reliqui, æs etiam alienum compelletur expungere. In eam vero sententiam ipsum Sacrum Consilium judicasse comperio apud de Franch. *d. decis.* 3. n. 10.



## TITULUS XIII.

*De vita, & militia præstanda  
liberis natu minoribus.*

**S**UPRA docuimus, cum in Regno Neapolitano, cum passim in Europa alibi in individua feuda, seu de jure Francorum, seu Longobardorum sint, admitti liberos tantum natu majores. Liberis igitur natu minoribus in ejusmodi

modi feudis consultum oportuit, ne paterni patrimonii exfortes omnino forent, neu in Civitate cum dehonestamento familiæ turpi laborarent inopia. Proinde sub ipsa Nortmannici Principatus auspicia, ut baronum filiabus præstituta dos fuit, qua nubere honeste possent, ita & liberis natu minoribus *vitam*, & *militiam*, quam vocant, ab eo præstari placuit, cui individui feudi successio delata foret. Ut igitur rem totam successoriam absolvamus, neque hic ejus argumenti quid desit, de vita, & militia quoque pauca monebimus.

II. Primum omnium satis constat, quæ *vita*, & *militia* a pragmaticis dicitatur, in Friderici constitutionibus *militiam* simpliciter appellari. Res aperte liquet ex *constit. comitibus. de adjutor pr. milit. fratr. Militiæ* igitur *vitam* addidere doctores, ut ipso vocabulo ostenderent, annua illa præstatione,

ne, quæ a barone fratribus natu minoribus exolvenda foret, eorum vitam sustineri oportere. In prædicta autem Friderici constitutione militia a barone præstanda duo quidem inculcat, primo scilicet, ab eo expendendum, quicquid assumentes fratres pro more sæculi militare cingulum erogaturi forent; deinde & annuæ quantitatis præstationem, qua fratres natu minores exhibere se possent. Sed lubet ipsa Friderici verba producere ex *d. constit. comitibus*. *Pro faciendo fratre milite non minus, quam pro sororibus maritandis occasione eorum, quæ a communi patre frater major habere dignoscitur, ex debito reneatur. Et frater minor militiam sibi debitam de bonis patris a fratre majore petere poterit, & habere*. In præsentī autem argumento militum appellatione non intelliguntur, qui hodie in numeris sunt, & in hodierna militia merce-

na-

naria, quam sequior ætas instituit, signa sequuntur. Eo enim vocabulo designantur, qui pro more temporum in equitum ordinem recipiebantur. Id autem cum fiebat, *militare* dicebantur adolescentes illi, qui receptionem & jubebant, & exquebantur. Vid. Duncang. voc. *militare*. Is ordo nulla quidem Principum lege, sed privatim, & veluti ex compacto nobilium in Europam fuit investus: ipsi autem Principes gloriosum sibi putabant, si in eum recepti forent. Receptionis tempore quisque profitebatur viduas, virgines, pupillos armis tueri, atque, quod in se foret, ab eis injurias arcere, aut ulcisci. Baronum liberis, ubi reciperentur, sumptibus haud modicis opus erat: eos igitur a fratre natu majori fieri Fridericus jubet *d. constit. comitibus*. Vide de tota re librum inscriptum *memoires del'ancienne chevalerie*. Ceterum is quidem ordo



ordo paulatim in Europa defuit, ubi tot ordines a Principibus sunt instituti. Ita apud nos retentum vetus militiæ vocabulum, vis adempta. *Vita* autem, & *militia* appellatur annua illa præstatio, quæ fratribus natu minoribus a feudis individuis exclusis veluti loco legitime a barone debet exolvi. Ex ipsa definitione liquet, vitam, & militiam non tantum fratribus natu minoribus, sed & eorum liberis in infinitum præstari oportere. Si secus statuas, res eo redigitur, ut alimenta liberis non debeantur. Nugas igitur doctores agunt, qui, ab aliis alimentis argumento petito, statuunt, post fratris obitum eam obligationem perimi. Quid in laterali linea, si de feudo novo agatur, eoque individuo, poteritne a fratribus natu minoribus vita, & militia peti? Ea in re quoque dissidium fecere doctores. Verum & in ea specie Sa-

Tom. II. Q crum

crum Consilium vitam, & militiam præstandam pronunciavit, ut testatur Camillus de' Curte *resolut. feud. c. 2. n. 24.* Id ita fortasse placuit, quia, si individuum non fuisset feudum, fratres æque omnes in illud admissi forent. Proinde ne prorsus neglecti viderentur, æquitas suavit, ipsis saltem vitam, & militiam non denegari.

III. Jam vero vitæ, & militiæ præstandæ onus reale est, & ipsi feudo hæret. Si igitur feudum fuerit alienatum, contra tertium possessorem fratribus natu minoribus licet agere. Id & æquitas suadet, & lege sua confirmavit Robertus *in capit. alienationis actus*. Quo autem modo vitam & militiam computari oporteat, duplex doctorum sententia circumfertur. Alii post Capanum *de vit. & milit. quæst. 6. n. 22.* ea in re ita rationes ineundas censent, ut dimidium ipsum reddituum fratri natu ma-

majori præcipuum addicatur; alterum vero dimidium relinquatur fratribus natu minoribus ita tamen, ut & in altero hoc dimidio in tributum veniat frater etiam natu major. Contra alii existimant, ea in re a legitimæ regulis alias ex rebus aliodialibus præstandæ recedi non oportere; vitæ igitur, & militiæ quantitatem ad rationem ipsius legitimæ computandam. In eo doctorum dissidio postremæ huic sententiæ suffragium meum addiderim. Primo enim & rebus frequentius judicatis, & doctorum majori numero ea defendi potest. Nam doctores plerisque omnes Neapolitanos, ac Siculos eam amplexos ostendit Antonius de Marinis *allegat.* 130. Deinde, quod magis urgendum existimarim, ipsa juris ratio ei favet. Cum enim apud nos in locum legitimæ in feudis individuis vita, & militia successerit, eam iisdem cum legitima regulis

lis computari oportet. Ab ipsa autem legitima argumento desumpto, facile definire fuerit, in liberis numerandis foeminas etiam numerari oportere, ea adhuc lege ut partem faciant, non accipiant. Si secus statuas, ratio reddi nequit, cur in computanda legitima in allodiis foeminæ computari debeant, neutiquam in vita, & militia, quæ, ut vidimus, in legitimæ locum & ipsa successit. Conf. de Marin. *d. allegat.* 130. n. 14. Eam vero sententiam fuisse in foro receptam, testatur ipse Reverterius, licet ab ea ipse fuerit alienior *decis.* 1. p. 1.

IV. Ex dictis liquet, vitam, & militiam, modo sine liberis decedant filii natu minores, veluti in nudo usufructu consistere, neque proprietatis quidpiam eo nomine peti jus esse. Id ipsum tamen intra feuda antiqua coerceri debet. Nam si de feudis novis, & ab ipso  
pa-

patre quaesitis sit controversia, ea in specie integrum erit liberis natu minoribus, vel vitam, & militiam petere, vel partem pretii, quo feudum emptum a parente fuerit. Conf. de Marin. *resolut. jur. libr.2. c.85.* Ejus autem consuetudinis in Regno vetustissimæ eam passim rationem pragmatici asserunt, quia si pecunia in feudi emptionem a patre expensa non foret, illam in arca patris, ejusque allodiali patrimonio invenissent liberi natu minores: in ipsius igitur partem æque cum filio natu majori forent admissi. Enimvero id obtinebit quidem, si pater aut intestatus decesserit, aut liberos æque omnes heredes testamento scripserit. Nam si secus extrema judicia ordinarit parens, liberi natu minores aut acquiescere testamento debent, aut ex feudi pretio, ut ex aliis allodialibus, tantum legitimam postulare poterunt, ut recte monet idem  
de

246 *Jus feud. Neap. ac Sic. L. II. T. XIII.*  
de Marin. *loc. cit. n. 6.*

V. At vero illud disceptatum video, qua actione prædictam pretii partem a filiis natu minoribus peti oporteat. Pragmatici ferme omnes Iferniæ servum pecus ad *c. Imperialem*. §. *præterea ducatus*, existimarunt, eam collationis jure peti oportere. Verum id quam absurde scriptitent, vel inde liquet, quod collatio locum non habet, nisi ubi quis cum reliquis heredibus admitti postulat ad parentis hereditatem, qua si se abstineat, non potest ad collationem adigi *l. 14. & 16. C. de collation.* Quapropter si eam pretii partem per collationem petendam statuas, impune posset filius natu major, reliquo parentis patrimonio repudiato, totum sibi feudum retinere; ita vero necessitatem effugeret ratæ pretii præstandæ liberis natu minoribus. Id perpendens Rovitus ejus sententiæ absurditatem non inficiatur,

tur, ab ea tamen non recedendum putat, *quia error jus facit decis.* 38. Cum tamen indignum jurisconsulto sit, receptis erroribus sententiam tueri velle, idem Rovitus eam quæstionem accuratius retractat ad *pragm.* 25. *de feud.* Ibi autem late probat, petitione potius hereditatis eam pretii ratam peti oportere, ejusque actionis fundamentum esse pretium ipsum in feudum expensum, & cum reliquo patrimonio in ipso feudo acquirendo confusum, quam viam ferme & ante eum inivit Montanus ad *d. c. Imperialem. §. præterea ducatus. n.* 128. & *sequ.* Id autem cum ratione juris convenire, nemo non videt. Cum igitur ob pretium quidem a parente erogatum, non ob feudum ipsum actio competat, inde intelliges, cur feudi meliorationes a temporis beneficio promanantes in æstimationem non veniant, ac filio tantum natu majori profint:

248 *Jus feud. Ne ap. ac Sic. L. II. T. XIII.*

sint: eæ enim cum pretio ipso commune nil habent. Id ipsum tamen ultra prædictam speciem extendi nolim. Si enim de reliquis feudi additamentis agatur, quæ ei aut per inædificationem, aut prædiorum adjectionem accesserint, ea, ut reliqua allodia, in tributum venient, ac liberis æque omnibus prodesse debent. Conf. Schrader. *de feud.* 2. p. 9. p. princip. sect. 2.

*Finis Libri II.*

---

Errata	Corrige.
tom. 1. p. 64.	
corporis Justiniani juris	corpori Justiniani juris
tom. 2. Eipo	Edipo
adavum	rectius atavum

Cetera suppleat lectoris humanitas.

V. A. 11546813

